

18296

ԱՐՏԱՇԵՍ ՅԱՐԱՒԹԻՒՆԵԱՆ

ԱՐՁԱԿ ԷԶԵՐ
ԵՒ
ՔԵՐԹՈՒԱԾՆԵՐ



ՓԱՐԻԶ

1937

831 . 99

Հ - 42

Կ Պ 2

ՄԵՐ ԲԱՐԵԿԱՄՆԵՐՈՒՆ ԵՒ ՀԱՄԱԿԻՐՆԵՐՈՒՆ



1929ի աշնան էր, որ խումբ մը մտաւորականներ հիմք դրին նահատակ Գրադէտներու Բարեկամներ հրատարակչական ընկերութեան, նպատակ ունենալով հաւաքել եւ հրատարակութեան տալ արեւմտահայ նահատակ կամ մեռած գրագէտներուն երկերը :

Արդէն կը քեւակոխենի մեր գոյութեան եօրներորդ տարին, եւ հակառակ տնտեսական տագնապին, ուրախ ենի յայտարարելու, որ կրցեր ենի հրատարակել արդէն ՏՍ.ՍԼ գեղեցիկ եւ ընտրուած հասորներ, իրականացնելով մեր մատենաշարին առաջին շարքը :

Պատրաստ դրամագլուխով մը չէր, որ գործի ձեռնարկեցինիք : Շնորհիւ հիմնադիրներու անմահանջ եւ անձնուեր գործունեութեան, ինչպէս նաև ժամի մը նուիրատուներու եւ հաւատարիմ ընթերցողներու համակրութեան, հրատարակչական այս գործը գաղութահայ կեանիքին մէջ անիրածեշտ ձեռնարկ մը դարձուցինիք : Պէտք ունինիք սակայն նոր օժանդակողներու եւ համակիր ընթերցողներու, այս գեղեցիկ մատենաշարը շարունակելու համար :

Կը հաւատանիք որ այս կերպով մեր նահատակ գրագլուներուն յիշատակը յարգած ու յաւերժացուցած պիտի ըլլանիք, իբրեւ նուիրական պարտականութիւն :

ՆԱՀԱՏԱԿ ԳՐԱԴԷՏՆԵՐՈՒ ԲԱՐԵԿԱՄՆԵՐ

Ս. Վրացեան, Մկրտիչ Պարսամեան,
Բժ. Լ. Գրիգորեան, Շ. Նարդունի, Կ. Սասունի

Այս հատորը նուէր ստացող թերթերէն կը ինդրենք
աբտապել այս կոչը :

ԱՐՁԱԿ ԷԶԵՐ
ԵՒ
ՔԵՐԹՈՒԱԾՆԵՐ



ԱՐՏԱՇԵՍ ՅԱՐՈՒԹԻՒՆԵԱՆ

« ՆԱՀԱՅԱԿ ԳՐԱԳԻՏՆԵՐՈՒ ԲԱՐԵԿԱՄՆԵՐ »

ՄԱՍԵՆԱՇԱՐ - ԹԻՒ 10

891.99

3-42

ԱՐՏԱՇԵՍ ՑԱՐՈՒԹԻՒՆԵԱՆ

ԱՐՁԱԿ ԷԶԵՐ
ԵՒ
ՔԵՐԹՈՒԱԾՆԵՐ



PRINTED IN FRANCE

ՓԱՐԻԶ

1937

18296

10.06.2013

38455

Այս գիրքն ուղագրուած է 100 օրինակ
մասնաւոր Վ.Էլեն քուղբի վրայ,
քուագրուած 1 — 100:



975-71

ԲՈՎԱՆԴԱԿՈՒԹԻՒՆ

	էջ
ԱՐՏԱՇԵՍ ՑԱՐՈՒԹԻՒՆԵԱՆ	9
1 - ՔԵՐԹՈՒԱԾՆԵՐ	26
Հարցուկը, Քերքողը («Լքուած Քնար»)	26
Գարնանային երազանք	,, 27
Տրումութեան Անդրին	,, 29
Միանձնուիին	,, 30
Յոպոյ քոչուն (Աւանդավէպ)	,, 32
Ընթերցողին («Երկունք»)	34
Նուէր	,, 35
Առաջին սէր	,, 36
Գերագոյն տօնը	,, 37
Ամառ գիշեր	(«Նոր Քնար») 38
Քայֆայում	,, 39
Խմ այգին	,, 40
Կարօտներս	,, 41
Ավասիափին ներքեւ	,, 42
Այսպէս, կեանքին ...	,, 43
Զմեռուան հովուերգութիւն	,, 44
Երկրախտ	,, 45
Խանութպան մը	,, 46

2 - ԳՐԱԿԱՆ ԴԻՄԱՍՏՈՒԵՐՆԵՐ	49
Եղիա Տէմիքնիպաշեան	49
Գալուստ Կոստանդեան	66
Մկրտիչ Ամենեան	75
Յովհաննէս Գագաննեան	86
 3 - ԳԻՐՔԵՐ ՈՒ ԴԵՄՔԵՐ	 94
Իմտրա եւ իր «Ներաշխարհ»ը	94
«Վերածնող Հայրենիքը եւ մեր դերը»	101
«Նալաշ Յովնաբան աշուղը եւ Յովնաբան Յովնաբաննեան նկարիչը»	111
 4 - ՎԱՂՈՒԱՆ ԳՐԱԿԱՆՈՒԹԻՒՆԸ	 119
«Մասիս»ի հարցարանին շուրջ	122
«Մասիս»ի հարցարանին շուրջ	124
Գրական խնդիրը եւ Ռէքոս էֆ.	
Պէրպէրեան	128
Եզրակացութիւն	138
 5 - ԻՄՍՍՍՍՍԻՐԱԿԱՆ (Անտիպ Էջեր)	 143
Գրականութիւն եւ Գեղարուեստ	159
Մոխիր եւ Մախր	171
Թափառումներ	186

ԱՐՏԱՇԵՍ ՅԱՐՈՒԹԻՒՆԵԱՆ

ԱՐՏԱՇԵՍ ՅԱՐՈՒԹԻՒՆԵԱՆ ձնած է Մալկարա 3/15 Հոկտ. 1873ին։ Մալկարան Խոտոսթոյի հիւսիսարեւմտակողմբ, բլուրի մը կողին վրայ, շատ մաքուր օդով եւ ջուրով, գեղեցիկ ու բերրի դաշտերով և տպաւրիչ տեսարաններով գիւղաքաղաք մըն էր։ Հայերը հոն հաստատուած էին աւելի քան երկու հարիւր տարիէ ի վեր եւ տիրացած տնտեսական շատ լաւ դիրքերու։ Արհեստները եւ վաճառականութիւնը իրենց ձեռքն էին մեծ մասով։ Արտաշէս Յարութիւնեանի նախահայրերէն Սերովբէ Յարութիւնեան 1825 թուականներուն նշանակելի դիրք մը գրաւած էր Մալկարայի մէջ չնորհիւ իր նրբամտութեան եւ խոհեմութեան։ Անոր մէկ որդին Արտաշէսի մեծ հայրը, Պողոս աղա Սերովեան, աւելի նշանաւոր եղած է։ Օժտուած էր իմացական արտակարգ կարողութիւններով եւ Փիղիքական ու բարոյական բարձր յատկութիւններով։ Անոր զաւակը, Յարութիւն Պօղոսեան, ինքն եւս նահատակ իր գաւկին Արտաշէսի պէս, օժտուած էր ազնիւ յատկութիւններով, եւ յարգուած էր ամէնուն կողմէ։ Իր մտաւորական կարողութիւններով եւ բացառիկ ձիրքերով առաջինը կ'ըլլայ Արտաշէսի վրայ ներգործող եւ անոր ուղղութիւն տուող։

Արտաշէսի աւաղանի անունն էր Պօղոս, մեծ հօրը անունով։ Արտաշէս անունը ստացած է վարժարանին մէջ՝ ուր սովորութիւն կար տղոց անունները փոխելու հայ պատմական անուններու։ Ծնած ատեն խիստ փոքր եղած է։ Քիչ ատենէն սակայն ստացած է Փիզիքական շատ առոյդ վիճակ մը եւ դարձած շատ անհսնդարտ մանուկ մը։ Ինը ամսու եղած ատեն արդէն սկսած է քաւել ու խօսիլ։ Այս կանխահասութիւնը ո՛չ մէկ կերպով վնասած է իր առողջութեան՝ որ եղած է խիստ կանոնաւոր։ Ամբողջ մանկութիւնը անցուցած է արտակարգորէն անառակ տղու մը համբաւը թողով։ Իր չյագեցող հետաքրքրութիւնը չուրջինները ամէն վայրկեան նեղելու աստիճան հարցասէր ըրած է զինքը։ Բայց հայրը, իր գիտակից հօր ծանօթ համբերատարութեամբ ջանացած է օգտակար դարձնել իրեն այդ բանը եւ ուղղութիւն տուած է անոր հետաքրքրութեան։ Արտաշէս եօթը տարեկանին սկսած է յաճախել գիւղին նախակրթարանը՝ որ այն ատեն փայլուն վիճակ չունէր։ Աւելի վերջ Պէրպէրեան վարժարանէն կիսաւարտ տեղացի ուսուցիչի մը ինամքին տակ մնացած է մէկ երկու տարի եւ սկսած է իր մէջ ուսման ճաշակը զարգանալ։ Բայց ինքը՝ այն ատեն ունենալով տկար յիշողութիւն, նկատուած է իրը միջակ կարողութեամբ աշակերտ մը։ Ծոյլ չէ եղած բնաւ, միշտ շատ աշխատած է իր գասերուն, բայց երբէք չէ յաջողած դասարանին առաջինը ըլլալու։ Իր դժբախտութենէն համայնքին հակամարտութիւնները թոյլ տուած չեն որ վարժարանը միեւնոյն ուղղութեան վրայ մնայ։ յաճախ փոխուած են ուսուցիչները, այնպէս որ Արտաշէս չէ կըցած նախակրթարանի կանոնաւոր ընթացքի մը հետեւիլ եւ զայն աւարտել։ Նախ քան վարժարանը թողուլը արդէն բանաս-

տեղծութիւն գրելու մարմաջը սկսած է տոչորել զինքը, միայն թէ վստահ չէր ինքն իրեն վրայ եւ յաճախ կ'ըսէր հօրը. «Ինչո՞ւ ես չեմ կրնար գրել, հայրի'կ»։ ու հայրը կը պատասխանէր վստահութեամբ. «Պիտի կըրնա՛ս, տղա՛ս, աշխատէ՛»։ Ու Արտաշէս կ'աշխատէր։ Տպաւորութիւնները եւ զգացումները կ'եռային իր մէջ, բայց չէր յաջողեր զանոնք ո՛չ արձակ ո՛չ ոտանաւոր դրի առնելու։

Գարնան բանաստեղծական օր մը հայրը, թերեւ, մասնաւոր դիտումով, իր հետ կ'առնէ Արտաշէսը եւ հօրեղբօրը փոքրիկները եւ իր մօտակայ այգին կը տանի կեռաս ուտելու համար։ Ճամբան առիթը չի փախցներ օգտակար թելադրութիւնները ընելու իր զաւկին։ Կը հասնին այդի. կեռասները կարմրած էին եւ ծառերը գեղեցկօրէն զարդարուած։ Ցղոց ուրախութիւնն ու կայտունքը չափ չունէին։ Արտաշէս ամէնէն երէցը, դեռ տասնըչորս տարեկան, կը մասնակցի հրճուանքին եւ ծառը մագլցելով տղոց հասած կեռասներ կը նետէ որ ուտեն։ Երբ ամէնքը կը յագենան, ծառէն վար կ'իջնէ ու կը նատի հօրը քով՝ որ արդէն իրեն կը սպասէր։ Հոն Արտաշէս դարձեալ կը կրկնէ իր սեւեռեալ մտածումը թէ ինչո՞ւ ինք չի կրնար գրել։ Հայրը որ Բնութենէն ու պահէն ներշնչուած էր արդէն՝ կը քաջալերէ եւ թուղթ ու մատիտ տալով իրեն՝ կ'ըսէ թէ միասին ոտանաւոր մը պիտի գրեն կեռասին վրայ։ Առաջին տողը հայրը տուն կուտայ, յաջորդները հօրը թելադրով հարցումներուն շնորհիւ ինք կ'ամբողջացնէ յաջութեամբ։ Գրականութեան այս ինքնատիպ ու տպաւորիչ դասը վերիվայր կը ըրջէ Արտաշէսի հոգին։ Ուրախութիւնը անսահման էր. կրնայ՝ եղեր գրել։ Այդիէն վերադարձին հրճուանքով կուգայ եղբայրը գտնել . եւ

մասնակից ընել զինքը իր անսահման երջանկութեան։ Կեռասին ոտանաւորին յաջորդեցին ինքնագիր շատ ոտանաւորներ։ Աւելի վերջ՝ երբ ա՛լ վարժարանը թողեր էր, կը սկսէր իր ոտանաւորները հրատարակել «Քուրաստան Մանկանց»ի մէջ։ Իր առաջին ծածկանունը եղած է «Մանիշակ» զոր շատ քիչ ատեն գործածած է։

Բայց Արտաշէս ոտանաւոր գրելով չէր բաւականար, կը կարդար, անվերջ կը կարդար, վասնդի զարդանալու իր ներքին մղումը անզուսպ էր ու կը մղէր զինքը մոռնալու ամէն ինչ եւ անձնատուր ըլլալու ընթերցումի։ Վարժարանին մէջ Փրանսերէն լեզուի հաղիւ թէ տարերքը ուսած էր, բայց յամառած էր զայն շաւ սորպէլու, ինքնօդնութեամբ, զգալով թէ անիկա մեծադոյն միջոցը պիտի ըլլար իր զարդացման օգնելու։ Հայրը հաճոյքով կը տեսնէր իր զաւկին յառաջդիմութիւնը եւ թոյլ տուած էր անոր որ զնէ այն բոլոր դիրքերը՝ զորս ան կը փափաքէր ունենալ։ Երբ դեռ քսան տարու չկար՝ արդէն իսկ բարձր ձգտումները մեծապէս զօրացած էին իր մէջ։

Արտաշէսին արդէն իսկ անհանդիստ միտքը նոր հորիզոններու կը բաղձար։ Այդ հորիզոնները փնտուելու համար չէր կրնար ան Պոլիս երթալ կամ ուրիշ որ եւ է զարդացած կեդրոն, վասնդի իրեն նմաններուն արդիւուած էր նահանդին սահմանէն դուրս ելլել։

**

Արտաշէսի բանաստեղծական խառնուածքին համար փոքր գրդիո մը չէր նաեւ իր առաջին սէրը։ Իրօք իր առաջին երկու հատորներուն մէջ բնութենապաշտ յուղումը խառնուած է սիրուած էակի մը առթած գորովալի զգացման այնպիսի վերացական եւ մաքուր արտայայտութեամբ մը, որ իր քննադատները իր կուած

Քնարին առիթով վճռեցին թէ արտայայտուած ու քնչչօրէն երգուած այդ գորովը ուղղուած էր երեւակայական էակի մը։ Այդ քննադատները թէեւ բոլորովին կը սխալէին, բայց ինքը բնաւ չհերքեց այդ սխալը։ Եւ սակայն այդ էակը գոյութիւն ունեցած է յանձին Տիկնանց վարժարանէն վկայուած օրիորդի մը՝ որ ուսուցչուհի էր Մալկարայի աղջկանց վարժարանին չէջ։ «Այդ մաքուր սիրոյն մասին ան ոչ մէկ բան ըսած է ինծի, կը գրէ իր եղբայրը, Վահան Յարութիւնեան, բայց այն ատեն ես դեռ պատանի, պատահաբար կարդացած եմ իր մէկ նամակը ուղղուած այդ օրիորդին՝ որ կը փխադարձէր այդ սէրը, դիբախտ սէր մը՝ որ մէր ծնողքին ընդդիմութեամբ խորտակուեցաւ շուտով։ Մոռցա՞ւ զայն։ Հակառակ իր մոռնալու ակնյայտնի կամքին՝ ես չեմ հաւատար որ այդ առաջին սէրը առանց հետքի անցած ըլլայ երբեք անոր հողիին վրայէն եւ կը կարծեմ թէ այն լքումները եւ տիրութիւնները՝ որոնք կ'արտայայտուին գէթ իր առաջին երկու հատորներուն մէջ, արդիւնքն են այն մաքառումներուն՝ զորս զործ կը գընէր ան կորսուած սիրոյն իրեն թողած ցաւերուն դէմ։ Ու արդարեւ սէրը կորսուած էր անյոյս, վասն զի օրիորդը շուտով հեռացաւ Մալկարայէն եւ ա՛լ մէր տան մէջ ոչ ոք խօսեցաւ իր մասին։ Ես չեմ գիտեր թէ այդ օրիորդը ի՞նչ եղաւ, այսօր կ'ապրի՞ թէ ոչ։ Ատոր համար կը զգուշանամ անունը տալէ, ինչ որ արդէն մէծ շահեկանութիւն մը պիտի չաւելցնէր այս կենսադրականին վրայ։ Միայն թէ եթէ ողջ է ու պահած այն նամակները՝ զորս ընդունած է Արտաշէսէն, կ'արժէ որ զանոնք ինծի կամ իր ընտրած մէկ ուրիշին վստահի, վասն զի կը յուսամ թէ զրական գեղեցիկ հատուածներ պարունակեն անոնք»։

**

Արտաշէս «Բուրաստան Մանկանց»էն յետոյ աշխատակցած է նաեւ ուրիշ թերթերու։ Բայց առաջին անգամ ան աչքի զարկած է Արփիարի «Հայրենիք»ին մէջ իր հրատարակած գաւառական պատկերներով։ Առաջին յօդուածին տակ՝ փոխանակ իր անունին՝ ան զարմացումով տեսաւ թէ «Կարօ» ծածկանունը դրուած էր։ Արփիարի կնքահայրութեամբ իրեն նուիրուած այս ծածկանունը հաճելի թուեցաւ իրեն եւ երկար ատեն գործածեց զայն, մինչեւ որ բոլոր համող, գրիչ գործածելու կարող կարապետները սկսան կարօ ստորագրել, գուցէ իրաւամբ եւ այսպէսով շփոթութիւն առաջ բերել։ Այդ ատենէն ի վեր ան միշտ գործածեց իր քուն անունը։ «Հայրենիք»ի մէջ էր որ Արփիար այդ օրերուն զնահատական ջերմ խոսքերով Մալկարացի կարոյին եւ Թլկատինցիին անունները կը յիշատակէր իբր գաւառացի ինքնատիպ գրողներ՝ որոնք տոհմային հարազատ գիմագիծ ունեցող եւ իրապաշտ գրականութիւն մը կը մշակէին։ Այդ յիշատակութենէն յետոյ էր, որ Թլկատինցին, այդ խիստ ինքնատիպ ու մեծ գրագէտը, կապուեցաւ Արտաշէսի հետ՝ զոր իր «Լուսաղբար»ը կը կոչէր։ Արգարեւ լոյսի, գրականութեան նոր ու լուսագիծ ուղիի մը երկու ուսահվիրաններն էին անոնք, ուղիի մը որուն պաշտպանն ու ձեւաբանողը պիտի ըլլար աւելի ուշ Արտաշէսը իր Վաղուան Գրականութեան մասին հրատարակած յօդուածներով։ Անոնց երեւցած ատեն՝ արդէն իսկ երեւան եկած էին Մշոյ Գեղամը, Զարդարեանը, Գագաննեանը եւ ուրիշներ։

Այլ եւս մեծ չափով սկսած էր արտադրել ան եւ

իր մտքի արտադրութիւնները հրատարակել պոլսական գրեթէ բոլոր թերթերուն եւ պարբերականներուն, ինչպէս նաեւ Զմիւռնիայի «Արեւելեան Մամուլ»ին մէջ։ Միւս կողմէ ընկլուզուած էր Փրանսական գրականութեան մէջ՝ զոր կը ճանչնար խորապէս։ Պոլսոյ ջարդէն յետոյ մեր երիտասարդ գրագէտներէն շատեր անցած էին Եւրոպա, իսկ Արտաշէսին եւ նմաններուն արգիւռած էր նահանգի սահմաններէն դուրս ելլել։ Այս սեղմումը արգելք չէր եղած սակայն, որ ան գագրեցնէր արտասահմանի հետ իր յարաբերութիւնները։ Կը շարունակէր ստանալ «Մերքիւր տը Ֆրանս» գրական լուրջ հանդէսը, երիտասարդ սէնալուլիստներու ժամադրավայր «Լա Փլիւմ» պարբերականը եւ լէսոն Պազալժէթի կը Մակագին ինթերնասինալը։ Այս վեցինին եւ աւելի վերջ լ'Անֆլօի մէջ ան հրատարակեց հայ գրականութեան վրայ քանի մը յօդուածներ։ Այսպէսով անհիացիկ համակրութիւնն ու բարեկամութիւնը շահեցաւ Պազալժէթի, այդ հայսէր հեղինակին։

Անոր արտասահմանի հետ այս յարաբերութիւնները՝ որոնցմէ ոմանք տեղի կ'ունենային Ռոտոսոթոյի օտար հիւլպատոսներէն մէկին բարեացակամ միջնորդութեամբ, համբառեան շրջանին՝ խիստ վտանգաւոր էին։ Բայց Մալկարացի մէջ կար ծերունի գայթակամ մը, Սալիկ Միւնիր պէյ, որ Արտաշէսի հօրը մտերիմ բարեկամը ցոյց տուած էր ինքինքը եւ բարեացակամ վերաբերում ունէր անոնց հանդէպ։ Այդ բարեացակամութեան ապացոյցը տուած գէթ անդամ մը։ Միսակ (Սուրէն Պարթեւեան) Մանչէսթըրի մէջ կը հրատարակէր «Վաղուան Զայնը» խորազրով հանդէս մը։ Արտաշէս գաղտնաբար կ'աշխատակցէր անոր։ Միսակ թէ թերթ զրկեր էր եւ թէ զիրք-նամակ մը եւ իր լուսա-

նկարը՝ որոնք իշխանութեանց ուշադրութիւնը գրաւած ըլլալով վար դրուեր էին: Անոնք կրնային Սրտաշէսին կորստեան պատճառ դառնալ, բայց գայլագամը զանոնք իր քով վար դրեր էր եւ Մալկարայէն վերջնականապէս հեռանալէ առաջ հօրը յանձներ էր: Այսպէս՝ հալածանքէ աւելի կամ նուազ հեռու մնաց ան, թէեւ քիչ չէին այն թուրքէրը՝ որոնք զինքը կը նկատէին իբր վլտանգաւոր մարդ:

Ինք շատ փոյթ չէր ըներ այս բոլորը եւ կը շարունակէր իր անզուսպ գրասէրի փափաքներուն գոհացում տալ բոլոր հնարաւոր միջոցներով: Կը թղթակցէր վերհարընի հետ՝ որուն վրայ կը հիանար, եւ որմէ աղղուելով Պոլսահայոց մէջ առաջին անդամ ըլլալով կը փորձէր ազատ ոտանաւորը արտակարգ յաջողութեամբ: Կը գրէր նաեւ Ռէմի տը Կուրմոնի, որուն հետեւելու ձգտումներ ունէր: Կը շարունակէր նաեւ գաղտնարար ստանալ ընկերվարական թերթեր եւ գրքոյներ: Այդ միջոցներուն ան դեռ ճշգած չէր իր ընկերային դաւանակը, ուսումնասիրելու եւ փնտուելու վրայ էր: Կիւթավի լը Պոնի բազմաթիւ հեղինակութիւններուն ընթերցումը եւ Ռէմի տը Կուրմոնի միտքերը աւելի պայծառացուցին իր դասումները, այնպէս որ ան ճըշդեց իր հակումը որ էր գէպի անհատապաշտութիւն (Էնտիվիտիւալիզմ) եւ որ կը յանդէր իր մտքին մէջ անիշխանական թէոռիին: Ասոր համար, գուցէ, ինքը ըլլալով հանդերձ հայրենասէր հայ մը, Սահմանադրութեան հոչակումէն առաջ թէ վերջը մնաց անկախ ամէն հայ քաղաքական կուսակցութենէ, չծածկելով սակայն իր համակրութիւնը Դաշնակցութեան, որուն մէջ էին բոլոր իր ընտրեալ եւ շատ սիրած բարեկամները, Զարդարեան, Գեղամ Բարսեղեան, Շ. Միսաքեան եւն.:

97/5-71

Ժիւլ Լըմէթրի եւ մահաւանդ Ռէմի տը Կուրմոնի ընթերցումները իր մէջ երեւան հանեցին գրական քըննադատի իր հակումները: Ինք արդէն կանուխէն մէծապէս կը շահագրգոռէր գրական ամէն երեւոյթով եւ կը գծէր գէմքեր, բայց իր գատելու ինքնատիպ եղանակը ճշգուած է աւելի վերջ: Իր գրական քննադատի հանրածանօթ համբաւը նուիրագործուեցաւ աւելի վերջ երբ Թիւզանդիոնի, Ազատամարտի, Շանթի եւ ուրիշ թերթերու մէջ կոչուեցաւ հրատարակելու իր հեղինակաւոր քննադատական յօդուածները ժամանակակից բոլոր հրատարակութիւններու մասին: Անիկա երեմն միայն անողոքորէն հեղնող էր անտանելի միջակութիւններու հանդէպ՝ հոգ չէ թէ անոնք անիրաւորէն համբաւի տիրացած ըլլային, սակայն մէծ եռանդ եւ գիտակցութիւն կը դնէր իրական արժէքներ վեր հանելու համար, ինչպէս օրինակ այն խանդավառութիւնը՝ զոր ցոյց տուաւ Միսաք Մեծարենցի յայտնութեան առիթով: Գ. Բարսեղեան՝ որ միշտ մնաց իր հիացիկ բարեկամը, իրեն զրկած էր Մեծարենցի ձեռագիրներէն՝ նախ քան անոր առաջին հատորին հրատարակութիւնը: Արտաշէս յայտնեց իր անվերապահ հիացումը եւ, եթէ չեմ սխալիր, զրեց նաեւ հիւանդ բանաստեղծին: Անոր առաջին հատորին հրատարակութենէն վերջ հրապարակով ալ արտայայտեց իր գնահատանքը, ինչ որ ազգեցութիւն ունեցաւ Մեծարենցի բանաստեղծական բարձր արժանիքի ծանօթացման տեսակէտէն:

Սահմանադրութեան հոչակման տարին ան ի յայտ բերաւ նաեւ իր հօրմէն ժառանգած բեմբասացի կարողութիւն մը: Իր ձայնը յստակ եւ համելի էր, արտայայտութիւնը հանդարտ եւ ինքնավստահ՝ առանց ցրտութեան, շարժումները ժուժկալ, բայց ակնհայտ առանց



ուսուցիկութեան, իսկ պարբերութիւնները քերականական մեծ ճշգութեամբ կը յաջորդէին իրարու այնպէս՝ ինչպէս եթէ գրուած ըլլային խնամքով։ Ունկընդիրը այս փոքրահասակ այլ զօրաւոր, համեստ այլ ինքնավտահ, պարզ այլ ազգեցիկ մարդուն շրթունքէն կը կախուէր հմայուելով անոր բարձր բայց ժողովը դականացած միտքերէն ու նաեւ նայուածքէն՝ որուն կայծկլտող փայլը կը գերէր, կը հպատակեցնէր։

Արտաշէս 1903էն ի վեր հետեւած էր նաեւ հոգեկան գիտութիւններու եւ մասնաւորաբար քնչածութեան։ Յովհաննէս Գաղանձեան՝ որ գաւառական գրականութեան ջատագովներէն ըլլալով շատոնց կը թղթակցէր Արտաշէսի հետ, իրեն կը գրէր նաեւ իր քնչածական կիսատ յաջողութիւններուն մասին։ Արտաշէսն էր որ զայն դրաւ գործնական ուղղութեան մէջ։ Աւելի վերջ՝ Արտաշէս Փրանսերէնի թարգմանեց օֆիլթիզմի մասին անոր մէկ գործը՝ որ չենք գիտեր թէ հրատարակուցած թէ ոչ։ Այս մարդին մէջ Արտաշէսի ձեռք բերած արտակարգ կարողութիւնները՝ առաւելապէս կը գործածէր ինքնաթելադրութեամբ իր անձին կատարելագործումին։ Եւ փորձը ցոյց կուտար թէ ան օրէ օր աւելի տէր կը դառնար ինքզինքին՝ որքան հոգեկան՝ նոյնքան նաեւ Փիլիփական հաւասարակշուութեան տեսակէտով։ Անիկա կարող էր իր կամքին ուժով նոյնիսկ անզգայութիւն առաջ բերել իր մարմինին որ եւ է մէկ կէտին վրայ եւ հոն մխել ասեղ մը՝ առանց ցաւ զգալու։ Յիշելու համար միայն մէկ պարագայ, ինչպէս կը պատմեն Նիկոմիդիոյ Եկեղեցիին մէջ իրեն հետ բանտարկուողները, ան վերջին օրերուն ուզած է մոռնալ թէ ունի մայր, քոյր, եղբայր՝ զորս այնքան շատ կը սիրէր, ուզած է հեռու պահել ինքզինքը ամէն զգայա-

վասութենէ, որպէսզի իր տառապանքը նուազեցնէ եւ զացած է դահիճներուն հետ առանց յուզումի։

Արտաշէս Յարութիւննեան կը հետաքրքրուէր նաեւ շատ բարդ ու հոգեբանական խոր հմտութիւն պահանջող գիտութեամբ մը, դրալուծութեան (կրաֆօլոֆի) ուսումնասիրութեամբ։ Գրալուծութիւնը հիմնուած ըլլալով հոգեկան վիճակներու մարդկային շարժումներու վրայ ունեցած անդրադարձումին եւ հետեւաբար անոնց նաեւ գիրերու վրայ պատկերացումին իրոզութեան վրայ, դրական գիտութիւն մըն է որ կը պահանջէ միանդամայն հոգեբանական հմտութիւն եւ մեծ թափանցողութիւն։ Երկար ուսումնասիրութիւններէ, փորձերէ եւ դրալուծութեան հիմնադիրին՝ Քրէփիէօ Ժամէնի հետ հրահանգիչ թղթակցութիւններէ յետոյ։ Արտաշէս կատարելապէս իւրացուց այդ գիտութիւնը՝ որ իրեն առիթը կուտար հոգեբանական իր խոր հմտութիւնը մարգելու շարունակ։ Ան գիրերու վրայէն նկարագիրներ կը վերլուծէր մէծ ու անակնկալ ճշգութեամբ։

Ազգային ըրջանակի մէջ Արտաշէսի գործունէութիւնը եղած է քանի անդամներ թաղականութեան կամ հոգաբարձութեան մասնակցիւ։ Այդ պաշտօններուն մէջ ան ջանացած է օգտակար ըլլալ, բայց յայտնապէս ախորժ չէր զգար հանրային պաշտօններէ եւ շուտով կը հեռանար անոնցմէ։ Ինք կը սիրէր ապրիլ մեկուսի, որպէսզի կարենար ընկղզիլ իր դրական եւ իմաստասիրական ընթերցումներուն եւ գործունէութեան մէջ։ Բայց եւ այնպէս կը զբաղէր վարժարանական հարցերով, կը գնէր ու կը կարդար մանկավարժական գիրքեր եւն. եւ մօտէն կը յարաբերուէր վարժարանի ուսուցիչներէն արժանաւորագոյններուն հետ։ Մալկարան հինէն ի վեր նախանձախնդիր էր ուսուցիչներու ընտ-

բութեան մէջ եւ շատ լաւ ուսուցիչներ ունեցած էր .
Վ. Թորոսեանը , Ս. Սրենցը , Տ. Զրաքեանը եւ ամէնէն
վերջ Քիւֆէճեանը (Օշական)՝ որ 1911ին տնօրէն կար-
գուեցաւ Մալկարայի Վարժարանին : Այն ատեն Արտա-
չս իր գրական համբաւի լրումին մէջ էր : Քիւֆէճեան
դեռ հազիւ ըրած էր իր նախափորձերը : Ինք արդէն օժ-
տուած նուրբ դիտողութեամբ եւ գրական ինքնատպու-
թեամբ՝ կը փնտոէր իր համբան՝ զոր դեռ չէր դտած :
Իր ամենօրեայ երկարատեւ շփումները Արտաշէսի ա-
ռաջնորդող գաղափարներուն հետ , միացած այն գրա-
կան , քննադատական եւ իմաստասիրական ընթերցում-
ներուն՝ որոնց Արտաշէս կը մղէր զինքը , հետզհետէ
կազմեցին իր մէջ գրագէտը՝ որ քիչ յետոյ երեւան
պիտի գար իր բովանդակ ինքնատպութեան մէջ : Անոր
Խոնարհները որ գրուած են մեծ մասամբ այդ թուա-
կաններուն՝ այդ խորագիրը ստացած են Արտաշէսի
թելադրութեամբ :

Պալքանեան պատերազմէն յետոյ 1912 – 1913 շատ
դժուարութիւններ կրելով , Արտաշէս իր ընտանիքին
հետ կը հաստատուի Սկիւտար , կը զառնայ իւնիօն
տը Բառի ապահովագրական ընկերութեան քննիչը ու
կը մեկնի գաւառները , իսկիշէհիր , էրէյլի , Պօր , Կե-
սարիա եւ աւելի վերջը ինկիւրի :

Մեծ պատերազմի յայտարարութենէն վերջ՝ անկա-
րելի դարձաւ Արտաշէսին իր ապահովագրական քրն-
նիչի պաշտօնը շարունակել , վասնզի ներքին զաւառներ
համբորդելու մեծ դժուարութիւն կար եւ ընկերութիւ-
նը որուն մօտ կ'աշխատէր , իր գործերը կը սահմանա-
փակէր : Այն ատեն Արտաշէս ձեռնարկեց ուսուցչու-
թեան : Անիկա այցելու ուսուցիչ եղաւ եւ դասեր ստանձ-
նեց չորս օր Գատը-դիւղի Արամեան վարժարանին մէջ՝

որուն տնօրէնն էր Հայկ Խօճասարեան , եւ ուր կը պաշ-
տօնավարէր նաեւ Յ. Օշական : Արտաշէս դասեր
ստանձնեց նաեւ Սկիւտարի Ս . Խաչ եւ Կաթոլիկ Հայ-
րերու վարժարաններուն մէջ : Ուսուցչութեամբ աւելի
կը շահէր թէեւ , բայց սկիզբները գոհ չէր : Հետզհետէ
սկրեց մանուկները՝ որոնք սկսած էին պաշտել զինքը :
Կիրակի օրեր յաճախ Գատը-դիւղէն Սկիւտար տղոց
խումբեր կուտային ծաղկեփունջերով Արտաշէսին այ-
ցելելու՝ տեսակ մը ուխտատեղի դարձնելով անոր տու-
նը :

Թուրքիոյ զօրաշարժէն ու պատերազմի մասնակ-
ցութենէն յետոյ՝ ինչպէս բոլորին , մանաւանդ գրական
ծանօթ անձերուն մտահողութիւնը աւելցած էր :

1915 Ապրիլ 24ի առաջին ձերբակալութիւններէն
դերծ մնաց Արտաշէս Յարութիւնեան : Շատ չանցած
սակայն , իմացուեցաւ թէ ոստիկանութիւնը հասցէներ
կը հաւաքէ : Գատը-դիւղի ուսուցիչներու կարգին Ար-
տաշէսին ալ հասցէն առնուած էր : Կացութիւնը օրէ օր
տագնապալի դառնալ կը սկսէր : Արտաշէս , իրեններուն
պնդումներուն վրայ Սամաթիա տան մը մէջ կը պահ-
ուի մէկ ամիս : Օգոստոս 26/8ի կիրակի օրը , Սկիւտար
կը մեկնի : Ճաշէն վերջ դուրս կ'ելլէ : Իր բացակայու-
թեան հասցէին ապահովագրուած նամակ մը կը բերէ
ցրուիչը , բայց չի յանձներ : Երկրորդ անգամ ցրուիչը
նորէն կը բերէ նամակը , ընկերակցութեամբ գաղանի
ոստիկանի մը , որ ձերբակալելով Արտաշէսը , կը տանի
նաւամատոյց եւ անկէ Պոլսոյ ոստիկանատունը : Յա-
ջորդ օրը կը ձերբակալուի նաեւ հայրը :

Հայր եւ որդի կը փոխադրուին իզմիր ու կը բան-
տարկուին եկեղեցիին մէջ , ահաւոր չարչարաններու
ենթարկուելով , ինչպէս կը վկայեն ականատեսները :

Օգոստոս 19/1 Սեպտ. ի օրը, հզմիտի եւ Տէրպէնտի
կայարանին մէջ տեղի կ'ունենայ անոնց սպաննութիւնը։
Արտաշէս Յարութիւնեան 42 տարեկան էր դեռ եւ կը
դանուէր մտաւորական հասունութեան իր լրումին մէջ։

**

Ա. Յարութիւնեան հրատարակած է բանաստեղ-
ծական երեք հատորներ. Լուսած Քնար՝ որ խումբ մը
երիտասարդ գրողներու նախաձեռնութեամբ եւ ծախ-
քով հրապարակ ելաւ 1902ին, Երկում՝ որ հրատարակ-
ուած է Արծիւ գրատան կողմէ 1906ին եւ Նոր Քնար
որ հրատարակուած է իր կողմէն՝ «Շանթ» տպարանի
խնամուած տպագրութեամբ 1912ին։ Այս վերջին գոր-
ծը՝ զոր ինք այնքան գուրգուրանքով պատրաստած է,
թերեւս մեր նոր սերունդին կողմէ հաղիւ ճանչցուած է։
Անոր հրապարակ հանուիլը զուգադիպած է Պալքանեան
պատերազմին՝ որուն յաջորդած է համաշխարհային
պատերազմ։ Այդ գիրքին օրինակները հազուագիւտ
են այսօր, վասնզի անոնք պատերազմի ու գաղթակա-
նութեան թոհուրոհերուն մէջ կորսուեցան։ Նոր սե-
րունդը բանաստեղծ Ա. Յարութիւնեանը պէտք է ճանչ-
նայ՝ այս հատորին ընթերցումով, քանի որ նոյն իսկ
հեղինակին խոստովանութեամբ եւ գիրքին խորագրին
իմաստով՝ ան իր տաղանդին նորագոյն ձեւաւորումին
արդիւնքն է, պատանեկան Լուսած Քնարէն եւ երիտա-
սարդութեան Երկումէն յետոյ՝ ծնած միտքի եւ զգա-
ցումներու հասունութեան շրջանի մը։

Արտաշէս գրած է իր ոտանաւորները կրօնական
նախանձայուզութիւն մը գործ դնելով անոնց իմաստին,
լեզուին, ներդաշնակութեան եւ տաղաչափութեան մէջ։
Ինչպէս եղած է, յարատեւօրէն իր անձը կատարելա-
գործելու հետամուտ՝ նոյնպէս ջանացած է կատարել-

լագործել իր արձակն ու ոտանաւորը։ Այս ձգտումն է
որ զինքը ըրած է անխնայ սրբագրող մը։

Ա. Յարութիւնեան կը պաշտէր Խայեամը՝ որուն
քառեակներէն մէկուն վերջին տողը կը կրկնէր յաճախ։
«Եթէ տունը մարդ կայ, մէկ բառ բաւ է»։ Ասիկա տե-
սակ մը նշանաբան էր իրեն համար՝ որ գրական (եւ
լեզուական) շատախօսութենէ չէր ախորժեր։

Կը սիրէր մեր հին բանաստեղծութիւնները՝ շարա-
կանները՝ որոնցմէ գեղեցիկ էջերու ընդօրինակութիւն-
ներ կան իր ձեռագիրներուն մէջ։ Կը սիրէր Քուչակը՝
զոր զմայլանքով կը կարդար յաճախ։

Օտար բանաստեղծներէն կը սիրէր Պոտլէուը՝ որմէ
թարգմանութիւններ հրատարակած է։ Բայց կը սիրէր
նաև Վէրլէնը, զոր հիացիկ յափշտակութեամբ կը կար-
դար ու կը բացատրէր, Մալարմէն՝ հակառակ անոր
խրթնութեան, Բիէր Լուիսը, Մէթէրլինկը, Վերհառնը։

Իսկ Սիւլի Բրիւտոմը՝ զուսպ եւ խաղաղ, իմաստա-
սէր միանգամայն յուզումով թրթուուն, իր սիրելագոյն
բանաստեղծը կը թուէր ըլլալ։ Կը սիրէր զայն անոր
ժուժկալութեան եւ քերթուածին կատարելութեան
համար՝ որուն կը ձգտէր ինք ալ յայտնապէս։

Կը սիրէր Վալթ Ուիթմէնը իր մեծվայելուչ եւ հա-
մայն մարդկութեան վրայ տարածուող սիրոյն համար։

Արձակագիրներէն՝ բացի այս նօթերու կարգին
յիշուածներէն պաշտամունք մը ունէր Անաթօլ Թրանսի
վրայ՝ որուն փիլիսոփայութեան վրայ կը հիանար եւ
որուն անխոցելի հեգնական ժպիտը՝ իր նկարագրին
շատ յարմար՝ գիւրաւ կարողացած էր իւրացնել։ Վեր-
ջին տարիներուն շատ մեծ ըմբուխնումով կը կարդար
նաև ժիւլ Ռընարը։

Արտաշէս Յարութիւնեան կատարած է նաև Թարդ-

մանական աշխատութիւններ կորքիէն, թուլսթոյէն՝ որմէ գեղեցիկ էջերու հաւաքածոյ մը կաղմելու վրայ էր : Առաջինը «Զայն Հայրենիաց»ի մէջ հրատարակուած՝ պատերազմէն յետոյ դրքոյկի վերածուած է Պոլիս : Երկրորդին ձեռագիրները կորսուած են : Ան թարգմանած է նաեւ «Լէ կրանու լէժանու տը լ՚իւմանիթէ» խորագրով հատոր մը : Այդ թարգմանութեան առաջին երկու աւանդավէպերը կորսուած են . կը մնան մօտաւորապէս 100 էջ : Իսկ վերջինը՝ թառուսի Աւանդավէպը՝ կը մնայ կիսատ :

Վերջին տարիներուն Արտաշէս կ'ուզէր հրաժարիլ գրելէ եւ յաճախ կ'ըսէր իր բարեկամներուն թէ դրականութիւն ընելն ալ ունայն է : Բայց ատիկա իր բացարձակ համոզումը ըլլալէ հեռու էր : Այնպէս որ երբ Գ. Բարսեղեան, Կ. Զարեան եւ Քիւֆէճեան Մեհեանը հրատարակեցին՝ աշխատակցեցաւ այդ թերթին :

Արտաշէս իր գրածները մեծ գուրգուրանքի առարկայ կը դարձնէր ու կ'ապրէր զանոնք մինչեւ անոնց հրատարակուիլը . իսկ երբ անոնք հրատարակուիէն՝ հմայաթափ կ'ըլլար ու հասարակ տեղիք կը թուէին անոնք իրեն :

Բացի քերթուածներու երեք հատորներէն, Արտաշէս Յարութիւնեան կը ճանչցուի արեւմտահայ դրականութեան մէջ իբրեւ լաւագոյն արձակիրներէն մէկը : Ստորագրեր է Մոլիք ու Մալսը, Թափառումներ ու Հակասութիւններ վերնագրով՝ արձակ էջեր : Գրական Դիմաստուերներ՝ ժամանակակից դրական դէմքերու վերլուծման նուիրուած, Գիրքեր ու Դէմքեր եւ Գրական Գրոնիկներ՝ օրուան դէմքերուն եւ գիրքերուն շուրջ : Աշխատակցած է ժամանակակից բոլոր հանդէսներուն ու օրաթերթերուն, գործածելով նաեւ

հետեւեալ ծածկանունները . Կարօ, Մանիշակ, Ուրուական եւ Շահէն-կարօ :

Այս հատորին մէջ մեր ընթերցողները պիտի գլունեն Գրական Դիմաստուերներ, անտիպ նամակներ՝ ուղղուած ծանօթ դրագիտուհի տիկին Զապէլ Եսայենի, իմաստասիրական անտիպ էջեր, բնադրատական էջեր ինչպէս նաեւ Վաղուան գրականութեան մասին մը-շակած Հարցարանը եւ այդ առթիւ դրի առած իր պատասխանն ու եղբակացութիւնը :

Կենսագրական տողերուն մէկ մասը ինչպէս նաեւ անտիպ էջերն ու նամակները կը պարտինք հոգածութեանը իր եղբօրը, Պ. Վահան Յարութիւնեանի, որ պատրաստակամութեամբ մեր տրամադրութեան տակ դրաւ այս հատորը կազմելու համար :

Իր նահատակութիւնէն քսանէ աւելի տարիներ յետոյ, անտիպ ու տպուած էջերու ընտրուած այս փունջը գուրդուրանքով՝ ամփոփելով ներկայ հատորին մէջ, Նահատակ Գրագիտներու Յարեկամները խղճի եւ արդարութեան մեծ պարտք մը կատարած ըլլալու թեթևութիւնն ու գոհունակութիւնը կը զգան, արեւմտահայ դրականութեան արժանաւոր ներկայացուցիչին ընդարձակ գործէն նմոյշ մը յանձնելով սերունդներու երախտագիտութեան :

ՆԱՀԱՏԱԿ ԳՐԱԳԻՏՆԵՐՈՒ
ԲԱՐԵԿԱՄՆԵՐ

ՔԵՐԹՈՒԱԾՆԵՐ

ՀԱՐՑՈՒԿԸ

Քերքո՞ղ, ինչո՞ւ կը մոլորիս ցընդական
Այդ ապերախտ արհեստին մէջ դժուարին.
Բա՞ւ չէ քեզ որ յուզմունքները՝ եսական
Լուսի մը մէջ լոկ բորնկին ու մարի՛ն:

ՔԵՐԹՈՂԸ

Յուզուիլ՝ ու մեծ անուրջներովն իր անել՝
— Ո՞վ միամիտ ու եսամոլ դու հարցուկ,
Ինկած մարդոց լուռ կարաւանն իրդեհել....:
Դու գիտէի՞ր փառքի տենչամեն այս ծածուկ:
Ա՛, բոլոր բիւր գիներբութներն աշխարհին
Հոգուս մէջէն անցան ու հետք չը քողին.
Մեծ կիրքերու ուխտաւորն եմ ես վերջին.
— Այս է փառքի հուսկ երազը քերքողին:

Վարդ, շուշան ու այծտերեւի...
Շուշան ներմակ ու վարդ կարմիր...
Այծտերեւի շառագոյն...
Հոտաւետում, բոյր անուշ...
Բոլորն ասոնց՝ գարնան հովին հեւ ի հեւ,
Կուգան լեցուիլ իմ հոգուն մէջ առած քեւ:

Պըլպուլ, սրմբուլ,
Երգ ու բուրեան,
Դաշնակաւոր տաղեր անդուլ,
Ու տերեւներ բիւրաթոյր,
Ու առուակներ օձապլատոյտ,
Լընակ, ալեակ եւ կապոյտ,
Ուր կ'ոստոստեն կայծ, բոյլ ու շող,
Ու կը լցուի աւօտին ցօղ,
Ամէնին ալ գարնան
Շուրջ պար կը դառնան:

Ու կուսական լանջերու տակ
Ուր կեանէն առաս յորդան կուտայ,
Նիրհած յուզմունքներ, նըւաղուն յուշեր
Կը վերբնձիւդին բարախուն ու տաք,
Նուաղուն սէրեր, տժգոյն սարսուներ
Երազի տարտամ երանցներով լի :
Մինչ շրթանց կարմիր քալշին վըրան
Յորդ կիրքեր կ'այրին ու կը բրբըռան :
Կ'ուռնանան ուռ,

Ընձիւլ, տերեւ ու սարսուռ,
Ու կը ծաղկի եղբեւանին.
Յիշատակներն ալ կը ծաղկին սըրտիս մէջ,
Յիշատակներն իմ յոյժ սիրոյ անցեալին,
Դեռ քարմ ու անշէջ :

Երկինքին խորն, ու ամպերուն,
Շատ հեռուն,
Հոն են անոնք, յիշատակներն իմ սիրուն,
Հոն են անոնք, շուրջս են անոնք :

Վարդ, շուշան ու այծտերեւիկ,
Շուշան ներմակ ու վարդ կարմիր,
Այծտերեւի շառագոյն,
Հոտաւէտում, բոյր անուշ,
Պլառու սմբուլ,
Երգ ու բոյր,
Դաշնակաւոր տաղեր անդուլ,
Ու թիթեռներ բազմաքոյր,
Ու առուակներ օճապըտոյտ,
Լընակ, ալեակ եւ կապոյտ,
Բոլորն ահա կը բողըոչին
Բանսատեղծին սրտին վըրան,
Իր շրբներն ալ կը սարսըռան
Ցուզմամբն անոնց ներբողին :

ՏՐՏՄՈՒԹԵԱՆ ԱՆԴՐԻՆ

Խմաստասէրի լռութիւն մը լուռ
Կը ցոլայ անփայլ իր դէմքին վըրայ,
Եւ ներքին վիշտի լերդ ծիծաղ մը աւր՝
Շրբունքներուն շուրջն հոն կը բրբըռայ :

Զըկայ աչքերուն անդրադարձ փայլին,
Ցուրտ բիւրեղին մէջ՝ լրէումն յուսահատ.
Եւ այդ սեւ, պղտոր, պկեծուփ հայլին
Զի ցոլացըներ մահուան դէմքը վաս :

Պահծու կիրքերու եւ կամքի ուժեղ՝
Հով մը կը սահի իր վեհ նակատէն,
Ու բըռնաբարուած տենչի յորդագեղ
Ցաւոտ պրկումներ զանի կը պատեն :

Այդ նայուածքին մէջ կեանքի լայն սիրոյն
Զը փոխարինուած իդար կայ լըռին.
Ու մազնիսացած ասեղի հանգոյն
Իր տրտում աչքերն անոր կը յառին :

Անոր կը յառին, կեանքին կը յառին,
Այս խեռ՝ այլ սիրուած անգութ աղջկան,
Ու մի՛ զարմանաք քէ իր մուսային
Երգն ըլլայ կրքոտ ողբ մը տրտմական :

ՄԻԱՆՉՆՈՒՀԻՆ

Տաճարին խաղաղ առանձնութեան մէջ
Ուր լուր խորհուրդներ կ'առնեն ելեւէջ,
Հանդարտ իրիկուան քոյլ ստուերներէն
Ցրտին սարսուռ մը կ'իյնայ մեղմօրէն.
Գորական հսկայ կամարներուն տակ
Կը տիրապետէ մեծ լուռը համակ :
Խունկի, կնդրուկի բոյրեր կը քոչին
Իրը աստուածաշունչ հոգին տաճարին :
Ամէն բան խաղաղ, հանդարտ, սուրբ է հոդ
Ու մենաստանի կեանքով՝ ըստուերատ :

Տիրամօր անուշ պատկերի մ'առջեւ,
— Ամենամաքուր կին խնդրապարզիւ,
Դալկադէմ քոյրը կ'աղօթէ խոհուն,
Աչքերն՝ արցունքի գոհարով փայլուն,
Հոգին՝ հաւատքի սարսուռով լեցուն,
Եւ Յոյսի անուշ բուրմունքովն անհուն :
Աղուոր սրբուհին՝ ձեռքերն իրարու,
Կ'ըսէք՝ այս կեանքէն հոգեւին հեռու,
Տեսիլքէն արքշիո, վերամբարձ աչքով,
Կ'ամբառնայ սրտով մեծ փեսային քով :
Նրբին շրբներէն, ուր վարդի տժգոյն
Կարմիրն է ցնդեր երազի հանգոյն,
Յիսուսի սիրուն աղօթքն քոգեշունչ
Վեր կը խնկանայ յամբ ու անմրմունչ:
Ու պատկառելի այս վեհ պատկերին՝
Վերէն հրեշտակներն ալ կը խոնարհին,
Մինչ Տիրամայրն ալ գոգես հրանուանքէն

Անուշ կը ժպտի շղարշին տակէն :
Կ'աղօթէ հանդարտ, կ'աղօթէ լոխն,
Սգաւոր լաշակն աղուոր երեսին,
Ճերմակ երեսին՝ խոժոռ լաքը սեւ,
Սուրբ Աստուածամօր պատկերին առջեւ,
Բայց ինչո՞ւ դէմքին տրումութեան վրայ՝
Անցեալ մ'ալեկոծ դեռ կը թրբոայ :

Մատադ է դեռ շատ աղջիկն երազուն՝
Ու քարմ է քախչն իր աչուկներուն,
Եւ ներանձնացման այս սուգէն անդարձ
Օ՛, ի՞նչ կ'ըսպասէ սիրոն իր բոցարձարձ .
Ու ինչ որ աշխարհ չը տուաւ իրեն,
Կը խնդրէ արդեօֆ Յիսուսէ՞ն, վերէ՞ն :
Աղջի՞կ, այդ նայուածքն իդառլ երկնաւոր
Յուզո՞ւած, կը գգուէ դէմքը Տիրամօր .
Ըսէ՛, Մարիամին ջինջ նայուածքը հեզ
Իր զաւկէն բան մը կը խոստանա՞ր քեզ :

Դէմքին նըւաղկոտ մաքրութեան վրայ
Կը յորդի յուգուստին ու կը սարսըռայ,
Եւ ներանձնացման մոռացումին մէջ
Հոգին՝ կեանքի հուսկ երբիոռով մ'անշէջ ,
Տախտակի փոխուած չոր լանջին վըրայ
Հեւին մը շունչով յուշիկ կը թրբոայ :

Ի՞նչ, մոռնա՞լ կեանքը, ու մոռնալ յաւէտ
Ինչ որ իր լանջին ու իր հոգուն տակ
Ունի կիմն անշէջ, քանաք ու կենսաւէտ,
Ու մոռնալ եսին ուժգնութիւնը տաք :
Օ՛հ, ի՞նչպէս քանդել գգուտ աչքերուն
Բիւր ըղձանքներու ցանցը վառվըռուն,

Ուրանիա՛լ ինչ որ քնութիւնն յաւերծ
Ունի պարզեւած բուռն, անտարամերծ,
ինչ որ դիւթական ու գերադրապէս
Ունի իգական սիրտն հպարտ ու հեղ...:

Տաճարին խաղաղ առանձմութեան մէջ,
Ուր սեւ սարսուռներ կ'առնեն ելեւէջ,
Ճէգ միանձնուիին, ձեռքերն իրարու,
Կարծես այս կեանքէն հոգեւին հեռու,
Պատկերին առջեւ Սուրբ Աստուածածնին՝
Անուշ ու առատ կ'արտասուէ լըոին :

1902

«ԼՔՈՒՄԾ ՔՆԱՐ»

ՅՈՊՈՊ ԹՈՉՈՒՆ
(Ա. ւ ա ն դ ա վ է պ)

Զըֆնաղ առտու մը գարնան
Յօդուու, կիսալոյս,
Աղուոր աղջիկ մ'աննըման,
Հարսնցու մի կոյս :

Լոգարանին մէջ մինակ,
Անփոյք պչրանքով,
Կը լուացուի ու ներմակ
Շուշան մ'է տեսքով :

Մազերն ըսփիւռ ոսկեզօծ՝
Կը սանտրէ անի,

Ու կը սարսուան լանջքը հոծ
Ու պորտն հոլանի :

Ու վարսերը կը ցրուին,
Վիժակ՝ սոնապան՝
Ծըփալով շուրջն իր մարմնին,
— Խորան մաքրութեան :

Այլ բաղնիքին կիսաբաց
Դոնին՝ աղջըկան
Եղրօր աչքն է հանդիպած՝
Բըրոշ մերկութեան ... :

Օ՛հ, ի՞նչ ամօք, Աստուած իմ,
Փըրկէ՛, փըրկէ՛ զինք,
«Թըրոչուն մ'ըլլամ ու քռչի՛մ
Երկինքէ երկինք ...»

Եւ աղուորը սարսուագին
Յանկարծ կ'առնէ թեւ,
Մոոցած սանտրը դեռ գլուխն,
Մազերուն վերեւ :

**

Յոսուա քոչունն է այսօր
Սիրում աղջիկն այն,
Բըրուկն ալ՝ սանտրը անոր,
Հատ աւանդութեան :

1902

«ԼՔՈՒՄԾ ՔՆԱՐ»

Բանաստեղծութեանց այս պղտիկ հատորը՝ մաս-
նաւոր ծրագրի մը համաձայն պատրաստուած երկասի-
րութիւն մը չէ: Ասիկա փունջ մըն է, կազմուած մեծա-
դոյն մասով այն քերթուածներուու՝ որ Լքուած Քնարին
հրատարակութենէն առաջ եւ ետքը լոյս տեսած են զա-
նազան պարբերաթերթերու մէջ: Ընդհանրապէս դեռ
երէկ միայն գրուած բանաստեղծութիւններ չեն անոնք:
Անոնց մէջ կան որ տասնեակ մը տարիէ ի վեր կեանք
ունին արդէն: Զանոնք այսօր հատորի մը վերածելու
համար վերստին ձեռք առած պահուս, կարդ մը պղտիկ
վերհպումներ անհրաժեշտ տեսնուած են, ո՛չ այնքան
խորքին մտահոգութեամբ, որքան ձեւին խղճմտութիւ-
նով: Զարկ չկար անոնց բնատիպ երանդը եղծանելու
կամ խճողելու: Այդ բանաստեղծութիւնները՝ հոգեկան
բացառիկ վայրկեաններու անկեղծ արձանագրութիւն-
ներ են, ու նուրիական անոր համար՝ որ ծնունդ տուաւ
անոնց: Թերեւս հիմա շատ ինչ փոխուած է մէջս, ա-
նոնցմէ բաւական ինչ օտար կը թուի հոգւոյս: Բայց
այսօր առաւել քան երբեք խանդաղատանքս գիտակցու-
թեամբ ու տրտմագին պաշտամունքով օծուած է երա-
զաւէտ արբեցութեանց այդ երջանիկ՝ այլ անդարձ
խորհուրդներու յիշատակին: Ամէնէն ցուրտ մարդը կը
սիրէ իր հոգիին պատմութիւնը թղթատել, կրօնքով
ինկուած ու պատկառանքով քաղցրացած հետաքրքրու-
թեամբ մը, ու չկայ թերեւս աւելի եղերականօրէն շա-

1) Այս տողերը, իբրև յառաջարան Երկունք ֆեր-
թուածներու հատորին, Ա. Յարութիւնեան գրի առած
է 1904 թունիս 13ին, Մալկարայի մէջ:

հագրգիու բան՝ քան միսթիկ պատմութիւնը հոգիի մը
ճամբորդութեան, այս ունայն աշխարհին տիսուր հո-
րիզոնին վրայէն:

Երկունքը տրամաբանական կապ մըն է Լքուած
Քնարին ու նոր Քնարին միջեւ: Հոգիիս շրջանառու-
թիւններուն հանգրուաններէն մին կը յատկանչէ անիկա:

Այս ծփուն անհաստատութեան առերեւոյթ հակա-
սութիւններուն մէջ՝ երբեք չեմ վնասուեր ընթերցող
հասարակութեան մը գթոտ ներողամմառութիւններուն
ապաստանիլ: Այդ մտահոգութիւնը կը թողուի գպրո-
ցական գասագրքեր պատրաստող խոժոռագէմ պատ-
ուելիններու: Բանաստեղծութեանց հատորի մը հրատա-
րակումը՝ հասարակ ձեւով լմբունուած օգտակարու-
թեան մը տիսուր ու նուաստացուցիչ կոչումէն հեռու է:
Միայն թէ, մարդ իր հոգիին հաղորդականութիւնը կը
փորձէ: Երջանիկ է, եթէ սիրոյ ժապաւէններ, համակ-
րութեան երիզներ լծորդած են դինքը իր շուրջը գըտ-
նուող հոգիններուն հետ: Ազա թէ ո՛չ՝ կուլայ իր անը-
շանութեան վրայ: Ահա՛ միակ փառքը, — ունա՞յն
փառք, — երազամոլ աշուղին:

Ն Ո Ւ Ե Ր

Նուիրեց ինծի շուշանը ներմակ
Զօր ակռանիերով խածած էր հուրին,
Ներշնչելով շունչն իր մարմնի բոյրին
Այդ ծաղիկին մէջ՝ ցողաւէտ համակ :

Ու փնտըրեցի անձկութեամբ մը տաք,
Զլատիչ յոյզովն հոգւոյ սարսուին,

Բուրմունքներն ամէն՝ որ հոն կը քառին,
Փափուկ թերթերուն ազուցուածքին տակ :

Ու փերթոտելով թերթերը բոլոր՝
Ես հոն չը գըտայ երազ մ'իրական .
Շուշանէն մընաց՝ լոկ ծրդուր չոր . . . :

Քմահան բաղդն էր հուրին այդ գարնան,
Շուշանն ալ ներմակ ու բռարումնաւէտ՝
Մեր սին յոյսերուն ծաղիկը նամէտ :

1896

«ԵՐԿՈՒՆՔ»

ԱՌԱՋԻՆ ՍԵՐ

Անքիծ, մաքուր ձիւնին վըրայ
Երէ կայլակ մ'արիւն կարի,
Զիւնն անրասիր կը սարսըռայ
Ճերմակութեան մէջ իր կարի :

Ու ծաղիկ մը, աստրդ կարմիր,
Կը ծըլի հոն, ներմակին մէջ .
Վիրաւոր է ձիւնն անրասիր
Տաք ու խորունկ վէրքով մ'անշէջ :

1902

«ԵՐԿՈՒՆՔ»

ԳԵՐԱԳՈՅՑՆ ՏՕՆԸ

Երազաւէտ խնկոտ առտուն ապաժէն
Զըւարք, կայտառ, կարմիր հարսի մը նման
Հորիզոնին կաք ամպերուն բացուածքէն
Կը ցրցնէ ժպիտ մ'անձիր հիացման :

Ու կը քռչին ժպտին կայծերն անհամար,
— Կենդանութեան բազմաբողբոջ մասնիկներ,
Պողաբերել թափուն սերմերն անապան
Մայր բննութեան գգուստ գրկին մէջ անմեռ :

Ու գարունը՝ ոսկեցընցուղ աւօտին
Տարփանքներուն մէջ կ'արքննայ ցնծութեամբ .
Լուռ գիշերուան երազները կը ցնդին
Այգուն շէնդ վառ հանդէսին մէջ անամպ :

Ու տօնն անհուն երգի, բոյրի, հիացման,
Տօն բնութեան, շըֆեղ տօնը Արեւին,
Փթթումներու լայն գրկին մէջ անսահման
Կը թրբրուայ կեանքով յոյզով ցնծագին :

1902

«ԵՐԿՈՒՆՔ»

ԱՄԱՌ ԳԻՇԵՐ

ՔՐՈՂԱ՝ ՎԵՐԳԻՆԵՐԻՆ

Անհունօրէն խաղաղ գիշերն ամառուան
կը բարախէ խորհուրդի մը մէջ վսեմ.
Խորն այն լազուարք միայնուք եանց՝ կը հեւան
Ոսկի աչքեր, ծիր-կաթինը ձիւնեղէն :

Մայրագորով բընութիւնը յոգնարեկ
Հանգիստ կ'առնէ գիշերուան մէջ փառաւոր,
Եւ լուսընկան իր բաղցրափայլ ժըպտով շէկ
Կ'ոսկեզօծէ վայրանըկարն հեռաւոր :

Պարտէզին մէջ՝ շուշանները ճիւնալանց
Իրենց նըրքին կը մըլսան բոյրն ըզգըլսիչ.
Հոն՝ բափոփել իր վէս հոգին նըրքատանց
Թոյլատրեցէ՛ երազողին դառնախիղն :

Կայծոռիկ մը կ'ուրուագըծէ մուրին մէջ
Բսուուգութեան նըրքուղի մը լուսեղէն,
— Խոտէալի նամբան՝ յանդուցն ելեւէջ,
Զոր գիշերուան ալիքները կը քաղեն :

Դեռ մըրմունջներ, հեւէեր կ'երգեն բըրմանման
Ծառերուն տակ, ծաղկանց մէջէն ցընծալիր,
Եւ բընութիւնն իր գորովով մայրական՝
Կ'ապրեցընէ ամէն մասնիկ, ամէն իր :

Ընկողմանած յունապիին խընկահուտ
Ճիւղերուն տակ, բանատեղծը յուլաբար
կը քերպատէ իր խոհերը վարանոտ,
Ճարակ՝ յուզմանց իր բընարին բազմալար :

Եւ կ'օրիներգէ յուզումնավառ շըրքներով
Անասելի գեղեցկութիւնը կեանքին,
Մինչ ոսկերիք աչքեր՝ վերէն՝ անվըրդով՝
Բանատեղծին կը բարեւեն ժըպտագին :

1912

«ՆՈՐ ՔՆԱՐ»

ՔԱՅՔԱՅՈՒՄ

Ա՛լ կը դեղնի սաղարթախիտ սարփինան,
Պատրշգամիս դալարագեղ հովանին.
Չոր տերեւներ, դողդոջ, տըրտում վար կ'իյնան,
Ու մահագոյժ սեւ օրուան մը սուզն ունին :

Հոն կը խամրի յետին ողկոյզն ազագուն,
Կը հեռանայ անկից՝ մեղուն յուսահատ,
Ու ցրտագին կապոյտին մէջ՝ շըւարուն՝
Կ'երք-այ բոցնել պատրանիներուն իր ջոկատ :

Քանի՛ անգամ այս երդին տակ խընկաւէտ
Ես երկնեցի զինջ երազներ վեհաշուն՝,
Եւ կամ առտուն՝ քըչուններուն զուգահետ
Մասուցի հոն իմ պաշտամունքս անշըշուկ :

Հորիզոնին հանդէպ, անշարժ, ինքնամփուփ,
Իրիկուններն, հոն, երկիւղած տրտմութեամք,
Քանի՛ անգամ ես երսկած եմ սըրտատրոփ,
Հոգւոյս վերեւ՝ կասկածներուն իմ սեւ ամպ :

Խորան դալար՝ յոնկումներուս մենամոլ,
Կը բայցայուի պատրշգամիս սարփինան.
Չոր տերեւներ, իբրեւ յոյսերն իմ ամուլ,
Դողդըղալէն եւ ուժարթափ վար կ'իյնան :

1912

«ՆՈՐ ՔՆԱՐ»

ԻՄ ԱՅԳԻՍ

ԳԵՂԱԺ ԲԱՐՍԵՂԵԱՆԻՆ

Այգիս դալար՝ կը սարսրուայ ցընծագին,
Ողկոյզներու մարգարտաշար յորդման մէջ.
Կ'ուռիւ կայլակը մեղրալից հատիկին.
Օծուած այգուն արծաք-ափայլ ցողով գէջ:

Համայնասփիւո կարմիր համբոյրն արեւին
կը կայծկըլտի ծիրաներփնեան ցոլքերով,
Ու կը խայտայ մենարանիս փոքր այգին՝
Առտրւան մէջ, օրուան սեմին վըրայ զռվ:

Կը մըխըրճին մատներս յուզմամբ երջանիկ,
Տերեւներուն ագուցուածքին մէջ տամուկ,
Ու կը նըռփեմ ատոք ողկոյզն անդրանիկ,
Իբրեւ մարգրիտ, իբրեւ մաքուր դեղին խունկ:

Կը խորտակուի ակռաներուս տակ՝ լեցուն
Հատիկներուն մեղրածորան սաքն անփայլ,
Ու կ'ըմբոշխնեմ հեշտապարգեւ զինջ քաղցուն.
Որ կ'ամոքէ քերնիս պապակը մըռայլ :

Ու կը մըդուի երակներուս մէջ՝ շինիչ
Թափանցանց հոյզն անճառելի նեկտարին,
Եւ կը մոռնամ ես ամէն բան քիչ առ քիչ,
Վայելքին մէջ արքեցութեան այս խորին:

1912

«ՆՈՐ ՔՆԱՐ»

40

ԿԱՐՈՑՆԵՐԸ

Հոգւոյս խորը կարօտներ կան
Որ կը քանդեն զիս օրէ օր,
Ինչպէսի բացին կարմիր լեզուն
Մումին ներմակ մարմինն աղուոր :

Կարօտներ կան խորը մըտքիս,
Որ անդադար զայն կը փորեն.
Լա՛ւ, ի՞նչ է վերջն այս ցաւերուն.
Լուռ՝ կը խորիիմ ես ինքնիրեն:

Ու կը լայննայ վերքը տակաւ
Զը դարմանուած կարօտներուն.
Ոչ ո՛ք գիտէ զանոնք, ի՞նչ փոյր,
Ես դագաղն եմ այդ ցաւերուն :

Զընչի՞ն ցաւեր, է՛, ո՞վ գիտէ.
Խորհուրդներն են ամոնք հոգւոյս.
Մեծ երազներ եւ իդաեր վառ
Կը մարին խորն այդ ցաւերուս:

Ու կարօտներն իմ մեծամու
Կ'ըսպառեն զիս մինչեւ ցըմահ,
Ինչպէս բոցի կարմիր լեզուն
Մումին մաքուր մարմինն աղուոր :

1912

«ՆՈՐ ՔՆԱՐ»

41

Աժասիահին ներքեւ ըստուերն է փափուկ, Փամադրավայր անուրջներու խուսափուկ: Նուրբ հեշտութեան անկըռելի մքնոլորտ, Որուն՝ հոգիս է երկիւղած յանախորդ: Կ'ընկողմանիմ կանանչ քաւշին խորն անդոյր, Այն ոսկեզօծ ըստուերին մէջ խընկարոյր, Եւ ընդ երկա՛ր աչքերս անքարք կը դիտեն Երկինքը ջինջ՝ սաղաքքներու ընդմէջէն: Ճակտիս վըրայ, մազերուս մէջ՝ անհամար Զանակներու կը դեգերի խօլ մէկ պար, Կ'իյնայ այտիս վըրայ տերեւ մը վերէն, Եւ մեղու մը մեղրով արբշիո՛ յամրօրէն Կուգայ քառիլ անձկոտ շըրքանցս իմ վըրայ, Ուր ցանկութեան խըտդըտում մը կը սարտայ: Ու կը մընամ արքեցութեան խորն այս լուս. Ի՞նչ եմ ես ինիս, անել երա՞զ մ'ոսկեհուս, Լըուած յո՞յս մը մոռացութեան աշխարհին, Թէ՛ գահագուրկ աստուծոյ մը ձոյլ անդրին: Ու կ'երագեմ... ես ինիս՝ տարտամ ուրուական, Փայլ մը ոչինչ, կայծ մը, պարապ մէկ վայրկեա՛ն:

1912

«ՆՈՐ ՔՆԱՐ»

Այսպէս, կեանքին դեռ կը փարիմ երք, աւա՛ղ, Պատրանքներուն մասնատուվին է ա՛լ քափուր, Երք յոյսերը կը խորտակուին զերդ փըրփուր, Ու կը փըչէ ոչընչութեան քամին պաղ:

Զի՛ կը մոգէ զիս դառն հեշտանքն ունայնին. Անդորրն ունիմ ա՛լ չը խարուղ սըրտերուն, Եւ զի բոլոր տեսիներըն անկայուն՝ Աննառելի քովքի մը մէջ կ'անհետին:

Վայրավատին գեղեցկութեանց վեհ տաճար, Ես կը պաշտեմ բընութիւնը մայրական. Բա՛ց է հոգիս իր խորհուրդին մոգական. Դիւթեանին անոր զիս կ'առինքնէ չարաչար:

Դեռ կը սիրեմ... փախչող ցոլքերը քրքուն, Օծուած՝ տըրտում գեղովն անդարձ կորուստին, Եւ խորհուրդի խորշն՝ ուրկէ ինծի կը ժըպտին Բիւր տեսիներն անմեկնելի իրերուն:

Ու կը փարիմ կեանքին, – պայմանն իսկ ըստոյգ Այս նըրբահամ ու հեշտաւէտ խնջոյքին, Միշտ զերմեռանդ, մի՛շտ աւելի սըրտագին, Հոգիս՝ կայծ ու հեգնամի, ու սիրտս ալ խարոյկ:

1912

«ՆՈՐ ՔՆԱՐ»

ԶՄԵՌՈՒԱՆ ՀՐՎՈՒԵՐԳՈՒԹԻՒՆ

Իրիկունը կը ծաւալի ձորին մէջ,
Ցուրտ գիշերուան քերանաբաց դըռներէն.
Բլրին թաւշոտ կողին վըրայ, մեղմօրէն,
Հովի քընուշ հեւէ մը կ'առնէ ելեւէ:

Կը թըրթոայ յուշիկ՝ զեփիւրը թեթեւ,
Ու դեռածիլ դալարիքը ձըմեռուան
Իր համբոյրին փայփայանէն՝ ցուրտ մահուան
Կարծես կ'ըզգայ նախազգացումն ակներեւ:

Իրիկուն է, լուռ է գիւղակն ամայի.
Վերադառն կովերը մերթ, սրտագի՞ն,
Կը բառաչեն կարօտն իրենց հորթուկին,
Փողոցներուն մէջ գիւղակն ամայի:

Ետ կը դառնան մարդիկ՝ հեռուի դաշտերէն,
Մինչ յոգնութեան սոպյակը դեռ կըռնակին,
Հողագործը, դուրսը նըստած իր հիւղին,
Տըրեխներուն կը թոքուէ հողն յամրօրէն:

Ու երկինքի թաւշին խորէն կապտանուշ,
Կըռունեկներու կարաւան մը կը հոսի,
Եւ չի կենար, դեռ շա՞տ ցուրտ է, եւ քանզի
Դարունն աւա՞ղ, գուցէ մընայ դեռ շատ ուշ:

ԵՐԿՐԱԽ

Ծովէն անդին, ու լեռներէն ալ անդին,
Մառալսուդին խորն երազի մ'ոսկեփայլ,
Աշխարհ մը կայ, որուն պատկերն հոգեզմայլ
Կը կորսըլի ծոցն անըստոյգ անդունդին :

Չընա՞ղ աշխարհ, ուր խոկումներս կը փըրթին,
Անըրջահիւս տեսլերեւոյթ անայլայլ
Կը լեցընէ պարապն հոգւոյս իմ մըռայլ
Որ՝ թաղծարեկ՝ զինզ կը տենչայ վերլստին :

Կը խուսափի՞ս տարտամին խորն օրէ օր,
Ի գուր նայուածքս երեւոյթին դիւրաւոր
Կը նըկըրտի նըշդել վայրկեանն հոսանուտ :

Ու գիմովցած անկարելի երազէն,
Ոտքերս դեռ յամառօրէն կը վազէն
Անլերջ նամբուն երկայնին վրայ բազմախութ :

1912

«ՆՈՐ ՔՆԱՐ»

ԽԱՆՈՒԹՊԱՆ ՄՐ

Դաւառի մը խորը երկրի մ'աննըշան,
Աւանի մը հին փողոցին անկեան մօս,
Խանութ մ'ութի փերեզակը մըտաշփոք,
Կըրպակ մը՝ զոր իր պապէն է ժառանգած:

Այդ կըրպակը՝ սահմանն է իր գոյութեան,
Շըրջագիծը անյեղին
Իր աննըշան ու անշըշուկ կենցաղին,
Այդ կըրպակը՝ իր խոհերուն քանկագին
Նըփրական սուրբ բագին:

Հոն՝ աշխարհի հաճոյքին,
Հոն՝ աշխարհի պէտքին համար,
Փերեզակը՝ մունջ ու խոնարի,
Կը վանառէ կըտաւ, կերպաս, տըպածոյ,
Եազմա, գուլպայ, ֆէս, անկուածոյ՝
Եւ՝ այսեղէն իրեր ջնջին անհամար:

Կըտաւները՝ խոշոր ժանգոտ իր կանգունով
Կը չափէ,
Ու մըկրատով մ'անսահման՝
Կը կըտրատէ զանոնի երբոր պէտք ըլլան,
Ու երկուէն ալ, մըկրատն՝ ինչպէս այդ կանգուն,
Կըրպակին հետ՝
Ժառանգութիւն մընացեր է այս մարդուն:

Ամառ օրերն՝ օրն է տարի, օրն՝ անհոււն,
Ու նեղ փողոցն է ամայի, անշըշուկ,
Եւ գընորդի մ'իսկ չերեւիր մագին շուր:

Այդ ձանձրոյթի եւ ըսպասման
Եւ մաղաղկուն ըսպասման մուր օրերուն,
Խանութպանը, կըծկած անկիւնն իր կըրպակին,
Տագմապահար ու անձկագին,
Կը չափչըփէ սեւ սահմաններն համբերութեան,
Եւ իր ժանգոտ մըկրատով՝
Կը մըկրատէ, կը յօշոտէ իր յոյսերուն,
Երազմերուն խեռ ու դալար
Բողբոջներըն անհամար:

Պապենական ժառանգութեան խըստամբեր
Ծանրատադտուկ երկնաբարն իր կըռնակին,
Խանութպանը կը տոկայ, խանութպանը՝
անտարբեր

Աշխարհի բիրտ հեգմանքին,
Բոսոր արեան բիծ մ'իր տրժգոյն շըբքունքին:

Ժառանգական երկանաբարն անսահման
Կը ծանրանայ՝ անկարեկիր, անիընարին,
Տառապատանչ՝ այլ անբասիր

Հոգւոյն վըրայ առանձնամոլ փերեզակին։
Եւ այս անգութ հարկն՝ իր հոգին կը չընչէ,
Կ'ընկնի զինքը, կը վըշըէ կամքն իր վիրաւոր,
Ուրախութեան վերջին ծիւերն իր սըրտին՝
Կը փերըռտին, կը փերըռտին։

Ու չըլլային երէ կանգունն ու մըկրատ,
Փերեզակը, իր իդաերովն անըսպատ,
Երազմերովն իր առատ,

Այս աշխարհի լուրջ, հեռատես
Խմաստութեան խոհեմ աչքին՝
Կորած, կորած էր իսպատ,

Հիմա բիւր փառք արարչին,
Որ շընորհեց իմաստութիւնն իր երկիւղին
Այս աննըշան մարդուն ջընջին,
Ու' ո՛չ մէկը ոչի՞նչ գիտէ իր ներսէն,
Ո՛չ ո՛ք ոչի՞նչ պիտի գիտնայ իր ցաւերէն,
Ու վշտագին պատմութիւնն իր փընացման՝
Պիտի անցնի լուռ, անվաւեր, աննըշմար
Եւ իր անզօր երազները թանկագին՝
Պիտի չիյնան զոհ՝ այս ուսմիկ աշխարհին
Պիդծ, շընական ծաղրանին :

Ու մինչեւ վերջն իր օրերուն սեւածիր,
Հոն, կրրպակին կրծկած անկիւնն աննըշմար,
Փերեզակը մունջ ու խոնարի,
Պիտի ծախէ կըտաւ, կերպաս, տրպածոյ.
Եազմա, զուլպայ, ֆէս, անկուածոյ,
Եւ այսեղէն նիւթեր ջընջին անհամար,
Իր նինաւուրց կանգունով
Չափչըփելով սև սահմաններն համբերութեան,
Եւ իր ժանգուտ մըկրատով
Յօշոտելով իր յոյսերուն
Եւ իր վըսեմ անուրջներուն
Բողբոշներն անհամար, բողբոշներն անըսպան
Իր աշխարհիս իմաստութեանը համար :

1912

«ՆՈՐ ՔՆԱՐ»

ԳՐԱԿԱՆ ԴԻՄԱՍՍՈՒԻԵՐՆԵՐ

ԵՂԻՍ ՏԵՄԻՌՃԻՊԱՇԵԱՆ

Եղիս Տէմիրճիպաշեան՝ արտակարգ գրագէտի անվիճելի յատկութիւններ ու միջակ մտքի մը անտանելիութիւնները ունի հաւասարապէս։ Ոչ ոք իրեն չափ անհաւասար եղած է իրեւ արուեստագէտ ու իրեւ խորհող։ Բոյրը ընդդիմակութիւնները անցած են իր ալեկոծ հոգին մէջէն, ու բոլոր հակառակ հասանքները զիրար խաչաձեւած են հոն չարաչար։ Մէկ ակնարկով անկարելի է ընդդրկել այս կնճիռը, եւ մատիտի քանի մը անկոյթ հարուածներով շրջագծել՝ բացարձակապէս անհնար այս դէմքը, — սառւերի նման տարտամ ու խուսափուկ, ալիքի նման զաղփաղփուն ու յեղյեղուկ։

Իրմով զրազողները՝ զինքը կը դատեն, առանց վերապահութեան, այն տարասեռ տպաւորութիւններուն համար՝ զոր գրագէտին երկուութիւնը գերակորչէն կը ձգէ իր յաճախորդներուն վրայ։ Մինչեռ ամենէն առաջ հարկ էր զինքը հասկնալ ու բացարել մանաւանդ, արդար դատաստանին իրաւունքին համար։

Եւ ահա՛ ատոր հակառակն է պատահածը, ինչպէս վերը ըսի արդէն։ Ապշեցուցիչ ու անախորժ անհեթեթութեան մը տպաւորութիւնը կը ձգէ միամիտ, անկեղծ սիրտերուն վրայ, որոնց մէջ նողկանքը բնական է հակասականին ու կնճռոտ նրբութեան նկատմամբ,

մինչդեռ թելադրող ու անպատճառաբանեալ հիացումով մը կը համակուի՝ դիւրահաւան անհասկացողութեան մը բազմութիւնը:

Հաաշինները չեն կրնար սիրել զինքը, հակառակ իր բարութեան մեծ համբաւին: Իր հակասութիւնը՝ խորհողի յատկութիւն չէ, իր իմաստասիրովթիւնը՝ երկիւղալի է ու վտանգաւոր, — թէեւ շատ սիսալ պիտի ըլլար իր անխոնջ չեղաբանութիւններոն մէջ ձանչնալ որոշ իմաստասիրովթիւն մը, — եւ իր մտաւորական խսկութիւնն ալ՝ խորունկութեան հեծագզորդ պիտակով պատկառելի դատարկութիւն մը: Անոնց համեմատ, Տէմիրճիպաշեան, ախտաւոր միտքը, աղէտք մըն է որ եւ է առողջ գործարանաւորութեան մէջ: Տէմիրճիպաշեանի գրականութիւնը, իր թելադրողի ու հրապուրողի գերազանց յատկութիւններով՝ վասն զի ուժ մը, հրապոյր մըն է ան, բայց ախտավարակ ու վնասակար, — մեր մէջ ամբողջ գրական թարմ սերունդ մը գերեզմանական խոնաւ ցանկութիւններով վառեց: Անոր համեմատ չէ՞ր որ ճշմարիտ բանաստեղները հարկ էր ըլլային տժգոյն ու թոքախտաւոր: Իր անձնական բարոյականը կամ բարոյալիտութիւնը, — որուն չիղը՝ մութին ու խմացական մենաւոր գիշութեան հրայրքը, անէութեան կիրքն ու մահուան մուլեռնդութիւնն է, — գերազանց անբարոյականութիւնն է, եթէ որ եւ է բարոյական սկզբունքի զնահատութիւնը կրնանք ընել այն հակամիտութեան աստիճանին համեմատ՝ զոր ան կը հրաւիրէ դէպի կեանքին բնական, ներոյժ ու զեղուն բողբոջումը: Եւ, բնազանցական ցաւագարութիւնները միշտ զուրս ձղելով լուսանցքն, ի՞նչ բարոյական աւելի ուժեղ է ու գեղեցիկ քան այն՝ որ կը հանդիսանայ իրեւ կեանքի սկզբունք:

Բնութիւնը, երբ ինքինքը կը ներկայացնէ մարդուն մէջ կեանքի ձեւին ներքեւ, տեսակ մը ներքին ուժ է, թերեւ Շօրէնհասուէրի կամքը (Wille) որ անդադար կը մղուի զարգանալու, ուռմանալու, յորդան տալու՝ այս թատերաբեմին վրայ: Ինչ որ կը հակառակի զարգացման այս գործին, կը պատճառէ ցաւը ու վերջնականօրէն կը յանդի մահուան, ինչ որ կը նպաստէ ընդհակառակն անոր՝ կը պատճառէ հաճոյքը եւ կեանքի ուրախութիւնը: Մարդս իրեն հետ կը բերէ այս տրամադրութիւնները, եւ մահուան ընդվզումը, մանաւանդ երբ մահը անժամանակ է, ցաւերուն ամենէն ուժդինը կը մնայ, ու, իմացականութիւնն իր բոլոր հնարքներով չի կրնար հակազդել այս ընդվզումին դէմ: Ուրեմն, բարոյականը, այս տեսակէտէն, զուտ օդտակարական դառնալով կեանքի ծաւալման հանդէպ, ինչ որ Մահուան դրդում մը, Մահուան պատրուակ մըն է, կը դառնայ անբարոյական:

Ու դատապարտութիւններուն թուումն մասանցն է որ կը շարունակուի:

Փիլիսոփայական հակասութիւնը՝ հոգեբանօրէն ի՞նչպէս կարելի է բացատրել Տէմիրճիպաշեանին մէջ: Օկիւսթ Քոնթին ու Լիթուէին ցամաք դրապաշտութիւնը (positivisme), Շօրէնհասուէրի ու Քանդի տեսլապաշտութեան (idéalisme) բարեկամութեանը հրաւիրուելու կատակը որքա՞ն քմահաճ ու թուուցիկօրէն կամայական կ'երեւի, — թէեւ ըլլայ այնքան աղմկայարոյց ու ցուցամոլ: Պատճառն այն է որ Տէմիրճիպաշեանին պակսած է անհատական միութեան գեղեցկութիւնը: Երբեք որոշ ինքնութիւն մը չէ կրցած ստորագրել ինք իր մէջ: Մաշուած առնականութեան մը եւ կեղծ ու պեխաւոր իգականութեան մը ճաշակները հրապուրած են զինքը:

Ամբողջ իր գրականութիւնը բարեկենդանի Երփներանդ ու փոփոխական դիմակաւորումներու տպաւորութիւնը կը ձգէ, զաւեշտական՝ այլ տիսուր տողանցումի մը մէջ շուցադրուելով իբրեւ Գրասէր Ատոմ, Նուրանիա, Մելանիա, Թեւանիօ, Մոնազ, Հուր - Հայրան, Ճին - Յակոբ, Եւն.։ Ասիկա կը նշանակէ թէ բնա՛ւ ինք իր անհատականութենէն գոհ չէ կրցած ըլլալ, ու երբէ՛ք վստահ՝ տիրական այնպիսի յատկանիշներու վրայ, որոնք անհատական նկարագիրներու ինքնութիւնը կը կազմեն ու կը յաւերժացնեն։ Կրօնական հաւատքին ու անհատուած գիտութեան մէջ՝ անդադար ու՝ ջլատիչ կոծկոծումը, վստահութեան ու պայծառատեսութեան վախը, գերագրգիռ հիւանդագին զգայնութեան մը արդիւնքն են թերեւս, բացատրուած՝ վայրկեանին թոռոցիկ ու վաղանցուկ տարասեռ տպաւորութիւններովը, ու բանականութիւնն ու կամքը դադրած են գիտակցօրէն գերակշռելէ։ Ասոր հետեւանքն է անտարակոյս որ՝ դադափարներուն ցտելով միայն կ'անցնի Տէմիրճիպաշեան, առանց վստահ ու անդրդուելի քայլով մը կայ առնելու անոնց մէջ։

Այս իմացական փոփոխամտութիւնը ինքն իսկ ջանացած է բացատրել անհո՛ւն միամտութեամբ մը, Աւելին ձառին ցուցամոլ եւ ուռուցիկ յառաջաբանին մէջ։ Այն նորամոյծի (պովատուածի) հրապուրիչ գերը, զոր ինք իր վրան առնել կ'ուղէ փիլիսոփայական, գրական եւ բարոյական հակառակամարտ դրութիւններու ու վարդապետութիւններու ախոյեան հանդիսանալով փոխն ի փոխ, չի պարզուիր բնաւ այն պատմութիւնով՝ զոր յառաջ կը բերէ Մբէնսէրէն, տրուած իբրեւ բացատրութիւն՝ միջակ միտքերու միայն նմանելու տրամադրութեան եւ նորամոյծներու անկախ յառաջապա-

հութեան։ Այլ երբէ՛ք իրական ուսուած մը չէ ինքը, վասնզի զուրկ է տիրական գաղափարի մը, խանդավառող տեսլականի մը գերագրգուութենէն ու կարկառուն վերակշռու ձգտումի մը ուժէն։ Ստրուկ հետեւող մը իր անմեթոս, անկանոն բազմաթիւ ընթերցումներուն, իւրաքանչիւրին տպաւորութեան եւ աղղեցութեան տակ՝ իր անհատականութեան մէջ իսանդարուած ու խճողուած, անյաջող ժողովրդականացնող (vulgarisateur) մըն է միայն, աւելի կամ նուազ անջիղ, աւելի կամ նուազ գիրքունակ։ Իր կարծեցեալ տարակերպութիւնները ? (paradoxe) պարզ հակասութիւններ են, ու, հոգեբանօրէն, ախտանիշները կեղծ մտքի մը եւ ցուցամոլ ու սնուպ նշանակութեան մը։ Վասն զի այս բոլորը չենք կրնար նկարագրի եւ իմացականութեան դիւրաթեքութեամբ բացատրել, եթէ այս վերջինն այն յատկութիւնն է որ, Բոլցան հոգեբանին համեմատ, կը կայանայ «տեսակ մը աւելի կամ նուազ գիրութեան մէջ՝ փոփոխուելու, ծնելու նոր տարրեր, եւ յարմարելու նոր պարագաներու՝ առանց ձեւագեղծ ըլլալու կամ ձեւալուծուելու։»

Կը յիշէ՞ք իր պուտտայականի ունայնասիրութիւնը՝ որ ամէնուն ծանօթ է։

Բայց գիտէի՞ք նշանակութիւնը այս խորհրդաւոր կատակին։

Մտիկ ըրէք մանաւանդ։

Բոլոր միւս երեւոյթներուն նման՝ կեանքը, որուն ձեւին ներքեւ երեւան կուգանք, համայնական անէութեան մը ծոցէն գուրս շեղումի թշուառական եւ անխելք փորձ մըն է։ Կեանքը չէ իսկական իրականութիւնը։ Անիկա՝ պատրանք մը, ներկայացում մըն է, ինչպէս բովանդակ առարկան մարդկային ճանաչողու-

թեան : կեանքը յարատեւ ցաւ մըն է , քանի որ անդադրում ճիդ մը կ'ենթադրէ անէութեան , chose en soi-ին անդորր ու օրինաւոր շաւիղէն : Անէացումն է միայն հանգստաէտ իրականութիւնը : Մարդուն համար՝ որ մատնուած է կեանքի դժբախտութեանց , Նիրվանան այն միջոցն է՝ որով , մեր անցաւոր դոյութեան ուրացումովը , կը յաջողինք վերադառնալ անէութեան խաղաղ ծոցը :

Rentre dans le néant que la vie a troublé,
բանաստեղծ Լըգոնթ տը Լիի գեղեցիկ բացատրութեան
համեմատ :

Տէմիրճիպաշեան , որ մեր մէջ յոռետեսութեան առաքեալը ըլլալու փառքը կը վայելէ , Շօրէնհառուէրի աշակերտ մը կը գաւանի ինքզինքը : Տիտղոսը փայլուն ու հրապուրիչ է հարկաւ : Դժբախտութիւն է որ , սակայն , փիլիսոփայութիւնը այնքա՞ն իսկութեամբ անտարբեր ըլլայ բարոյականին , — ինչպէս դիտութիւնը , — եւ , փիլիսոփային անկարեկիր ու չեղոք նայուածքը՝ ընդմիջուած ըլլայ անհատական խառնուածքներու պէսպիտութեամբը գունաւորուած սեւ կամ պայծառ ակնոցով մը , երբ փիլիսոփան բարոյադէտի մտադրութիւններ կ'ստանձնէ :

Այսպէսով է որ յոռետեսութիւն ու լաւատեսութիւն , — այդ երկու թելադրող բառերը , — հաւասարակէս գոյութեան իրաւունք ձեռք բերած են երկինքին տակ :

Անտարակոյս շատ ապուշ ու անխելք պիտի ըլլար պնդել թէ՝ աշխարհիս դժբախտուները իրաւունք չունին տիսուր ըլլալու , ինչպէս նաեւ բարեբախտուները՝ զըւարթ : Բայց ո՞վ կրնայ իրաւունք ունենալ վճռելու թէ՝ կեանքը չարժեր ապրիլ ընդհանրապէս : Այո՛ , ես կ'ըն-

դունիմ թէ կայ իրօք առողջ ու անդրադարձ յոռետեսութիւն մը՝ որ ժիտական ու կործանարար չէ սակայն : Անիկա աւելի այլասէր դժգոհութիւնն է որ , անձնականութեան նեղ առանձնոցէն դուրս գալով , կը լայննայ , կը տարածուի ամբողջ մարդկութեան վրայ խորունկ գիտակցութեան մը լրջութեամբը , եւ առողջ , կորովի եւ փրկարար նպատակներով : Այս ձգտումը՝ յատկանիշն է արդէն ժամանակակից մեծագոյն գրականութիւններուն :

Տեսակ մը անիմաստ fatalisme ի ճակատագրականութեան արդարացումովը ընդունիլ կեանքը իր բոլոր դիմայեղումներուն մէջ , — այդ լաւատեսութիւնը քիչ մը շատ միամիտ ու վտանգաւոր պիտի ըլլար : Պէտք էր դժգոհ դաղափարաբանութիւն մը՝ կեանքի լաւագոյն հեռանկարներուն դինովութիւնը տար մեզի , մեր ապրելուն իրրեւ նպատակ : Կեանքին մէջ , ըստ Շօրէնհառուէրի , եթէ նոյն իսկ տառապահնքը ըլլար դրական , սփոփանքները կամ անոնց հաւանականութիւնները կան , որ կրնան սրտապնդել : Պէտքերուն ցաւին՝ կրնայ յաջորդել գոհացման հաճոյքը կամ անոր հնարաւորութեան դաղափարապաշտ միիթարանքը :

Անձուկ իմաստով լաւատեսութիւն ու յոռետեսութիւն՝ իրաւացի են միայն՝ երբ կը սահմանափակուին լոկ անձնական շրջանակի մէջ : Պարզ փորհարութիւն մը՝ աշխարհը ցաւի ու արցունքի հովիտին վերածելու իրաւունք չունի , եւ , հանդիստ մարսողութիւն մը՝ չի կրնար անսխալօրէն վճռել «Tout va pour le bien dans le meilleur des mondes possibles », Լայպնիցեան առած՝ զոր այնքա՞ն հիանալիօրէն ծաղրած է Candide ի հեղինակը :

Իրերը եւ աշխարհը դատելու համար բարոյական

նշանակութեան տեսակէտէն, կարելի եղածին չափ աշխատելու է զուրս ելնել անձնականութեան նեղիկ խցիկէն, եւ փոխանակ զուտ եսական օդտապաշտութեան մը ձգտելու, պէտք է հասկնալ բնութեան գործը այնպէս՝ ինչպէս որ է:

Մահն իսկ, որ ցաւերուն մեծագոյնն է, երբ կը հասնի կերպով մը իր ժամանակին, երբ իր պաշտօնը լրացուցած գործարանաւորութիւն մը կը հարուածէ, պէտք է դատուի իմաստասիրական ճշմարտութեան տեսակէտէն: «Պարտինք ընդունիլ ու կրել մահը ո՛չ իբրեւ չարիք մը կամ վիշտ մը, այլ իբրեւ կեանքի վերջին ֆոնտը, պարտիք մը հատուցումը, եւ գերագոյն պարտականութիւնը: Անիկա իրականացումն է ամէն էակներուն հասարակաց օրէնքի մը օգտակար իրենց համար ու փրկարար մեզի համար իսկ: Քանի որ մեր նախորդները մեռած են իրենց տեղը մեզի տալու համար, մենք ալ պարտինք մեռնիլ՝ տեղ բանալու համար մեր յաջորդներուն:» (1)

Ասկից աւելի վսեմ ու պարզ մտքի հաւասարակըսութեամբ կարելի չէր դատել աշխարհի գործը:

Այլ եթէ կ'ուղէք, յունետեսութիւնը բացարձակապէս առաջ մղենք, կեանքը նկատելով Շօրէնհառէրի համեմատ «Անդադրում որսորդութիւն մը, ուր մերթ որսացող ու մերթ որսացուած, էակները իրարու ձեռքէ կը քաշկուտեն սարսափելի որսամսի մը փերթերը, ամէնով իրարու դէմ մղուած պատերազմ մը, տեսակ մը ցաւին բնական պատմութիւնը՝ որ սապէս կը համա-

1) Bourdeau. *Causes et origine du Mal* (Revue Philosophique, Août 1900), cité par Galante, *Précis de sociologie*.

ուսուի — ուստել՝ առանց պատճառի, միշտ տառապիլ, միշտ պայքարիլ, յետոյ մեռնիլ, եւ այսպէս յաջորդարար դարերու դարերուն մէջ, մինչեւ որ մեր մոլորակին կեղեւը փսորուի ցիրուցան, ամենափոքր մասնիկներով:»

Այս այնքան միակողմանի հաւատքն իսկ ուր սկզբունքով կ'ուրացուի ուրախութեան գոյութիւնը, իրաւունք պիտի տա՞ր իրաւացիօրէն եզրակացնել թէ՝ ելքի ճամբայ մը կայ անէութեան, ո՛չ - լինելութեան, կամքի (Wille) ուրացման մէջ, ելք մը՝ որուն իրագործումը այնքան անհեթեթ է ու անհասկնալի՝ որքան անոր հետեւանքը՝ անստոյդ: Ծիծաղելի չի դառնար մարդկային ճղճիմ իմացականութիւնը, երբ բնութեան անյեղլի օրէնքին, կեանքի սկզբունքին կը յաւակնի ընդդիմադրել իր ողորմելիօրէն լիրբ ու արգահատելիօրէն խեղճուկ մէկ քմահաճոյքը: Կարելի՞ բան է արդեօք բնութեան լուսանցքէն դուրս՝ գոյութեան ժամադրավայր մը հաստատել մեր եսին: Կարելի՞ բան է արդեօք, — եթէ նոյն իսկ մարդկային տեսակը՝ ամբողջական միահաղոյն ինքնասավանութեան մէջ հնարաւոր ըլլար մէջտեղէն վերցնել, — կարելի՞ բան էր արդեօք՝ քայլքայել ջնջել բնութեան այն ոյժերը՝ որոնք կրցած են իրարու քով գալ, իրարու հետ համաձայնիլ, գործարանաւոր ու ինքնագիտակ կեանքը տօնելու համար մարդուն մէջ, եւ որոնց այդ համերաշխութեան յատկութիւնը՝ առ այժմ որ եւ է կերպով խանդարուած ըլլալ չի թուիր (??):

Զէ՛, վախճանական պատճառներու սկզբունքին համեմատ չէր, ո՛չ ալ բացարձակ լաւատեսութեան մը միամտութիւններուն մէջէն, որ պիտի ուզէինք մարդկային կեանքին նպատակը եւ ճակատագիրը սահմանել:

Բայ ինքեան՝ կեանքը ո՛չ աղէկ ըլլալու է՝ ոչ գէշ բացարձակօրէն։ Կարելի է միայն հաստատել ամէն հաւասարակշխութեան իմացականութեան համար, թէ՝ կեանքը, մարդուն մէջ հասած ինքնազիտակցութեան բարձրագոյն վիճակին, մեզի կը յայտնուի գեղեցիկ երեւոյթ մը, եւ իր պաշտօնին ու ելեւէջներուն մէջ՝ ունի խանդավառող ու յարատեւ գործունէութեան հրաւիրող պատահումներ՝ որոնց համար անդիտակցօրէն, բնական մղումով, հաճոյք կ'զգանք յոդնիլ, որոնց համար կը զուարթանանք, եւ կը հետամտինք ապրելու կոիւն։ Այս տրամադրութիւններուն մէջ, ա՛լ բարոյական նշանակութիւն չեն կրնար ունենալ ո՛չ փիլիտիայական ճշմարտութիւնը, — նոյն իսկ այնքա՞ն իր իսկութեան մէջ ժխտական, ոչնչական, յուսահատեցուցիչ, — ոչ ալ ախտաւոր հոգիի մը յուետեսութիւնը, այնքա՞ն անձուկ, այնքա՞ն միակողմանի ու եսական։

Եթէ փիլիտովայութիւնը կը միտի տրամաբանօրէն ունայնութեան, եթէ վախճանական պատճառներու չզոյութիւնը կը յուսահատեցնէ մարդը, թերեւս տրամաբանական ըլլայ եղրակացնել թէ՝ կեանքը չարժեր ապրիլ, քանի որ բացարձակ նպատակի մը գոյութիւնը ցնորք մը կը դառնայ։ Ասիկա՝ զուտ մարդկային պահանջնութիւն մըն է սակայն։ Մարդկային իմացականութեան մէկ ընդունակութիւնը, — տրամաբանութիւնը, — պահանջելի չի կրնար ըլլալ որ բնութեան օրէնքները վարէ։ Եւ ան, բնութիւնը, որ չի ճանչնար թէ ի՞նչ է տրամաբանութիւն, ճիշդ ատոր ապացոյցը տուած է սուտը, պատրանքը, դէպերու կոյր չարարութիւնը դնելով կեանքի սկզբունք։ Նախապատմական շրջաններէն մինչեւ մեր օրերը, նկատողութեան առնելով մարդկային բնաշրջման բարոյական աղդակ-

ները, կրօնք, աւանդութիւն, հաւատալիք, եւն., — կարելի է հաստատել թէ՝ մանաւանդ ստութիւնը կըրցած է ըլլալ անկախօրէն բացարձակ ճշմարտութենէն՝ որ ըստ ինքեան ոչնչական է, — կեանքի զարդացման սկզբունք 1)։ Նիցչէ իրաւունք ունի ուրեմն ըսկով՝ թէ «Հարկ է ոչ-ճշմարիտը ընդունիլ իբրեւ կեանքի պայման»։

Իրաւցընէ, — եղրակացներու համար, — տղայական չպիտի^o ըլլար տիեզերքին կրաւորական գիրք մը հրամայել՝ հանդէպ մարդկային իմացականութեան՝ որ մասն է ամբողջին։

Այս բոլորէն յետոյ՝ Տէմիրճիպաշեանին անկեղծութիւնը չէ որ կասկածելի պիտի ուզէի նկատել։ Իր պարկեցտ ու մաքուր մարդու համբաւը՝ անվիճելի է։ Դիտմամբ ծանրացայ միայն այս կչտերուն վրայ, անոնց աղդեցութեան հակասութիւնները մատնանշելու համար իր մտադրութիւններուն ու յաւակնութիւններուն հետ, որոնք երբեմն նոյն իսկ անիմաստ լաւատեսութեան մը նշանառութիւն կը փորձեն։

Այլ եթէ առհասարակ իր մահարադ ու ժխտական ոգին սովորանք մը ըրի իրեն, չեմ կրնար արդարութիւն չընել իր ուրիշ մասնաւորութիւններուն համար՝ որ նշանակելի պիտի մնան մեր արդի գրականութեան մէջ։

Այնքա՞ն նանրասէր, այնքա՞ն միամտօրէն անձնով ու ոէքլամմին համար այնքա՞ն ախտավարակ դղայնութեամբ զգայուն այս մարդը։ Օտեանէն յետոյ, առաջնակարգ արձակագիր արուեստագէտն է մեր աշխարհիկ գրականութեան առաջին շրջանին։ Ոչ ոք իրեն

1) « De Kant à Nietzsche », par Jules de Gaultier.

չափ ամենակարող Աստուածն է իր գրչին, այդ մոգական, առաջապահական, գերատաձգական փետուրին՝ որուն այնքան արուեստու էջեր կը պարտինք: Տէմիրճիպաշեան՝ մեր ամենէն իսկատիպ գրողներէն մէկն է, լեզուի ու ոճի տեսակէտէն: Իր լեզուն ու իր պարբերութիւնը՝ ինքնայտուկ արուեստ ու գեղեցկութիւն ունին: Ես զինքը կը համարիմ անկապաշտ մը, (décadent) ոճի ու լեզուի տեսակէտներէն, եւ այս վերադիրը իրեն համար մեղադրանք մը ըլլալէ շատ հեռի է: Ընդհակառակն: Պոտէսուի, — որուն անունը, Հայնէինին հետ առաջին անգամ իրմէն կարգացած եմ, — Ցափին Ծաղիկներուն յառաջաբանին մէջ, Թէօփիլ Կօթիէ բանաստեղծը սապէս կը սահմանէ անկապաշտ լեզուն. «Դիւրին բան չէ սակայն պատուելիօրէն» (réulant) արհամարհուած այդ ոճը: Վասն զի անիկա կը բացատրէ նոր գաղափարներ՝ նոր ձեւերով ու բառերով, զոր դեռ նոր կը լսենք:»

«Հանճարեղ, կնճռոտ, գիտուն, երանգաճոխ ու խուզարկութիւններով լեցուն է ան, որ կը հեռանայ միշտ լեզուին սահմաններէն, փոխ կ'առնէ բոլոր բառարաններէն, գոյներ քաղելով բոլոր երանգապանակներէն, խազեր՝ բոլոր ստեղնաշարներէն, ջանալով արտադրել ինչ որ ունի մտածումն՝ ամենէն անճառելի, ու ձեւը իր ամենէն տարտամ, ամենէն խուսափուկ շրջադիմերուն մէջ. կ'ունկնդրէ ան, զանոնք թարգմանելու համար, Ջախտին նրբին մտերմութիւններուն, խոստովանութիւններուն՝ հինցող կիրքին որ կ'ապականի, եւ անհեթեթ բանդագուշանքներուն հաստատուն գաղափարին՝ որ յիմարութեան կը միտի: Անկապաշտութեան այս ոճը՝ վերջին բառն է բանին՝ նեղը դրուած՝ արտայայտելու ամէն ինչ, մղուած գերադոյն չափաղանցութեան:»

Թէոփիլ Կօթիէն կարդալէ առաջ անշուշտ՝ Տէմիրճիպաշեան իր յատուկ բառարանը ունեցաւ: Բառին կիրքը, բառին մոլութիւնը՝ ոչ ոք իրեն չափ առաջ տարած է: Կը սիրէ, կը պաշտէ զանոնք, — բառերը, — այնչափ մը՝ որովհետեւ անոնց երախտագէտ կ'զգայ ինքընքը այն համոյակատարութեան համար՝ որով անոնք անկարելի ճկունութիւններու յանձնառու կ'ըլլան իր ամպոտ ու միսթիկ մտքին կնճռոտ ու հիւնդագին արարենիները (arabesque) պատկերացնելու համար 1), որքան իրենց սոսկական գեղեցկութեան պատճառով: Դիտելի է թէ իր բառերը՝ միշտ Փրանսերէններու թարգմանութիւններ չեն: Իր ստեղծածները կան անոնց մէջ, նորերը, անթարգմանելիները, բոլորովին գեղեցիկ ու յանդուգն, բարբարոս կամ նազելագեղ, յաւէտ իսկատիպ բառեր՝ որոնք իսկատիպ դրիչներու ծայրը միայն գոյութեան իրաւունք կրնան ունենալ, բացատրելով անոնց արտակարգ խառնուածքը եւ խմացականութեան նրբերանգները: Նարեկացին ալ միեւնոյն երեւոյթը չի՞ ներկայացներ միթէ, ինչպէս չատ իրաւամբ գիտել տուած է Յովհաննէս Գաղանձեան: Ասոր համար է որ առաջին հանդիպողին նոր բառեր շինելու մարմաջը՝ այնքան ցաւալի ու ուամիկ հետեւանքներ կրնայ ունենալ:

Տէմիրճիպաշեան՝ մեծ բանաստեղծի ու փիլիսոփայի համբաւ ունի մեր մէջ: Արմատական բան մը չկրցան ընել անոնք՝ որ այս համբաւը բզքտել ջանացին հանրութեան համոզումին մէջ: Ամենէն վերջը, քննադատութեան անողոք դատաստանին առջեւ, որ իր ունայնութիւնը բացը կը հանէր, Տէմիրճիպաշեա-

1) «Բառերուն նշանակութիւնը անձանց համեմատ կը փոխուի», կը գրէ ինքը տեղ մը:

նին անունը՝ բարի մարդուն ու հիւանդին չքմեղանքովը փաստաբանեցին։ Կարելի չէր չկարեկցիլ, ու ընելիք չէր մնար այլեւս։ Հասկնալի է թէ հասարակութեան մը համար շատ դժուար ըլլար հին վարժութենէ մը յեղակարծօրէն հրաժարիլ։ Նախապաշարումը ի՞նչ անմեղ ու խանդաղատեցնող միջոցներու կրնայ դիմել, ինքինքը պաշտպանելու համար սրբապիղծ յանդդնութեան դէմ, եթէ այս վերջինը նոյն իսկ ըլլայ օգտակար ու բարերար։

Տեսակ մը խղճի միտք կայ, սակայն, որ զիս շատ անդամ անհանդիսութեած է, զգացման մը տկարութիւններուն մեղադրանքով տափնապելով։ Ինչպէ՞ս յանձն առնել Գաղափարին զոհողութիւնը, զգացումին անունով, որ տկար է, որ այնքան երբեմն անզօր է բանաւարութեան առջեւ։

Ասոր համար է որ պիտի համարձակիմ, — թէեւ այնքա՞ն ցաւելով, ինչպէս դիւրահասկանալի է, — ըսել թէ՝ Տէմիրձիպաշեան, աւա՞ղ, չեղած է, իր համբաւին մարդը։

Ի՞նչ պիտի մնայ իր իմաստասիրութենէն, ըսէի՞ք։ Զէ՞ք համիլի խոստովանիլ թէ՝ բառին պատկառելի վայրին հանդէպ՝ իր ճղճիմ ու հիւանդուու մտածումը պիտի խանծի, ինչպէս յարդի շիւղ մը՝ վառարանի բոցին մէջ։ Ու այս դժրախտ փորձէն՝ զինքը չպիտի փրկեն, — աւա՞ղ վերստին, — ո՛չ Սաքիու — Մունին, ո՛չ Կոմիտուկիոսը, ո՛չ Շօբէնհաուէրը, ո՛չ Սրէնսէրը, ո՛չ Օկիւսթ Քօնթը, ո՛չ իսկ Լիթոէն, որոնց անունները հազարաւոր անգամներ կարդացած է մէր դլիխին, առանց անոնցմէ լուրջ ու հասկնալի բան մը պատմելու մէղի, եւ որոնց մտերմութեան մէջ ապրած ըլլաւ հաւատացուցած է զանոնք՝ որ քննադատութեան սկեպ-

տութիւնը չճանչնալու չափ բարեմիտ են, — բարեսի՞րտ են մանաւանդ։ Այս պայմաններուն տակ, համարձակութիւնն ունեցէք խոստովանելու։ թէ այս փայլը կեղծ է ու այս աղմուկը կատակասէր ու անտեղը։

Շատ կը հաւատա՞ք թէ բան մը, լուրջ ու յաւերժագեղ բան մը պիտի մնայ իր բանաստեղծութենէն։ Նախ, իր արձակը փոխն ի փոխ հեղասահ առուփի մը քնքուշ ու նազոս հեծկլտանքը, արաբական նժոյգի մը ջլապիրկ ձկունութիւնը կամ գահապէժ գետի մը շուարուն ու յորդ գնացքն ունի, իր տաղաչափութիւնը՝ կաղ մուրացկանի մը ողորմելի կոտրտուումներով կը յատկանցնի։ Տէմիրձիպաշեան այն տաղանդն է՝ որ գրած է ժամանակիս ամենէն դժուարընթեւնի ոտանաւորներէն, միշտ աղտոտուած գրաբարի գարշելի ցիսացայտերով, 1) ու միշտ աւելի ռամիկ եւ արձակունակ, — մինչդեռ իր արձակը՝ մերթ կշուական արձակ մըն է։

Ցետոյ, եթէ իր գրչէն ելած երկայնաշունչ աշխատութիւն մը այսքան երկար տարիներէ ի վեր տակաւին կոյութիւն չունեցաւ, իբրեւ յուշարար իր անունին՝ սպազայ սերունդներուն, իր հատուածեալ տաղանդին երիներանգ փետրափոխութիւններն ալ՝ տակաւին քիչ մը տանի համար, ծաղկաքաղներու եւ հատընտիրներու մէջ քաշքուելէ, դեղագիտութեան ուսուցիչներու կարձ շնչառութիւնը՝ վայրկենական ընդլայնումներու ենթարկելէ յետոյ, պիտի մոոցուին, պիտի մէկ կողմ նետուին։

1) Յօդուածագրին գրաբարի դէմ սոյն թշնամանիկ յարձակումն անհերեր ու անիմաստ կը գտնին։

Ճանօր. «Արեւ. Մամուլ»ի խմբ։

ԵՐԵՒՄՆ՝ sentimental էր մեր ամբողջ հասարակութիւնը։ Ինքն էր որ Տէմիրծիպաշեանը սնոյց՝ իր անմահութեան միամաօրէն յանդուզն թեկնածութիւններուն մէջ։ Ոմանք, կը բեմն, իր լալիան հսապաշտութիւնը, իր փորի ցաւերուն անտանելի պատմութիւնները, իր «անձնական գրականութիւն»ը, — այնքա՞ն քիչ Շօրէնհասուէրեան կամ Պուտտայական, նկատելով որ, արուեստին տեսակէտէն, անձը հարկ է քաշուի, իր տեղը փոխ տալու համար գաղափարին, նկատելով որ «արուեստը եւ բանաստեղծութիւնը հարկ է ըլլան անանձնաւոր» — առարկայական, — ըստ իր սիրած իմաստասէրին, — զոր ինքը կարծած էր ընել Ամիէլին, Հայնէին կամ Պայրընին հանդիտութեամբ, — տափակ ու տղայական գտան։ Այդ բանը զարմանք ու վիշտ պատճառեց իրեն, — այնքա՞ն անակնկալ էր, — եւ, յուզմունքի գերագոյն վայրկեանի մը մէջ, իր միամիտ գիտակցութիւնը սրուած զգաց յայտարարելու թէ՝ այն մելաններուն համար՝ զոր աննկատ շռայլութեամբ վատնած էր այսքա՞ն տարիներէ ի վեր հոս հոն, ինքընքը «արժանի կ'զգար հայ ժողովրդեան սիրոյն ու յարգանաց»։ Կրնայի՞ք ըսել թէ ասիկա անօրինակ գժուարապահանջութիւնն ըլլար։

Այլ բացարձակապէս ոչնչութեան չէ կարելի վերածել այս մարդը՝ որ այնքա՞ն յոզնած է գրականութեան համար։ Կէտ մը կայ՝ ուր իր մատուցած ծառայութիւնը անլիճելի է։ Բայց այս այնքա՞ն աւելի ցաւալի է՝ որքան այդ կէտը՝ իր յաւակնութիւններուն ամենէն աննշանը պիտի մնայ։ — Հո՛ն են այն քառորդ երկոտասանեակ Փրանսահայ ու հայաֆրանս բառանները, զոր պատրաստելու տաղտուկը յանձն առածէ, ո՛չ թէ հայ ուսանողներու օգտին մտադրութեամբն անշուշտ, — վասն զի ատիկա քիչ մը շատ տափակ եւ

ուամիկ պիտի ըլլար, — այլ իր բառաշխական միամտութիւնը դոհունակօրէն դրօսցնելու արուեստագիտական քմայքով։ Այլ, ըսի՞ արդէն, — աշխարհի հեղնութիւններն անողոք կ'ըլլան, — եթէ Տէմիրծիպաշեանին գրադէտի անունը՝ դուռը բաց մոռցուած քանարիկի վանդակի մը տպաւորութիւնը ձգել սկսած է, անդին, մինչեւ նորագոյններուն ու կատարելագոյններուն երեւումը, իր բառարանները պիտի թղթատուին հայ աղքատիկ ուսանողին երախտագէտ ձեռներուն մէջ, որ, հեղինակին նորակերտ բառերէն հրապուրութէ աւելի, — իրաւամբ աւա՞զ, — նորայրին կամ նուպարեանին պատկառելի ու անմերձենալի վսեմութենէն իսոյս տուած պիտի ըլլայ, «ի հարկէ ստիպեալ»։

1 Մարտ 1902

«Արեւելիան Մամուլ» էջ 243-253

ԳԱԼՈՒՍ ԿՈՍՏԱՆԴՅԱՆ

Տեսակ մը ցնցող շացում կը համակէ զիս, ամէն անգամ որ Գալուստ Կոստանդյանի վրայ կը խորհիմ: Ու, իր մահուանէն ի վեր որ առիթները բազմապատկուած են իր վրայ խորհելու, հետզհետէ կը համոզուիմ թէ այդ մարդը իրօք եղական ու թանկադին տիպար մըն է եղեր: Եւ անհուն ցաւ մը կը համակէ զիս, վասն զի աստուածները կը մեռնին, ու անոնց տեղերը պարապ կը մնան. հորիզոնին վրայ մեծ դէմքեր կ'անհետանան, եւ հողը, ուր նոր տունկերը կը ծլին, կը սնանկանայ աղնուազգի պտղաբերութիւններէն, ա՛յ յուսատու չերեւիր ու տատասկներու անշահ բուսականութեան մէջ խոպանացած է, աւա՛զ:

Գալուստ Կոստանդյան գիտուն միաք մըն էր, — թէեւ կը հաւաստեն մեկ թէ իր աշխատանոցին մէջ գիտունի ձեռքեր ալ կիրառութեան դրած է:

Ասով՝ չեմ ուղեր ըսած ըլլալ թէ՝ գիտուններէն ու դիտուն միաքերէն բացարձակապէս սնանկացած է ալ հայ շրջանակը: Վասն զի Մանուէլեան՝ իր անունը փառաւոր միացման գիծով մը կցած է այսօր Մաթիա Տիւվալի պէս հոյակապ գիտունի մը անունին, եւ Գոլոլեան՝ իր անձնական գիտական խուզարկութիւններուն վրայ Փրանսերէն ուսումնասիրութիւններ կը հրատարակէ ու կը դնահատուի: Աւելի մեզի մօտիկ, Տօքթ. Տաղաւարեան, իր ծանօթութիւններուն անըս-

պառելի շտեմարանէն ամէն օր բան մը ունի ներկայացնելիք՝ մեր հասարակութեան հետաքրքրութեան: Եւ դեռ ուրիշ անուններ չեն պակմիր, զոր կարելի չըլլար յիշել, շարքը պատկառելիօրէն երկարելու համար:

Զէ՛, ըստի եւ չուզեցի ըսել թէ հայ գիտական միտքեր ու հայ գիտուններ չունի՞նք ալ: Պիտի ուզէի ըսել, պիտի ուզէի չեշտուած ձայնով մատնանշել, սակայն, թէ՝ Գալուստ Կոստանդյանին պէս գիտական միտքեր ա՛լ չարտադրեր մեր հողը: Խղճմարէն ուշադրութիւն ըրէք գիտելու՝ թէ տեսակ մը կեդրոնախոյս զօրութիւն դուրս կը նետէ մեր սահմաններէն սերմերը՝ որ այդ հազուագիւտ բոյսը պիտի արտադրէին, ու հայ մտքին լաւագոյն, աղնուազգոյն բողբոյնները՝ վտարանդի գետիններու հիւրընկալութիւնը կը փնտուեն:

Կոստանդյան պարզ ժողովրդականացնող մը չեղաւ միայն: Անիկա միեւնոյն ատեն անկեղծ ու կորովի կոռուզ մըն էր: Կոստանդյան՝ հայերուն Պիւհնէրը պիտի կրնար համարուիլ:

Professional, արհեստով գիտուններ կան, որոնք գիտութիւնը գիտութեան համար կը մշակեն, իրենց աշխատանոցին մենամոլ առանձնութեան մէջ, եթէ զիրենք չառաչնորդեր բարձրօրէն մարդկային փառասիրութիւն մը այն վտանդաւոր ձեռնարկներուն մէջ՝ ուրիշենց կեանքը մահուան սարսափին տակ կը դողայ ամէն վայրկեան: Լավուազիէններուն, Կէյ-Լիւսաքներուն, Նանդէններուն շառաւիղն է աս:

Զէզոք ձեռքով մը՝ գիտութիւնը ժողովուրդին հրամցնողները, գիտութեան սնունդին կառստները կան, — ինչպէս մեր Տաղաւարեանը, — անփոյթ՝ իմաստասիրական ընդհանրացումներու եւ եղրակացութիւններու մասին: Կա՛ն նաև կոռուզները՝ գիտութեան հաւատքին համար: Գիտութեան առաքեալներն

են անոնք, որ ճշմարտութեան խօսքը կը քարողեն։ Վասն զի հո՛ս ալ կայ այն ներսէն մղում տուող ան-ձողովրելի ու մաքուր ուժը, որ կ'անուանուի հաւատք, եւ առանց որուն՝ մեծ գործերը պիտի ճողէին, պիտի ցամքէին՝ դաճաճ ու վրիպոտ անճկումներու մէջ։ Ու դիտութեան հաւատքը անո՛վ աւելի վսեմ ու փա-ռայեղ է որ, մարդկային իմացականութեան կրօնա-կան - բնագանցական պէտքին՝ ամենէն աւելի տրամա-բանական ու բանաւոր պայծառութեամբ կը թուի գո-հացում տալ։ Ահա՛ այս վերջիններու խումբէն կը հա-մարուին Պէտքըլօները։

Գիտութեան իմաստին, գիտութեան բանին աւե-տարանող մըն էր նաև՝ Գալուստ Կոստանդեանը։ Իր գրքոյէը, Մեթոտի վրայ, որուն վերլուծումը չպիտի բնաւ փորձեմ ընել, տեսակ մը հանդանակ է, ուր կը տաքնայ ու կը բռնկի իր վճռական մարդու բացարձակ անկեղծութիւնն ու խանդավառութիւնը։ Այդ խանդա-վառութիւնը՝ շինիչ ըլլալէ առաջ պարտաւորուած էր կործանարար ըլլալ։ Ատկէ՝ այն հալածանքը, որ ա-ռաքեալին կրունկը կը հետապնդէ դարերէ ի վեր։ Վասն զի պատիկ ոճիր չէ յանդզնութիւնը՝ որ կը միտի մտաւորական ու բարոյական հանդարտ ու երջանկարեր ստացուած կը ամբարիչտ տակնուվրայութեան 1)։

1) Աշխարհի չորս կողմ ցիրուցան կրօնային հա-սարակութեան մը միութեան եւ քայլայուն գոյութեան խարիսխը կազմող կրօնի եւ եկեղեցւոյ հիմերը քանդող վիլխովիայութիւն մէր ճախող եւ յայտնապէս անդէւկ ու անժամ։ «Մեթոտի վրայ» գիրքը՝ որ ո եւ է կերպով չսպարասուած հայ անհատը կ'շլմորէր, կ'սասանէր վտանգաւոր կերպով ու յայտնի վնասով։

Ծ. Խմբ. «Ա. Մ.»ի

Կոստանդեանինը, Կոստանդեանի ոճիրը, մանա-ւանդ, մեծագոյններէն էր այնպիսի ժամանակի մը ու այնպիսի հասարակութեան մը մէջ՝ որուն համար ի-մաստութեան սկիզբը՝ յաւէտ ճակատագրուած ըլլալ կը թուի՝ Աստուծոյ վախը։ Իրաւամբ աստուածաշնչա-կան շանթ մը պէտք էր հալածէր այդ մահկանացուն՝ որ իր հէտ ու անրախտ նախահօր հիւանդագին հետա-քրքրութեան մէկ հեռաւոր վերապրումին վտանդաւոր ախտանիշը ցոյց կուտար, հաւադարձական երեւոյթով։ Գիտութեան ծա՛ռը։ Ո՞հ, ահա՛ սկզբնական ոճիրը, որ մարդը դրախտէն վլնտեց, այն դրախտէն՝ ուր ծգի-տութիւնը, անդորր ու ապահով, զինքը երջանկութեան լուսացանցին մէջ կը պարուէր։ Կը տեսնէ՞ք ինչպէս կը պատժուէին աստուածային առաջին պատուէրին դէմ խիզախուած ընդվլումները։

Ու Կոստանդեան՝ Գիտութեան ծառին տարաբախտ հետաքրքիրն էր։ Անոր համար մեր հասարակութիւնը զինքը դրախտէն վլնտեց, անոր համար սատանան՝ այդ անրարիշտ հայուն եղբայրը կարծուեցաւ։ Իր գրքին համար, զոր ցուցամատին մէջ կ'անցնէին, զինքը բա-նադրեցին, նզովեցին, ամէն ինչ ըրին՝ սատանան, Ուէլսի անտեսանելի մարդը մատնացոյց ընելու նպատա-կով։ Ահազին սպառնալիքի մը սարսափը սաւառնած էր՝ փիլոնաւոր խղճմատանքներուն վերեւ։ Քահանային սեւ գրուանը՝ անկումի ցնցում մը կրած էր։ Ու ժամա-նակին պատրիարքը իր տոպրակ մը չքեղ մօրուքով, կը պատմեն, բողոքական պատուիի մը սատուածաբա-նութեանը պարտաւորուեցաւ ապաւինիլ, հերքելու հա-մար գայթակղութեան ու կործանումի խօսքը, ու փըր-կելու, պաշտպանելու համար անոր դէմ՝ հնօրեայ նուիրականութիւններուն մասնատուպիը։ Միթէ կրնա՞ր

ներելի ըլլալ՝ խորտակել զայն, եւ իր ախտը ու մթին պարունակութիւնը՝ ճշմարտութեան պայծառ լոյսին ցուցադրել:

Մեթոսի վրայ գրքոյկը սակայն, իմաստասիրական անհեթեթութիւններու կամ կրօնական հերձուածներու հանդիսարան մը չէր, տեղի տալու համար այդ իրարանցումին: Մէկ կողմէն, բնական ու բնապատմական գիտութիւններու յայտնած ճշմարտութիւններուն համեմատ, կը պարունակէ անսեթեւեթ ու համառօտ ուրուագիծ մը, այն ճամբրորդութեան՝ զոր մարդկութիւնը կատարած է «Ծննդոց» մթին չուկէտէ մը՝ մինչեւ այսօր, «համազգային ու անկղեր լուսաւորութեան փանան»ին սահմաններուն մօտիկ: Միւս կողմէն, հաւատական ու տրամաբանական եւ կամ աստուածաբանական ու բնազնցական ըմբռնումներու աւերակներուն վրայ՝ դրական կամ գիտական մտքին յաղթանակը հռչակող ու քաջալերող գործ մը եւ գիտական մեթոտի ամենէ՛ն պերճախօս, ամենէ՛ն ուժով ու անկեղծ ջատազովութիւն մըն է, զոր երբեք կարդացած ըլլանք:

Կոստանդեանի գործը ըլլալով պարզ ժողովրդականացնողի եւ interpretē ի գործ, իր արժանիքը շատ յարաբերական կրնար մ'նալ, այնպիսի ընկերութեան մը մէջ՝ որուն ա'րդէն մասամբ օտար ըլլալը գիտութեան ամբարշտութիւնը: Բայց, այնպիսի միջավայրի մը մէջ, զոր կենդանացնող շունչը դեռ աստուածաբանական ծակ ու ողորմելի փքոց մը կը հայթայթէ, կոստանդեանի արժանիքը, ինչպէս արդէն մատնանշեցինք, գաղափարի մարդուն կամքոտ ու անվեհեր արիութեան վրայ հիմնուեցաւ: Իր գործը այնքան հմտութեան որքան կոռւի գործ մը եղաւ: Գիտունի համեստութիւնը՝ դաղափարի պաշտամունքով խանդավառուածիւն պարագային լծորդուած, ամէն նկատողութիւն

սրբած էր իր առջեւէն, ու ճշմարտութեան սէրը՝ անձնական ճղճիմ հաշիւներուն մոռացումը բերած էր: Ապա թէ ոչ, գիտունը, գիտուկը զինքը շրջապատող աշխարհին իմացական ու բարոյական աւանդութիւններուն, իր աշխատանոցին մենական պատերուն մէջ առանձնացած, քթին ծայրը արհամարհանքի ու հեգնութեան ժպիտ մը, կրնար իր գործը շարունակել իր անձնական հաճոյքին համար միայն, ինչպէս Պ. Փոռտանը, Զոլայի Աշխատութեան մէջ: Այլ Կոստանդեան՝ «Երկար տարիներու զնութեան ու մտածողութեան» հարուստ պաշար մը՝ իր անձին ու իր եսասէր հաճոյքին վերապահելու, զայն իր մտքին մէջ կղպելու տեսակ մը կծծի ունայնասիրութիւնը չունեցաւ: Այո՛, իրեն պէս լեցուն մարդու մը համար, որ չէր անդիտեր իրեն սպասող ընդունելութիւնը, զինքը շրջապատող թշուառ խաւարին վրայ ճշմարտութեան պայծառ լուսամուտէն ինքնագոհ եւ արհամարհոտ նայուածք մը միայն պտտցնել՝ գիւրին ու հաճելի պիտի կրնար ըլլալ անտարակոյս: Այն ատեն սակայն, իր բոլոր արժանիքը՝ ամուլ հմտութեան մը տժդոյն արժանիքը միայն պիտի ըլլար:

Կոստանդեան՝ չկրցաւ տոկալ սակայն. իր անհատական ներգործութիւնը՝ պարտաւորուեցաւ տեղի տալու հաւաքական հակազդեցութեան, — տգէտ, անխելք, կոյր, — եւ Արեւելիսան Գիտական Մատենաշարին Ա. հատորը՝ պարտաւորուեցաւ նաեւ ըլլալու՝ վերջինը:

Կոստանդեան լոեց, — վասն զի հնար չէր ուրիշ կերպ ընել, — ու իրեն հետ նա'եւ այն քանի մը հաղուագիւտ բարեկամները, Մսերեան, Ոսկան, եւն ., որ գիտութեան դրօշը պահ մը կանգուն պահել փորձած էին: Հերոսը՝ վերջնականօրէն պարտուած ու իր մէջ գաղափարը անդարմանելիօրէն ինկած պիտի նկա-

տէհնք եթէ մեզի չիմացնէին թէ՝ հեռու ըլլալէ դասաւիք մը, որ կը մատնէ իր պաշտամունքն ու կ'ուրանայ իր հաւատքը, կոստանդեան կ'աշխատէր միշտ իր propagande ի գործին մէջ, — բայց այս անդամ ֆըրանսերէն գրելով։

Յետոյ, մահուանէն վերջ, իր կտակը իր խսկատպութեամբը եկաւ միեւնոյն բանը շեշտել։ Հաղարլիրա արժողութեամբ մատենադարանը՝ իզմիրի Յոյն ընթերցատան կը նուիրէր։

Իր կենդանութեանը իր վերարկուին քղանցքին հետամտող թափառկոտներուն ջոլիրը՝ այս անդամ իր դիմակին չուրջը խմբուեցաւ բացարձակ անվախութեամբ։ Քաջութեան բարձրագոյն աստիճանն էր այս։

Իրաւ, կոստանդեան քէնոտած մըն էր թէեւ, — ու որեւէ քէն՝ ժխտական հոգեբանութենէ մը կը թուի բոլիիլ, — բայց իր կտակը իր գործին տրամաբանական շարունակութիւնը կ'երեւայ ինծի, ունենալով իր մէջ բարոյական խիստ նշանակութիւն մը, զոր ժամանակին ոչ ոք դիտեց։ Մեր հասարակութիւնը՝ նուրբ ձեւերէն ոչ կը հասկնայ ոչ կ'ախորժի։ Կոշտ կերպերը միայն կրնան մեղի զարնուիլ ու աղղել։ Կոստանդեան՝ դաս մը կ'ուզէր տալ մեղի տակաւին, հասկնալ ուզէինք կամ ոչ։ Միթէ մենք արժէքը պիտի դիտնայինք իր նուէրին. խողին առջեւ անխելքութիւն չէ՞ր մարդրիտ նետել։

Ու բոլոր կատաղութիւնները նորէն բռնկեցան անպաշտան դիմակին չուրջը։ Բոլոր սեւ խղճմտանքներն ու բոլոր պլակած հոգիները իրենց աղտեղութիւնը փորձեցին իր յիշատակին։ Կոստանդեան հայ չէ՞ր, կոստանդեան տոհմասիրութիւն չունէր, կոստանդեան օտարամոլ էր, կոստանդեան անբարոյական էր, — Յոյն

հոմանուհիի մը հետ կը կենակցէր։

Անհունորէն կը տիրիմ ու ցաւոտ հարցում մը կը յաճախէ միտքս։

Այդ բարոյականութեան միեւնոյն մունետիկները, որ իրենց հուետորութիւնը վատնեցին հէգ պատուական դիտունին մաքուր յիշատակը աղտոտելու, իրենց ճարտարախօսութիւնը, իրենց երգեցիկ տիրացուութեան տաղանդը արդեօք ի՞նչպէս պիտի գործածէին, եթէ կոստանդեան ազդին նուիրած ըլլար այն մատենադարանը՝ որ աղբերակը եղած էր իր անբարոյական ու անբարիշտ մտածումին։ Այն ատեն ազդը պէտք ունեցած պիտի ըլլա՞ր արդեօք անսաստուածի մը, անկրօնի մը, աշխարհաքաղաքացիի մը, վտանգաւոր մարդու մը այդ պիղծ ու վնասակար նուէրին։ Գայթակղութիւնը նուա՞զ մէծ պիտի ըլլար արդեօք։ Կոստանդեան քաւած պիտի ըլլա՞ր իր Մեքանի վրայն, եւ հարկ չպիտի՞ ըլլար բանալ հին տետրակներ, քրքրել հին հաշիւներ, ու այրել, ոչնչացնել այդ գիրքը, խեղղել այդ կայծերը, որոնք, ի վնաս բոլոր յարգուած կեղծաւորութիւններուն, ի վնաս բոլոր նուիրական ու պաշտելի ստութիւններուն, — Աստուած մի՛ արասցէ, — կ'ապառնային ճշմարտութեան հանդիսաւոր ու մէծ հրդեհը բռնկցնել։

Ասոնց բոլորին եղբակացութիւնը այնքան օկտակար է, որքան անուղղակի առնչութիւն մը միայն ունի կոստանդեանի գիմաստուերին հետ։

Բայց այս մարդը ձեղի ներկայացնել փորձած ատենս, յուսահատութիւնը չէ որ կը համակէ զիս մեր ապուշութիւններուն ու մեր տղիտութիւններուն համար։ Կոստանդեանին յիշատակը կորովարեր ու կաղդուրիչ ընկեր մըն է միշտ։ Ասոր համար է որ, ես ալ, մտածողներու ամենէն յետինը, որ հայ մէծ մարդուն

յիշատակին արդարութիւն ընել վորձեցի, իրեն հետ կը հաւատամ թէ, «դրական օրէնքները զմեղ կը գերեն, բնական լոյսը՝ հաւատոյ խորաններուն կանթեզները կը խաւարեցնէ :» Եւ «Զենք կարծեր որ մէկը կարենայ առանց կրքի ու նախադատութեան ամէն ինչ քննել՝ Եւ այս համոզումին չի դալ: Իրը Եւ իրաւ այնքան կապուած են մէկ մէկու, շօշափելի Եւ զննելի եղելութիւնները այնքա՞ն մեծ հեղինակութիւն մը ունին իրեւ յաւիտենական ճշմարտութիւն, որ անհնար է փիլիսոփայութեան հետեւիլ, առանց ուշ կամ կանուխ դիտական մեթոտի աշակերտելու:» 1)

Յ. Գ.՝ Բացատրութիւն մը, նախորդ յօդուածիս, (Եղիս Տէմիրձիպաշեան) լուսանցքին ներքեւ գրաբարի առթիւ Ար. Մամուլի խմբագրութեան կողմէ եղած դիտողութեան մասին, որ թիւրիմացութենէ մը առաջ եկած է:

Գրաբարը սկզբունքով արհամարհող մը, ատող մը չեմ: Ընդհակառակն ես իմ ուրոյն հիացումս ունիմ՝ այդ լեզուին ուրոյն գեղեցկութեանն ու ճոխութեանը մասին: Իմ ըրած դիտողութիւն՝ գրաբարախառն աշխարհաբարին դէմ էր, Եւ աշխարհաբարին մէջ գրաբարամոլ ձեւերը, ասութիւնները նկատած էի գարշելի ցեխացայտումներ, որ արդի աշխարհիկ լեզուին հետզետէ զտուող մաքրութեան ու սահունութեան կը վնասեն: Այս էր ահա ըսել ուզածս:

15 Ապրիլ 1902
«Ար. Մամուլ», Էջ 386-392

1) Մեթոտի վրայ, էջ 156:

ՄԿՐՏԻՉ ԱՇԻՄԵԼՆ

Ասիկա՝ հասուն տարիքին սահմաններուն վրայ դեգերող աղուորուհի մըն է, ու զինքը ուշադրութեամբ դիտողը՝ չի կրնար առանց կանխորոշ կուրութեան ստանալ ստոյգ գեղեցկութիւն մը, որ աւելի թարշամած է քան աւրուած ու քայլայուած: Այդ գեղեցկութիւնը՝ աղուոր ու մխիթարող ենթադրութիւններ ընել կուտայ ի նպաստ հինաւուրց հարսին:

Մոտան յատկանշողներուն ու մօտան ներկայացնողներուն խճողակ երամին մէջ ուր, աւա՛զ, ինչպէս միշտ սովորութիւն է ըսել, շատ բան կորսուած է հինէն, առանց մխիթարական բան մը շահելու ի նպաստ նորին յաւակնութիւններուն, — ինքը, նախկին աղուորուհին եթէ ոչ այնքան իր համակրութեան, գէթ իր պատկառանքին անկիւնը ունի, որուն համար զոհ է, ինքը, գիտակից գոհունակութեամբ մը:

Երբեմն երբեմն, երբ նոր տանտիկիններուն յաւակնոտ անձարակութիւնները զինքը կը յուսահատեցնեն, անկեղծ ու արգարացի փառասիրութեան թափի մը մէջ, ամուր կզպուած հին գարակի մը բանալին կը դարձնէ: Մանրակրկիտ մարզու զգուշաւորութեամբ ու, պէրանքով մը, որ տակաւին, որ մի՛շտ այնքան կը վայլէ իր գեղակորոյս ամբողջութեան, Եւ, անհուն զուրդուրանքով մը, ուր մայրական բան մը կայ խանդադանող, կը բանայ գարակներ, քօղաղերծ կ'ընէ

թաքստոցներ, անոնցմէ դուրս բերելու համար իր պաշտելի մատիկներուն ճարտարութեան հմայքը, — մուցուած արուեստին հպարտութիւնը, — ձեռագործ մը, ժանեակի շերտ մը, տանք-էլ արմէնիկնի հինաւուց նրբին նմոյշ մը, — մասնիկ մը՝ որ իր մատուցներուն մէջ կեանք առած ու ապրած է: Իր շուրջը գտնուողները զարմանքի ու հիացումի անակնկալ մը կ'ունենան: Իրա՞ւ: Ի՞նչպէս կարելի է ուրեմն: Ու ինքը, եթէ ոչ յաւակնութեամբ, գէթ խրոխտ շնորհով մը, որուն իրաւունքը իրն է, գիտակցօրէն կը հպարտանայ իր յաղթանակին համար:

Մէկ բան միայն, — եւ, աւաղ, ասիկա կեանքի օրէնքն է, — կը տհաճեցնէ նրանաշակ հանդիսատեսը, — նուրիական սնտուկին կափարիչը՝ տեղի կուտայ կծու բուրմունքի մը, զոր դարակները կ'արտաշնչեն, — հոտ մը՝ որ այնքան անդիմակրելիօրէն յատկանշական է: Մղումի, բորբոսի, հնութեան հոտն է անիկա, հոտը երկար ատեն կղպուած, երկար ատեն գոց պահուած բաներուն, որոնք, ո՞վ դժբախտութիւն, լոյսի կեանքին զրկման դաշկութիւնն ու կենսազրաւումն ունին կարծես, — այնքա՞ն տխուր ու հատած է իրենց երանքն ու երեւոյթը: Ու, հանդիսատեսը, որ միեւնոյն ատեն ճաշակագէտ մըն է եւ ինիէ մը, չի կրնար ստանալ բոլոր արժէքը այդ հնօրեայ ձեռակերտներուն, որոնց կեանք տուող մատները, չօժտուած չեն կրնար եղած ըլլալ արուեստագէտի յատկութիւններով: Եւ, հոտը, կծու հոտը, որ շատերուն պիտի բացարձակապէս նողկանք պատճառէր, իրեն համար տեսակ մը ախորժ ալ ունի, — ախորժը հնախօսական վաւերանիւթի մը, զոր եթէ ոչ կ'ըմբուշնէ, այլ գէթ կը հասկայ ու կը ճաշակէ: Այդ ձեռակերտները, իրաւ, հինաւուց են, բայց բոլորովին հինցած չեն, մեռած չեն, — իրենց

մէջ կեանքի մասնիկ մը կը բաբախէ դեռ:

Մկրտիչ Աճէմեան, հին սերունդին միակ բանաստեղծը որ կ'ապրի դեռ ու կը գրէ, այս տպաւորութիւնը կը ձգէ վրաս:

Բայց ասոնցմով չեն վերջնար իր յատկանիշները:

Մկրտիչ Աճէմեան ունի մասնաւորութիւն մը՝ որ իր արժանիքներուն ամենէն աննշանը չէ ապահովաբար: Եթէ Աճէմեան մէր ժամանակին ամենէն մեծ բանաստեղծը չէ, մեր ժամանակին ամենէն զուտ բանաստեղծն է անիկա առանց տարակոյսի: Կշռութեան ու ներդաշնակութեան պաշտամունքը, մուսաներու լեզուին սէրը, ոչ ոք իրեն չափ զուտ, անխառն խանդավառութեամբ մը կ'ենթագրեմ որ հետապնդած ըլլայ, վասն զի Աճէմեան այն տաղաչափողն է, որմէ տող մը արձակ չենք ճանչնար գէթ մենք, նորերս, եւ իր ստորագրութեան՝ համաշափ կամ կշռաւոր գիծերու ներքեւ միայն հանդիպելու վարժութիւնն ունինք: Վասն զի մեղի համար գրեթէ պատմական իսկ չպիտի ըլլայ այն իրողութիւնը թէ, «այն ժամանակն ուր հայ թատրոնը կը ծաղկէր, Աճէմեան թէրզեանի եւ Թղթեանի հետ թատրերգակ ալ եղած ըլլայ, թարզմանելով Շիլէրի Աւազկները եւ հեղինակելով կատակերգութիւն մը, Մեր սիրահարը, որու ձեռագիրն ալ կորսուած է այսօր:» 1) Եւ եթէ բաղդատութիւնները կը սիրէք, պիտի ըսէի թէ, այս վերջին տեսակէտէն, Աճէմեան հայերու Լէռն Տիէռքն է, զուտ, քրու բանաստեղծը, որ տող մը արձակի անհամաշափութիւնով չէ ընդմիջած իր կշռութիւններն ու ներդաշնակութիւնները:

Եթէ բաղդատութեան ու դասակարգութեան սէրը առաջ տանէինք, պիտի կընայի ըսել նաեւ թէ

1) «Մասիս», 1 Օգոստ. 1902, Հրանտ Ասատրւը:

Մկրտիչ Աճէմեան խառնուրդ մըն է ոռմանթիկի ու
բառասիէնի : Ըստս ընդլայնելէ առաջ պէտք է փա-
կագեմ թէ այս տեսակ օտար պիտակներ (étiquette)
շատ դիւրութեամբ կարելի էր գտնել մեր Պոլսահայ
գրողներու մեծ մասին համար : Հիմա ինդիր չպիտի
ընէի թէ այս պարագային մէջ բարի՞ք մը կայ մեր
գրականութեան համար, թէ անիկա ստուանքն է ա-
նոր : Կ'ուղէի միայն ստորագծել թէ, Ֆրանսական
գրելակերպերուն ու գրական դպրոցներուն ուղղակի
աղդեցութիւնը՝ այնքա՞ն հզորապէս դրոշմուած է մեր
գրական մարդերուն տաղանդին վրայ :

Մկրտիչ Աճէմեան՝ ոռմանթիք է իր նկարագրական
եւ իմաստասիրական ոտանաւորներուն մէջ : Առաջին-
ները կ'ուրուագծուին տարտամ երանդները եւ անորոշ
շրջագիծերը նախընտրող վրձինի մը քմահաճոյքին
համար : Մանրակրկիտին, կենդանի իրականութեան
զգացումը (sens) չկայ հոն: Պատկերները՝ միշտ աւե-
լի զգացումներով քան զգացողութիւններով կ'անդրա-
դառնան ու կը թարգմանուին: Թերեւս ասիկա՝ մէկն
է ոռմանթիզմի ընդհանուր յատկանիներէն: Պատկե-
րը՝ որ կ'անդրադառնայ աչքի ցանցենիին վրայ, հոն
չի լուսանկարուիր՝ թարգմանուելու համար գոյներով
ու գիծերով, այլ կը կերպարանափոխուի յուզումի մը,
զգացման մը: Անոր համար է որ Մկրտիչ Աճէմեան,
զուրկ իրականին զգացումէն, միշտ անյաջող եղած է
իր այն ոտանաւորներուն մէջ, ուր փորձած է Քօփէի
մը կեանքոտ վրձինը գործածել, առօրեայ կեանքին
շրջանակին մէջ գլորուող ու տողանցող պատկերնե-
րուն վրայ :

Իր իմաստասիրութիւնը՝ իմաստասիրութիւնն է
ոռմանթիքներու մեծ մասին: Անիկա՝ ընդհանրապէս
տարտամօրէն հոգեպաշտ տրամադրութիւններ՝ առկախ

կը ձգէ իմաստասիրական կասկածին առջեւ: Զի նշա-
նակեր թէ հեղնօրէն սկեպտիկ ըլլայ այս իմաստասի-
րութիւնը: Անիկա մանաւանդ վարանոտ է եւ կը կաս-
կածի .

Ո՛չ, մի՛ հարցնելք քէ ես ինչ խորիիմ,

Գըրիչն իմ սրբուս չէ հաւատարիմ.

Ա՛յլ է տեսակէտն իմ եւ ձերն է այլ.

Մուլք քուի ձեզ հոն ուր ես տեսնեմ փայլ:

Շուարում մը կայ հոն, յանդգնութեան վախը կայ
հոն, որ սկոփանք կը փնտոէ խարխափանքին մէջ:

Առ Գրիգոր էֆ. Օտեան ուղղուած գեղեցիկ ոտա-
նաւորի մը մէջ, Ո՞ւր երթան հոգիք, Աճէմեանի մտքի
այս վիճակը ցայտուն կերպով երեւան կուգայ:

Մեր հորիզոնէն այսպէս մեկնեցար,

Եւ երկրայութեան զիս պատեն խաւար.

Թէ քու հետ տանիս դու մահուան գաղտնիք
Ո՞վ ինձ մեկնէ քէ ո՞ւր երթան հոգիք...:

Ո՞ւր երթան հոգիք... իբրեւ ծաղկանց բոյր
Միքէ կը ցրուի՞ն... իբրեւ մեղմ համբոյր
իբրեւ երգ քուցիկ կը մարի՞ն միքէ.
Ճապա ո՞ւր երթան հոգիք...

Ո՞վ գիտէ:

Բայց իր կեանքի ըմբռնումը, իր աշխարհահայե-
ցողութիւնը, — եթէ թոյլ կուտայիք գործածել այս
բարբարոս եւ տգեղ բառը, — տրամաբանական հետե-
ւութիւնը չի թուիր ըլլալ այդ կասկածոտ իմաստա-
սիրութեան: Իրական կեանքին արդի պայմաններուն
դառն հասկացողութեան մէջ, որ զինքը տեսակ մը հա-
մակերպող հեգնանքով կը լեցնէ, անիկա կը պահէ նո-

թէն կերպ մը յարաբերական լաւատեսութիւն՝ որ կազդուրիչ ու դովացուցիչ է լալկան ու մահարաղձիկ բանաստեղծներու գուշական կաղկանձիւններուն մէջ։ Հոն, այդ լաւատեսութեան խորը, փորձառու մարդը կայ, որ աշխարհը կը դատէ ո՛չ թէ իմաստասիրական դրութեան բարոյական եղրակացութիւններուն համեմատ, — որոնք աւելի կամ նուազ միշտ կամայական են, — այլ իր համեստ եսին կողմանկիւնէն, անձնական տրամադրութիւններու անձուկ՝ այլ սրտապնդող տեսակէտէ մը։

Աշխարհիկ ու ապրած մարդու, սակաւապետ ու երջանիկ նահապետի հայրական բան մը կայ Օղիին, Սիկարին, Յետ յիսուն ձմբանին մէջ։

Յետ յիսուն ձմբան՝ չունիմ ստացուած,
Ոչ տուն՝ ոչ հիւղիկ յարդէ ծածկուած,
Բայց փոփոխ բախտին պարգեներ խարդախ
Արհամարհելով երգեմ միշտ ուրախ։

Յետ յիսուն ձմբան՝ դեռ ծովեր ու սար,
Արտեր ոսկեվարս, դաշտ, հովիտ դալար
Դիտեմ ընդ երկար, վայելեմ լըռիկ,
Եւ այս շատ իսկ է սրտիս իմ փոքրիկ։

Յետ յիսուն ձմբան՝ տակաւին կայտառ
Շրջիմ հետիոտս ի ձոր եւ յանտառ,
Եւ ոչ նախանձիմ հարստին երբեք
Որ նոխ կառքին մէջ երթայ ցաւաքեկ։

Յետ յիսուն ձմբան՝ պատերն են անզարդ
Համեստ սենեկիս, բայց երբ լոյս զուարք
Ներս կը քափանցէ, ցոյց տայ ինձ պատկեր
Սիրուն գաւակացս՝ իմ միակ գանձեր։

Յետ յիսուն ձմբան՝ չունիմ ստացուած,
Ոչ մի քիզ պարտէզ, բայց գիտես Աստուած,
Թու ոչ շրբներէս քուած է գանգատ.
Թող միշտ երջանիկ բայց լինիմ աղքատ։

Յետ յիսուն ձմբան՝ ո՛չ Տէր, ինձ մի՛ տար
Ոչ փառք մուրացիկ, ոչ սիրտ վշտահար,
Այլ տուր ինձ նարել հայիկ անխարդախ
Եւ տուր ինձ երգել միշտ զոհ եւ ուրախ։

Զէ՞ք զգար թէ այս տողերուն մէջ երջանիկ ու
կազդուրիչ բան մը կայ, որ կ'սփոփէ ու կը դովացնէ։
Ու այսօր ալ, «յետ վաթսուն ձմբան» նորէն, բանաստեղծը իր նախկին տրամադրութիւնները չէ փոխած
բնաւ, անցամագելի լաւատեսութեան մէջ շարունակելով տարփողել կեանքին սէրն ու ուրախութիւնը։

Երբ ետիս դառնամ՝ անցեալը դիսեմ
Կեանքի առեղծուածն կանգնի ինձի դէմ,
Տիեզերական անհուն անըսպան
Կեանքին մէջ՝ մարդուն կեանքն է մէկ պատառ։
Անծայր ծովուն մէջ հազիւ մէկ կաթիլ,
Ու կը հարցնեմ քէ կ'արժէ՞ ապրիլ։
Ո՞հ կեանքն անուշ է ու յանախ լեղի,
Վճիտ վտակն ալ փոխուի հեղեղի,
Տառապանք, վայելք, դառնութիւն, հանոյք
Զիրաք, հալածեն կամ ընթանան զոյգ։
Ու քէ որ ննչէ զիս կեանքին պայքար
Ծըռիմ եղեգին պէս գլուխս տկար
Ու մըրիկն անոր զիս ոչ կ'արգելու
Հոգւոյս գոտումներն անխռով երգելու,
Երբ զերմ համբուրեմ վարդին լանջ գնչուշ,
Ինչ փոյք քէ շրբունիս արխին տուր փուշ։

Խեղճ փիլիսոփայք ի զուր կը յոգնիք,
Կեանքը կը լուծուի՝ բայց ոչ իր գաղտնիք.
Առեղծուած կեանքի՞ն թէ մահուան անզուք,
Ըսէք ինձ, ո՞րն է շատ աւելի մուք,
Կեանքը սերտեցի, հեշտ ու փշու է,
Խակ մահը ... գիշե՞ր թէ առաւօտ է:
Դրամին մէջ կը ցայտէ հեղնութիւնը հանդարտա-
րարոյ՝ այլ արդարամիտ մարդուն, կծու, խայթիչ,
այլ առանց բարկութեան ու կիրքի, տեսակ մը ընկ-
ճուած համակերպութեամբ՝ նուիրագործելով տիսուր
իրողութիւնները՝ զոր հաստատելու դառն ու դժնդակ
պարտաւորութիւնն ունի:

Հարկ չէ միշտ լինել խոհուն գիտնական,
Յանախ նա որ է տգէտ աննշան՝
Ակադեմիայի ընտրուի անդամ

Եթէ ունի դրամ :

Զարմանալի են օրէնք աշխարհի,
Կարծեն թէ նարտար խօսի եւ խորհի
Նա որ իրօֆ է ապուշ եւ անհամ,

Եթէ ունի դրամ :

Ընկերակցութեանց մէջ բազմի վերին բարձ,
Երկնից մէջ նաեւ յուսայ առնուլ վարձ՝
Երբեմբն նա իսկ որ է անըգամ

Եթէ ունի դրամ :

Ի՞նչ փոյք եթէ կաղ ըլլայ կամ քոստ,
Թէ համբոյք նորս բուրեն զազիք հոտ,
Տօնեն զնա միշտ հէգ կանանց երամ

Եթէ ունի դրամ :

Նա որ ունակոյն առնէ գիւր պատիւ,
Եւ ծաղրէ ամէն զգացմունք ազնիւ,
Նա եւս ստանայ փառք եւ բարեկամ

Եթէ ունի դրամ :

Իրաւունք գտնայ միշտ լեցուն գրպան,
Եւ առանց խղնի կուտայ տէր-պապան
Չորս կին մէկ մարդուն, ես կը հաւատամ,
Եթէ ունի դրամ :

Ու պարզապէս տեսակ մը պաշտամունքով կ'ար-
տատպեմ սա տողերը՝ որոնց մաքուր յօրինուածքը,
աշխուժ գրուածքն՝ ու դալար թարմութիւնը՝ երբեք
հակասութիւն մը չեն ծերունի բանաստեղծին մշտանո-
րոգ հոգիին մէջ.

ԱՊՐԻԼ

Գարնան դռնէն՝ անհամբեր

Ապրիլ նայի դէս ու դէն.

Զիւներ հալեր ու ամպեր

Զմրան փախեր են արդէն :

Գարնան դռնէն՝ պչրելով

Ապրիլ ժայտի դէս ու դէն,

Հաշտ ու կապոյտ ծփայ ծով

Լեռներ, ձորեր կ'ըլլան շէն:

Գարնան դռնէն՝ ոսկեցոյ

Լոյսեր զեղուն զերդ տարափ,

Ապրիլ չորս դին ափու խօլ՝

Վարդի խուրակեր լեցուն ափ :

Գարնան դռնէն խնկաւէտ

Հովեր փչեն մեղմօրօր,

Ապրիլ նորեկ թոշնոց հետ

Մեզ կ'աւետ ուրախ օր :

Ապրիլ, ծաղկունքդ այդ նախշուն՝

Որո՞ւ շոայլես այդ շողեր՝

Տե՛ս, ալեւոր իմ զլխուն

Բաղդը ցանեց դառն հոգեր :

Ծաղիկներուդ տակ փունջ փունջ
Յիշատակներ ունիմ տխուր,
Ու այդ հովիկ հեզաշունչ
Արծարծէ իմ սրտիս հուր :

Խամբած հոգւոյս մէջ՝ Ապրիլ,
Ալ չես կրնար դնել ոչ,
Անուշ բոյրէդ մէկ կաքիլ՝
Վարդերէդ մէկ ծիլ բռղբոց :

Վերջին տողերուն անհուն մելամաղձութիւնն իսկ
իրեն մէջ ունի տեսակ մը շեշտ՝ որ շեշտը չէ բնաւ
զզուանքին ու յափրանքին, այլ շեշտը՝ կեանքի վեր-
ջին անքոյթ հանգրուաններուն մէջ իր յողնութիւնը
առնող գոհունակ ծերունին, որ երիտասարդութեան
օրերուն կարմիր կարօտովը կ'ուռի:

Եթէ որ եւ է զրող իր մտագրութիւններուն ու իր
յաւակնութիւններուն համեմատ միայն հարկ ըլլար
դատել, ապահովապէս կարելի պիտի ըլլար ըսել Մկր-
տիչ Աճէմեանին համար թէ մեր ժամանակին լաւա-
գոյն բանաստեղծն է անիկա, համեստ երազներուն ու
ժուժկալ քնարերգութեան մը բոյնը:

Այս տեսակէտէն, մեր աչքին պէտք չէ զարնեն իր
մինչեւ այսօր գործածած հայերէնը՝ իր կղպուած պա-
հարանի թթու հոտովը։ Ու քննադատութիւն մը չենք
ըներ իրեն իր ոտանաւորին ալ միօրինակ յօրինուածու-
թիւնը, որ կը յատկանշուի տասը ոտքով ու զոյդ յան-
գերու անընդմիջական համապատասխանութեամբ։ Այս
համեստ երդիչը՝ բազմաթիւ լարերուն ու բազմահա-
զադ շեշտերուն խիզախութենէն խուսափած է միշտ,
իր միօրինակ կշուռութիւնը պատշաճեցնելով իր այլա-
զան յուղմունքներուն։

Նորէն, համարձակէի՞ արդեօք իրեն մեղադրանք
մը ընել տաղաչափական օրէնքի տղիտութիւն մը, որ
մինակ իրեն չի վերագրուիր, եւ որուն ստգուանքին
ենթարկուած է նաեւ երբեմն՝ Պոտէոի նման խղճամիտ
արուեստագէտ մը։ Աճէմեան սխալ հնչեակ (sonnet)
գրող մըն է։

Ապահովաբար ձեւը չէ որ իր տաղանգը կը չինէ։
Հնչեակի մը երկու քառեակներուն նոյնայանդութենէն
չի բղխիր բանաստեղծական յուղմունքը։ Ճիշդ այս
պատճառով է որ, Ալփասլան, ճարտար ու անստգիւտ
տաղաչափողը, մեծահարուստ յանգաբանը, միջակ
բանաստեղծ մըն է Աճէմեանին քով։

Բոլոր ինդիրը սա՛ է թէ, հնչեակը, ոտանաւորի
վճռուած ձեւ մըն է, եւ անոր համեմատ գրուած ատեն
միայն այդ անունը կրնայ կրել, ինչպէս բանքումը,
քերձանիման, ոօնտէլը եւն։ Պղտիկ թերութիւն մը՝
ոտանաւորի այդ նուեիրագործուած ձեւերը զրկած կ'ըլ-
լայ իրենց անունէն, երեւան բերելով տաղաչափողին
անձարակութիւնը կամ տղիտութիւնը, — եւ այդչափ
միայն։

Աճէմեանի համար փորձուած դիմաստուերի մը
վերջին վրձինի հարուածը՝ աս չէր կրնար ըլլալ սա-
կայն։ Մեր ժամանակին մէջ, ուր շատ են բանաստեղծ-
ներն ու շա՛տ քիչ՝ իրական տաղանդները, միսիթարա-
կան է որ այս ճշմարիտ բանաստեղծը երբեմն բանայ
իր հնօրեայ գարակները, անոնցմէ գուրս քաշելու եւ
մեր հիացումին ու վակելքին նուիրելու համար՝ իր
ձեռագործներէն մէկը, որ եթէ երբեմն ըլլա՛յ իսկ նո-
րագուրկ ու հնարոյր մտքի արդուզարդ մը, այլ յաճախ
գանձ մը ու գոհար մըն է։

1 Յունիս 1902 «Արեւ. Մամուլ» էջ 497 – 504։

ՅՈՎՀԵԱՆՆԵՍ ԳԱԶԱՆՁԵԱՆ

Յովհաննէս Գազանձեան գաւառացի գրագէտ մըն է : Հիմակէն չէ՞ք գուշակեր բոլոր այն միամտօրէն ողորմելի հեղնութեան ժպիտները՝ որ պիտի ուրուագծուին ընթերցողներու մէկ մապին քթին շուրջը — գոհունակ արհամարհանքի նուրբ ժպիտներ, ծաղկանկարչական դիմածուումի ուրուագիծներ, որ այնքան երջանիկ պիտի ընեն զիրենք, որքան ատոնց շարժասիթը եղած պիտի ըլլայ ոճրական ու վտանգաւոր անհասկացողութիւն մը, դէպի ողին տոհմային լուրջ գրականութեան :

Անձկամիտ ընթերցողին երջանկութիւնը խանդարելու եւ իր անիմաստ դիմածուումին մէջ զինքը անդրթօրէն անհանգիստ ընելու դիտաւորութիւն չունիմ : Բայց պիտի ըսեմ թէ՝ Գազանձեան ալ ինքնիրեն բուսածներէն է : Վարժարանական փայլուն շրջանի մը յիշատակները չեն սփոփեր զինքը, իր յամառ ու տաժանելի տքնութիւններուն մէջ, եւ չողշողուն վկայականներու ամոքումը կը պակսի իր ինքնաշխատութեամբ ու հազար գժուարութիւններով երեւան եկած գրողի յաճախաղէպ զառնութիւններուն : Ուրեմն ինքն ալ մէկն է այն անանուն ծաղիկներէն՝ որոնք անջրդի ժայռի մը կողին վրայ կը բուսնին, գժուարաւ դուրս գալով քարերու բացուածքներէն, եւ արեւին հայրական խանդալատանքին տակ, օրին մէկը իրենց բովան-

դակ ուժն ու կենսունակութիւնը կ'զգացնեն առոյդ ու ջերմ բողբոջումով մը՝ որ այնքան ուժգնօրէն կ'ընդդիմադրէ ջերմանոցներու կեղծ մթնոլորտին մէջ ու պարտիզպանի ախտավարակ խնամքներուն ներքեւ հասնող ծաղիկներուն հիւանդ գեղեցկութեան :

Իր արժանիքին ստորոգելիները թուելէ առաջ, զինքը կը ներկայացնեմ կարեւոր անդամներէն մէկը այն փոքրաթիւ՝ այլ յամաորէն կամքոտ խումբին՝ որ բարի պայքարը կը շարունակէ մղել ընդդէմ պուսհայ օտարացած ու կեղծաւոր մտքին՝ ի նպաստ վաղուան հայ գրականութեան ցեղայնութեան եւ ինքնուրոյնութեան առողջ ու կենսունակ գաղափարին :

Իր յօդուածները՝ մտածուած, սերտուած ու լուրջ գաղափարներու գեղեցիկ ընդլայնումներ են, եւ անոնք որ հետաքրքրութիւնը ունենան օր մը մեր մէջ մտաւորական ժամանակակից հոսանքներուն ուսումնամիրութեան ճեռնարկելու, օգտակար վաւերանիւթեր պիտի գտնեն Գազանձեանի գրութիւններուն մէջ :

Արդեօք ինդի՞ր է թէ այսօրուընէ վաղը անմիջապէս պիտի իրագործուին Գազանձեանին եւ իր համախոներուն ծրադիրները : Արդեօք ինդի՞ր է թէ դաշափարի մը կարեւորութիւնը՝ տրամաբանական է որ համեմատական նկատուի այն մօտաւորութեան կամ հեռաւորութեան՝ զոր անիկա ունենալ կը թուի հաւանական իրադործումին հետ : Գազափարը, իր կարեւորութեան մէջ, անկախ չէ՞ միթէ անմիջական օգտակարութեան անձուկ նկատողութենէն : Շատեր՝ հակառակ կերպով կը գատեն գաւառական գրականութեան պարագան, փաստաբանելով անոր կանխահասութիւնը : Երբ այսօրուանը կայ, կ'ըսեն, իր բովանդակ խեղճութեան մէջ, վաղուանին վրայ մտածել՝ գործնական

մտքի յայտնի պակաս է : Այլ ի՞նչ բան ճշդիւ պիտի հարկադրէր վաղուան գրականութեան գաղափարող-ները՝ եթէ ոչ իսկ եւ իսկ այսօրուանին անբաւականութիւնն ու ողորմելի նկարագիրը : Բոլոր առարկութիւնը բառերու աղուոր կատակ մըն է, անհիմն ու անտանելի : Ուրեմն այսպէս խորհողները աւելի նպաստաւոր են գաղափարին քան Պէրպէրեան էֆ . որ հիմնապէս կը մերժէ թէ ապագայ հայ գրականութիւն մը, վաղուան գրականութիւնը, կրնայ պոլսականէն աւելի տոհմային ըլլալ, կամ թէ գաւառական գրականութիւնը՝ ընդունակութիւններ ունի վաղուան ճշմարիտ հայ գրականութիւնը դառնալու : Առաջինները մանաւանդ կ'ըսեն թէ պոլսականէն անկախ գաւառական միտք մը առ այժմ չի կրնար գոյութիւն ունենալ, հետեւապէս պոլսինը կ'ուղղէ եւ հարկ է որ տակաւին երկար ատեն ուղղէ գաւառականը : Զէ՞ք զգար հոս հաւանութեան լոին հանդիսաւորութիւնը :

Այլ ո՛չ Պէրպէրեան էֆ .ի վտանգը, ոչ ալ կանխահասութեան սարսափին տակ դողացողները իրենց մէջ բաւականաչափ ոյժ ունին դիմադրելու այն հոսանքին՝ որ կը զարդանայ հայ ժողովրդին կուրծքին տակ, տոհմային ինքնամփոփումի զգացման ձեւին ներքեւ, որ կը համակէ նոր սերունդը, իր կազդուրիչ ու ջղուտ տենդով, եւ որ պիտի տիրապետէ վաղուան գրականութեան ընդհանուր ողիին վրայ, պոլսահայ միտքը լուսանցքին մէջ ձգելով, եթէ անակնկալ հակաղդեցութիւններ չըլատեն թոփչքին աշխոյժն ու թափը :

Խնդացողները եւ ծաղրողները, ամբողջ խումբը չհասկցողներուն, բոլոր ապականած վոհմակը խառնածիններուն, երկակենցաղներուն ու իրենց տոհմայնութեան անարատ արիւնին մէջ այլասերածներուն, նահանջի եւ պարտութեան ամօթին տակ պիտի ընկճուին :

Գաղափարը՝ հաւասաքի մը անխորտակելի պատուանդանին վրայ բարձրացած է միտքերու մէջ : Գաղանձեանին ու իր ընկերներու արժանիքը պիտի մնայ իրենց ուժին նպաստը բերած ըլլալ անոր շուտափոյթ յաղթանակին :

Բայց Գաղանձեան դեռ բուն գաւառացի գրագէտը չէ, անիկա՝ որ իր հանճարին մէջ արտայայտութեան մասնիկ մը պիտի ըլլար իր ցեղի ոգիին : Գաղանձեան ուղղակի չի բաղդատուիր թլկատինցիին, — բուն գաւառացի տոհմային գրագէտին հետ : Բացի այն զանազան քննադատական յօդուածներէն, հէքեաթներէն, նոյն իսկ ոտանաւորներէն, որոնցմէ օգտուած են գրեթէ բոլոր օրադիրներն ու հանդէսները, Գաղանձեան իր արժանիքի տիտղոսը կը գտնէ մասնաճիւղի մը, բանասիրական լեզուաբանութեան մէջ, գիտութիւն մը՝ զոր ասպետական հանդիսաւորութեամբ ծաղրելու անհաւատալի քաջութիւնը գործեց Պոլսեցի աղմկալից գրեւ մը, Պ. Ենովք Արմէն :

Բայց ի՞նչ է այդ ըստ Պ. Ենովքի բարակցաւ գիտութիւնը՝ որ իր խստութիւնները կ'ընդդիմաղըէ նորելուկ զրագէտներու սանձարձակ եւ ազատասէր քմահաճոյքին :

«Բանասիրութիւնը, կ'ըսէ Ֆրէտէրիք Նիցչէ 1), ան յարդելի արուեստն է, որ ամէն բանէ առաջ իր հաւասարիմներուն վրայ պարտք կը գնէ մեկուսի մընալ, ժամանակին նուիրուիլ, լուս, յամը ըլլալ, — արուեստ մը ոսկերիչի, բառաձանաչի ուր բոլոր աշխատութիւնները փափուկ են ու մանբակրկիտ, ուր կարելի չէ ոչ մէկ բան յաջողցնել, եթէ ոչ յուշիկ,

1) *La philosophie de Nietzsche*, par H. Lichtenberger, F. Alcan, éditeur, p. 36.

յամրօրէն։ Այս պատճառով է նաեւ որ անիկա աւելի քան երեք պիտանի է այսօր։ այս պատճառով է որ անիկա զմեզ կը գերէ ու կը հրապուրէ այս «աշխատութեան», ըսել կ:ուղեմ անապարանքի, անպատեհ ու քրտնաթոր գահավիժման ժամանակին մէջ, որ կարելի եղածին չափ շուտով կ'ուղէ ամէն բան «կարձ կապել», ամէն բան գլխէն վանել, գիրքերն ալ, անոնք ըլլան հին կամ նոր։ Բանասիրութիւնը, անիկա երեք չի գիտեր կարձ կապել, խնդիրը ի՞նչ բանի վրայ որ ըլլայ, անիկա կը սորվեցնէ լաւ կարդալ, այսինքն յամրօրէն, խորապէս, ամէն կողմէն զդուշանալով կանխորոշ մտածումներէն շրջահայեցութեամբ վերաբերուելով ելքերու մասին, անիկա կը սորվեցնէ վերջապէս կարդալ փափուկ ձեռքով մը եւ փորձ աչքով մը»։

Հիմա տեսաք թէ բանասիրութեան դառն օշարակը՝ տկար ու հաճոյասէր քիմքերուն չպիտի կրնայ պատշաճիլ։ Այսօր հայ բանասիրութիւնն ալ պէտք է ազատագրուի չոր ու ցամաք հասկաքաղութիւններու սահմանագծումէն, եւ ըստ նիցչի, անիկա պէտք է ճոխանայ կամ լրանայ մանաւանդ իմաստասիրութեան ու արուեստի նպաստներովը։

Այսօր բաւականին չափ հում նիւթերու աշխատութեան եւ բնագիրներու եւ ձեռագիրներու բաղդատութեան գործը առաջ դացած բաներ են։ Ինծի կը թուի թէ այլեւս հնարաւոր է այս ցրուած ու ցրցքնուած տարրերով համադրել ու վերակազմել հայ ոգիին շիջելափառ անցեալը, իր անկումներուն ու բարձրացումներուն, իր քաղաքակրթութեան յարափոփոխ փուլերուն մէջ։ Այն ատենն է որ արդի հայը, առօրեայ խորթ աղդեցութիւններու մշտատեւ սպառնալիքին մէջ, ինքինքը պիտի ճանչնայ՝ ողեկոչուած անցեալին

ստուերուտ նշոյլներուն ընդմէջն, ու պիտի վերագտնէ հոն հարազատ բնազդները ցեղի ոգիին, պիտի լսէ հոն յուղող, ցնցող կոչը՝ ցեղին այնին։

Ահա՝ այն բանասիրութիւնը՝ որուն այլեւս իրօք պէտք ունինք, զոր փորձած են մասամբ իրադործել մէկ կամ երկու Ռուսահայ վիպասաններ, եւ զոր կը թուի ջատագովել Գաղանճեան իր ուսումնասիրութիւններով։

Գաղանճեան, բաց ի այն տեսակ ուսումնասիրութիւններէ, որոնցմով Շահինեանին եւ ուրիշ մէկ երկուքի հետ մատնանիշ ըրած է հայ ազգագրութեան, հայ բանասիրութեան, հայ հնագիտութեան կարեւորութիւնը, վաղուան գրականութեան գաղափարին իրագործման տեսակէտէն, աշխատասիրած է նաեւ Թռքատի գաւառաբարբառին ուսուվնասիրութիւնը, (Զայնաբանութիւն, Բառացուցակ, Առածներ, եւն.) Թրքահայերու մէջ առաջին անդամ փորձը տալով նմանօրինակ անհրապոյր՝ այլ օգտաշատ երկին։ Իզմիրեանց կտակին յանձնաժողովը, որուն գնահատման ներկայացած էր այս գործը, վերապահումով մը վարձատրեց զայն, — ինչ որ ամէն պարագայի մէջ Գաղանճեանի արժանիքին պաշտօնական նուիրագործման նշան մըն է։

Պոլսահայ – զաւառահայ գրական վէճը՝ իր ցաւալի թիւրիմացութիւններն ունի։ Գրականութեան մէջ երբ զաւառացիները լեզուի խնդիր յարուցին, շատեր, ու ամենէն յօժարամիտներէն կարծեցին թէ զաւառաբառներուն դերը կը հրաւիրուէր ոտնձգութիւններ ընելու՝ արդի Պոլսահայ աշխարհիկ լեզուին ձայնաբանական ու քերականական սահմաններուն վրայ։ Ռաւկիթ Խաչկոնց իր Բիւրակներովը երբեմն այդ սխալը նուիրագործելու նպաստեց, լեզուաբանական յայտնի

անզպուշութեամբ։ Գաւառաբարբառներու առանձին ու բաղդատական ուսումնասիրութիւնը ունենալով հանգերձ դիտական շատ բարձր նշանակութիւն, վաղուան գրականութեան գաղափարողները մտքերնուն չանցուցին բնաւ որ եւ է գաւառաբարբառ իր ձայնաբանութեան ու քերականութեան տեսակէտէն գրական լեզուի բարձրացնելու անխոհէմութիւնը գործել։ Գաղանձեան եւ իր ընկերները ըսին ու կը կրկնեն թէ, Պոլսահայ բարբառը, արդէն բարձրացած գրական լեզուի նույիրագործումին, ու իր նկարագրով ունենալով բազմակողմանի հանդիտութիւններ՝ քանի մը կարեւոր կենդանի գաւառաբարբառներու հետ, անպայման կերպով կը պահէ իր այդ դիրքը։ Բայց եթէ լեզուաբանօրէն անիկա այսօր զարդացած ու կանոնաւոր լեզու կրնայ համարուիլ, այլ սակայն, գրականութեան տեսակէտէն հասնելու համար բաղձացուած հարստութեան ու ընդարձակութեան, շատ պէտք ունի գաւառաբարբառներու բառամթերքին ու ոճին, որոնք իրբեւ հայ լեզուին հարազատ՝ այլ անտեսուած ստացուածքները, պիտի գային արդի աշխարհաբարին մէջ գրաւել իրենց համար բաց մնացած տեղերը, այնքա՞ն գեղեցկապէս ու օգտակարապէս հերքելով օտար լեզուներու բառարանին ու ոճին խաթարող ու այլասերող արշաւանքը։

Ուրեմն Գաղանձեան շատ իրաւամբ կը քննադատէ օրինակի համար թլկատինցիին ու Գեղամին լեզուները, երբ այս գաւառացի գրողները շատ անդամ իրենց բարբառին քերականութիւնը եւ հնչումները կը գործածեն, եւ գրուածքը խրթին ու անհասկնալի կը դարձնեն, մինչդեռ Զարդարեանին լմզուն, այս տեսակէտով, կրնայ անստգիւտ համարուիլ, նկատելով որ անիկա կը պահէ Պոլսահայ բարբառին քերականութիւնն ու ձայնաբանութիւնը, իր լեզուն ճոխացնելով միայն գաւա-

ռական գեղեցիկ բառերով, ոճերով, դարձուածքներով։ Գաղանձեանը, գաւառացի գրողներու խումբին այս յարգելի անդամը ներկայացուցած պահուս, դիտմամբ շատ զբաղեցայ քանի մը երկրորդական գիծերով, որոնք այնքան լաւ կը յատկանշեն տիրապետող նկարագիրը Գաղանձեանի մտաւորական ձգտումներուն։ Իբրև բարացուցիչ իր իսկ հոգեբանական խառնուածքին, պիտի աւելցնեմ թէ այս տղան, որ գաղափարներու ամենէն հրատապին ու ամենէն գրգոիչներէն մէկին պաշտպանութեան համար զինուորագրուած գտնուեցաւ, իր կոուողի դերին մէջ զգացումէ, կիրքէ, խանդավառութենէ աւելի գերակշորէն՝ հաշիւ, հեռատեսութիւն ու հնարք դնել դիտցաւ։ Զղային հանդարտութեան այն հազուագիւտ յատկութիւնը, հոգեբանական ձգտումներու այն հաւասարակշռութիւնը, որ զինքը այնքան կը մօտիկցնէ մտաւորական խառնւածքով՝ ուրիշ գաւառացի գրագէտի մը, Գ. Անդրէասեանին, չեմ գիտեր թէ տկարացուցած է իր մէջ գաղափարը, որ այնքան հաշիւ, լրջութիւն, որքան կիրք, տենդ, խանդավառութիւն կը պահանջէ, իր բովանդակ ուժգնութեան մէջ արտայայտութեան գալու համար։

Խնդիրը այն է թէ՝ Գաղանձեան աշխարհի ամենէն ազնիւ մարդն է, զոր երբեք ճանչցած լլլամ, եւ որուն սրտին ազնուութիւնը իր մտածումներուն անկեղծութեան եւ իր գաղափարներուն անկախութեան կրցած է զուգահեռաբար ընկերանալ, — պարագայ մը՝ որ իր մէկէ աւելի արժանիքներուն ամենէն պատիկը չպիտի եղած ըլլայ։

1 Օգոստոս 1902
«Արեւ. Մամուլ», էջ 731-736

ԳԻՐՔԵՐ ԵՒ ԴԵՄՔԵՐ

ԻՆՏՐԱ ԵՒ ԻՐ «ՆԵՐԱՇԽԱՐՀ»Ը

Գրողներ կան, որոնց տաղանդին անյաղթելի բացարձակութիւնն եւ մտքին անճողոպրելի հեղինակութիւնն ինքզինքնին հարկադիր կ'ընեն իրենց ժամանակին վրայ: Անտեղիտալի բոնակալութիւնն է ան հանճարին որուն առջեւ ստիպուած ենք խոնարհիլ: Ուրիշներ կան, հասարակ տաղանդները, դիւրին, բեղուն, աւելի կամ նուազ ճկոն, ու հետեւակ: Ծեծուած ճամբաներու վրայ երթեւեկող կառապաններ են ասոնք: Իրենց հետ հանգիստ ենք ու ապահով: Հասարակաց հաւանութիւնն ու վստահութիւնն անոնց հետ է, հասարակաց ծոյլ վստահութիւնը, որ կը վախնայ խոտորնակ ճամբաներէն, անընդունակ է տոկալու անոնց յոդնեցուցիչ հաճոյքին:

Կան նաեւ տարականոն տաղանդները: Հանճարին տիեզերականութիւնը չունին անոնք: Բայց մեկուսի ու վեր են հասարակ միտքերու ուամիկ սովորականութենէն: Արտուղի, կողմնակի, նորերեւոյթ ճիգեր են անոնք. մերթ, լաւագոյն պարագային, յոյժ շահեկան: Իրենց միակողմանիութիւնը, աւելի կամ նուազ անձուկ, աւելի կամ նուազ աղանդամոլ անհատապաշտութիւնը՝ հաճելի չէ ամենուն: Մանաւանդ թէ՝ հասա-

րակաց զայրոյթն ու հակակրութիւնը կը գրգոէ յաճախ: Սովորաբար, չենք սիրեր այս մարդիկը՝ որք նմանութեան եղբերը կը խանդարեն: Անհրաժեշտապէս կ'ուղենք որ մարդիկ իրարու նմանին: Ասիկա՝ հասարակաց մտքին տափակութեան զայրալիր խոստովանութիւնն է: Տարտամօրէն ու խուլօրէն կ'զգանք թէ ամենուն չնմանողներն իրենց վրայ բան մ'ունին՝ որ եթէ միշտ գերազանցութիւնը չէ՝ բայց ուշադրութիւն կը հրաւիրէ. մինչդեռ, սովորական դէմքերը, աւա՛ղ, երարու հետ կը շփոթուին: Հետեւաբար, այդ զարտուղի տաղանդներուն մօտենալու պատշաճագոյն եւ լաւագոյն եղանակը, առանց կանխորոշութեան, հանդարտօրէն, ու մանաւանդ համակրութեամբ հետաքրքրութիւն է անոնցմով: Առանց բարեմտութեան, առանց արուեստի աղատութեան սկզբունքին ընդունելութեան, եւ առանց տեսակ մը հոգեւոյ ճկունութեան, որ ընդունակ ըլլար բոլոր ճեւերուն հետ ճեւաւորուելու, այդ զարտուղի տաղանդներն անվիճելիօրէն մերժելի են: Համակրութիւնը լաւագոյն րévélateur ն է այդ զգայուն տախտակներուն (plaque sensilbe) վրայ պահուըտած անտեսանելի պատկերներուն յստակ յայտնումին:

Ներաշխարհի հեղինակը կը պատկանի գրադէտներու այս վերջին դասակարգին:

Տիրան Զրաքեան՝ խրոխտ, անհամբոյր, խստօրէն եսական միտք մ'է: Շատեր, որք տասնեակ տարիներէ ի վեր հետամուտ եղած են մեր գրական խլրտումին, թերեւս նոր լսեցին իր անունը: Այս անողոքելի դժուարապահանջը, իրեն համար պատույ ինդիր համարած է բոլորովին հեռու մնալ մեր արդի լրագրական գրականութենէն, ուր վերջին քանի մը տարուան միջոցին յայտնուող դէմքերը, առանց բացառութեան, թշուառութիւն ու ոչնչութիւն են միայն: Այս ոչ ոքի հանող

մարդը, կարծես անապատի մը մէջ մինակ գտնելով
ինքինքը, միսիթարուելու համար, կամ իր ձանձրոյթը
փարատելու համար, խոշորացոյց հայելիի մը մէջ կը
նայի մերժ: Խսկատիպ խառնուածք մ'է ինքը, անվիճե-
լի կերպով: Իր կերպասը՝ սովորական կերպաս մը չէ:
Բայց խսկատպութեան բնազդն իրեն մէջ գիտակցու-
թեան բարձրացած վիճակ մ'է: Գիտակցութեան գերա-
կչու աճումը կը վնասէ արուեստի գործին: Անդին
Թղկատինցին, բուն խսկատիպ գրողն է, ինքնաբուխ,
բնական: Մինչդեռ, խսկատպութիւնը, գիտակցութեան
բարձրացած, այլեւս հոգ մը եւ յաւակնութիւն մ'է:
Ուրիշներուն ըրածը շատ ողորմելի բան մ'է. ուրիշնե-
րուն ըրածը պէտք է ընել: Որովհետեւ, հարկ է ջնջել
ուրիշներուն հետ հասարակաց ամէն եղը, եւ ստեղծել,
նոյն իսկ, նոր լեզու մը, նոր քերականութիւն մը:
Այսպէս ըրած չէ՞ Նարեկացին, այսպէս ըրած չէ՞ Տէ-
միրճիպաշեան. այսպէս ըրած չէ՞ Մալլառմէ: Զրաք-
եան՝ անհունօրէն կը գերազանցէ զանոնք: Իր այլա-
մերժ, ինքնաբաւ, գոռող անհատականութիւնը կը թուի
ունենալ ուզրւած մաս մը, որ թերեւս չափը կ'անցընէ:
Եւ գուցէ այդ է պատճառն որ, իր տաղանդը հանդուր-
ժելի չի հանդիսանար ծայրէ ծայր: Խաղարարութեան
բաժին մը կասկածելի կ'ըլլայ հոն: Վասն զի ի՞նչ ան-
թարգմանելի բան բացատրելու համար պիտի կրնային
յօրինուիլ քմածին կազմութեամբ ածանցումներ ու
բարդութիւններ՝ որոնց ճիշտ ու կանոնաւոր հոմանիշ-
ները գոյութիւն ունին, արդէն, եւ մանաւանդ, ի՞նչ
բանաւոր պէտքի գոհացում տալու անհրաժեշտու-
թեամբ, այլանդակօրէն եւ կամայականօրէն ձեւագեղծ
կ'ըլլան կարդ մը բառեր, օրինակ, մտատանջ — մտանջ,
նարտարարուեստ — նարտարուեստ, մարդադաւ —
մարդաւ, լուսասփիւր — լուսափիւր եւն. ինչպէս շատ

իրաւամբ դիտած է Պէրպէրեան էֆ. իր գեղեցիկ յա-
ւաջարանին մէջ, — սքանչելիք մը նրբութեան, հեղ-
նութեան, փափկութեան ու փաղաքչոտ անկեղծութեան:

Հասարակաց եղբերու ջնջման մէջ լեզուն ունի,
մաշակի տէր եւ լուրջ մարդուն համար, տեսակ մը նը-
ւիրականութիւն, զոր չենք կրնար պղծել առանց մեծա-
մտութեան, կամ առանց տղիտութեան: Լեզուական
խսկատպութիւնը մանաւանդ արտառոցութիւն մ'է: Խս-
կատիպ է Թղկատինցին. խսկատիպ է Սրուանձտեանց:
Բայց շինծու չէ իրենց լեզուն: Դասական լեզուն իսկ
կարող է խսկատիպ խառնուածք մը լիովին թարգմա-
նել: Հարիւրաւոր օրինակներ կարելի է մէջ բերել օտար
մատենագրութիւններէ: Անշուշտ, կենդանի լեզուն չէ
սառեր վերջնական կաղապարումի մը մէջ: Ասիկա նկա-
րագիրն է մեռած լեզուներուն: Կենդանի լեզուն կը
փոխուի, կը շրջուի, անշուշտ, քանի որ կ'ապրի: Բայց
այս պարագան չի կրնար շփոթուիլ բնաւ, շինծու,
բռնածիգ ու փախուկ լեզուական յանդգնութիւններուն
հետ:

Ներաշխարիը, Զրաքեանի նորատիպ գործը, հոգիի
մը պատմութենէն՝ բացառիկ կերպով տպաւորուած
վայրկեաններու նկարագրութիւն մ'է, բանաստեղծա-
շունչ, քնարական յուզումով թրթուն: Ներաշխարիը
փոթորիկ մ'է. փոթորիկի մը անկարդ, զանազանակ եւ
ընդդիմակ երեւոյթներուն հանդիսարանը: Թոթովում
մը եւ զառանցանք մ'է ան. զգայապատրանական նոպա-
յի մը ուժգին զարկը: Յորձանապտոյտ միգամածի մը
պակուցիչ սաստիութիւնը, ցնորաբեր շփոթն ու զդա-
գալար ուժգնութիւնը կայ հոն: Ներաշխարիը տեսիւը-
ներու դիւթական հանդիսարանն է, մթնչաղին տարտամ
ոսկեզօծման մէջ խլոտացող հմայիչ տեսիլքներուն տո-
ղանցումը: Իրականին ու գաղափարականին տարօրի-

նակ չփոթումն է ան, նիւթին տեսլակերպ անվերջ ա-նօսրացումը, գաղափարացումը։ Հոն ամէն պատկեր, ամէն իր՝ խորհրդանշանական եւ ներքսածական կեր-պարանափոխում մ'է, եւ ներածածուկ իմաստի մթին հոծութիւն մը կ'արտաշնչէ։ Այլատարը, հակառակաբը-բնոյթ իրերու եւ իրողութիւններու մոդական, բնազան-ցական միաւորման ջանքը, համագոյից ներքին ու գաղտնի առնչութիւններուն միաւորիչ ընդելուզման յանդուդն խուզարկութիւնն է Ներաշխարիը։

Պատկերները, գէպքերը, երազային ու տեսլական պատկերներ են, անկապ, անշըջադիծ։ Արդէն, զգայա-րանօրէն ըմբռնելի աշխարհին երեւութական ստուգու-թիւնը չի գոհացներ, վիճելի կամ տարակումելի ըլ-լալով։ Եւ, ճշմարտութիւնը, վերջնական, իսկական, «ներէական» ճշմարտութիւնն այլուրին կամ «անաշ-խարհային» ոլորտին մէջ փնտոելու տենչը՝ այլեւս մո-լութիւն մը հիւանդութիւն մ'է, մինչդեռ հոս, մարդ-կութիւնը, իր խոհանոցային աշխարհայեցողութեան մէջ, աւա՛ղ, այնքա՛ն ողորմելի է, այնքա՛ն թշուառ։

Եւ զայրագին, կնճռոտ նրբամոլութեամք մը, հոն կը վերլուծուի ամէն բան. անվերջ տրոհում մը, կո-տորակում մը, գէպի հիւէական, նախատարային ալ-քիմիական կաղմութիւնը մարդուն եւ տիեզերքին։ Ան-կէց վերջը, նիրվանան է. ոչ թէ անէութիւնը, այլ «հանրէութիւնը» մանաւանդ, ուր ամէն ինչ այլ եւս իրարու հետ կը չփոթուի։ Խաբուսիկ մասնաւորմանց այս ժխտումն ու զգուանքը, եւ «հանրէական» հալումին այս փափաքն ո՛րքան տրամաբանական ու ցանկալի կը դարձնէ մահը, որուն կը տենչայ արդէն բանաստեղծը հոդեւին, նոյնանալու համար մեծ ամբողջին հետ։

Ասոնք նոր ճշմարտազանցութիւններ չեն. բայց միշտ շահեկան են։ Ներաշխարին անկախ, զարտուղի,

բուռն անհատականութեան մը ծառացումն է ահա, ընդդէմ սովորական, անմիջականօրէն իրական աշխար-հին ու իր պայմաններուն։

Ներաշխարիը միայն այս չէ սակայն։ Յոռետես մտածողին քով, որ իր պատրանքները, ցաւերն ու զգուանքները կ'ըսէ տեսակ մը չնական բուռն միամտու-թեամբ, որ իր բաղձանքները կը բանաձեւէ հաւատա-ցողի մը ոգիով, հոն է նաեւ բանաստեղծը, քնարեր-գուն ու արուեստագէտը։ Բայց հոս, ինչպէս այլուր, ոչ մէկ չափարութիւն, ոչ մէկ ներդաշնակիչ, զտիչ, կանոնաւորիչ նկարագիր։ Պատկերները, զգացողու-թիւնները այնքա՛ն իսկատիպ, այնքան ուշագրաւ, կը մթննան, կը խճողուին կը ծանրաբեռնուին, զոյներու, գիծերու, երանգներու եւ ճապաղ թրթուացմանց յոր-դառաս շուայլութեան մը մէջ։

Բայց Ներաշխարին էջեր ունի, ուր քնարերգութիւ-նը կը թրթոայ վէտայական ու աստուածաշնչական մեծվայելչութեան կշոռյթին համեմատ։ Լոյսին ֆեր-քուածը կայ հոն, զոր կարելի չէ կարդալ առանց խո-րապէս ցնցուելու, առանց զող ելենելու էութեան ամե-նէն յետին մասնիկով։ Եւ Յիսուսի տեսիլքը, հոյակապ էջ մը, ուր հոգին իր անճառ հիացումը կը հեւայ, յա-գլշտակուա՛ծ, պակուցեալ, ու կը ցնծայ՝ բոլորանուէր ներշնչման մը ներքեւ լիալիր թրթուամով սաստկօրէն հնչող քնարի մը հանգոյն։

Զրաքեան՝ միսթիք բանաստեղծ մ'է։ Նաեւ, յայտ-նապէս զգալի է իր մտքին էօտէրique և hermétique նկա-րագիրը։ Իր զգացողութիւններուն ու իր գաղափարնե-րուն ներքին հմայքին հետ հաղորդակցելու համար, անհրաժեշտ է քիչ թէ շատ ծանօթացած ըլլալ occultisme-ին, եւ յաճախած ըլլալ միսթիք գրագէտնե-րու մօտ։

Այս տեսակէտէն անջատաբար, Զրաքեանի ոճը մանուածապատ, խրթին, ճապաղ ու ճոռոմ է. պատճառն այն չէ որ այդ ոճը կախում ունի իր մշակած գաղափարներուն խորութենէն կամ բարձրութենէն, լայնութենէն կամ երկարութենէն, այլ որովհետեւ, ոճը՝ մարդն իսկ է, le style est l'homme : Ոճը՝ գաղափար մը չէ, ոչ իսկ գաղափարներու արդիւնք։ Գաղափարներն ենթակայ են ոճէն անկախ փոփոխութեանց։ Ոճը կրնայ փոխուիլ՝ մարդու մը ընդհանուր նկարագրին կրած եղանակաւորումներուն համեմատ միայն։ Մարդ, անկեղծօրէն ու բնական վիճակի մէջ, ինքն իրեն համար ոճ մը չի շիներ։ Կունենայ զայն։ Կամ եթէ կը շինէ՝ շինած կ'ըլլայ զայն, — շինծու արուեստակեալ։ Զրաքեանի ոճին նկարագրիր վերագրելի է իր իսկ անհատական նկարագրին։

Եզրակացութիւն. — Ներաշխարհը նորութիւն մ'է մեր գրականութեան մէջ, իր արտառոցութիւններով ու անհեթեթութիւններով. անիկա շահեկան է իր մեծաշռիդ քնարերգութեամբ, իր նրբամոլ ու մանրախոյդ մտքով, և այն ամէն անակնկալներով՝ որոնք գուրս կու դան իրմէ, եւ այս շահեկանութիւնը բնաւ բաղդատելի չէ հետեւակ, հասարակ ու ուամիկ դրականութեան մը յարուցած կամ դրդուծ հետաքրքրութեան հետ։

19 Յուլիս 1906 «Բիւզանդիոն»

«ՎԵՐԱԾՆԻՈՂ ՀԱՅՐԵՆԻՔԸ ԵՒ ՄԵՐ ԴԵՐԸ»

Միքայէլ Վարանդեան, Հրատ. Հ.Յ.Պ., Ժընէվ, 1910.՝

Հայ ժամանակակից կեանքին արտադրած ամենէն կենսաւէտ ու ամենէն հզօր քաղաքական կուսակցութեան, Հ.Յ. Դաշնակցութեան քանամեակի առիթով գրուած այս գիրքը, հայ կեանքին պատմական, քաղաքական, ընկերային եւ քաղաքակրթական հանդամանքներուն ուսումնասիրութեան տեսակէտով՝ վերջին երեք տարուան ըրջանին տեղի ունեցած հրատարակութիւններուն մէջ՝ արժանի է ամենալուրջ ուշադրութեան։

Անհրաժեշտ չէ որ մարդ ըստ ամենայնի համակարծիք եղած ըլլայ հեղինակին, ընդունելու համար թէ Պ. Միքայէլ Վարանդեան մեր օրուան հայ կեանքի ուսումնասիրութեամբ պարապող հաղուադիւտ մտքերուն մէջ կարեւորագոյն ըրջանակ մը կը գրաւէ։ Իր ստորոգելիները բազմաթիւ եւ պատուարեր են։ Հմուտ է ժամանակակից ընկերային դիտութեան այնպէս՝ ինչպէս պարտ էր ըլլալ ժողովուրդի մը կեանքը շինող բազմատեսակ ու տարասեռ ձգտումներուն ու երեւոյթներուն քննութեան մէջ մտնել յանդգնող մէկը։ Սիսթէմապաշտ է այնպէս՝ ինչպէս պիտի ըլլար բացորոշ եւ անդրդելի տեսակէտներու ետեւ պատնէշաւորուած անկեղծ վարդապետական մը։ Ամէն ինչ սերտօրէն զերար կը բռնէ իր կառուցումներուն մէջ։ Իր ամուր տրամասացի (dialecticien) անվարան համարձակութեամբ, գիտէ քալել, տրամաբանութեան ջահն ի ձե-

ոին, անձնավստահ ու հաստատում քայլով մը, դէպի առաջ, եւ այդ ջահը պիտի առաջնորդէ զինքն անլրէպ՝ դէպի այն լուսաւոր հորիզոնները՝ ուր ապագայ կեանքին յաղթանակը պիտի տօնուի գեղեցիկ օր մը։ Պ. Վարանդեան հաւատքի ախոյեան մըն է, որովհետեւ բուռն, խորունկ եւ անկեղծ փափաքներ ունի։ Պ. Վարանդեան երկրաւոր դրախտին ազատարար կրօնը կը քարոզէ, որովհետեւ իր ցեղը, եւ ամբողջ մարդկութիւնը, աւա՛ղ, այնքա՛ն հիւանդ են։ Ան որ կը հաւատայ՝ պիտի ապրի։ Կեանքը հաւատքի պէտք ունի, եւ ոչ թէ փիլիսոփայութեան եւ իր ջլատիչ կամկածներուն։ Կեանքը լաւատեսութեան պէտք ունի, եւ ոչ թէ վարանու մտավախութեան մը նուրբ հաշիւներուն։ Կեանքը հաստատումներով (affirmation) կը զարդանայ, եւ ոչ թէ բացասումներով։ Պ. Վարանդեան հայցեղին կենաւէտ հոգին թեւ առած թրթուն ու տաքուկ ձայն մըն է։ Եւ անոր ամենէն ստորադասական բնազդներուն յաղթանակին՝ ի սպաս կը դնէ ջղուտ եւ ճկուն իր իմացականութեան տրամադրած բոլոր կարելի հնարագիտութիւնները։

Ի՞նչ պայծառ, ու զգացումով ելեկտրացած ոճ, իր ինքնատիպ, քնարաշունչ, կենդանի եւ ուժեղ ոճը։ Քիչ անդամ ուսահայ գրող մը այնքան տանելի ու հաճելի է իր արտայայտութեան եղանակին մէջ։

Եւ ի՞նչ շինարար գիրք, իր գիրքը։ Անդկա՛ տեսակ մը նոր ժամանակներու աւետարան է, որ կը հաւաստէ զմեղ մարդել իտէալին կորովի զինուորութեան։ Պատմութեան մէջ յարատեւելու որոշում տուող ցեղ մը, ինչպէս կ'ուզէ եղած ըլլալ մեր ցեղը, այդ տեսակ գիրքեր պիտի կարդայ, անոնցմէ քաղելու համար կեանքի լաւագոյն սնունդը։ Եւ ինծի պէս անբախտներն իսկ, որոնց հոգիին ապահովութիւնը մեծ չափով

իսախտած է կասկածանքէ ու անվստահութենէ ցեցակեր, որոնք՝ իբր թէ առաւելապէս գիտնալու քանդիչ յիմարութենէն բռնուած, մոխիրներու եւ աւերակներու աշխարհի մը մէջ՝ տակաւին ու յաւիտեան անթերի ճարտարապետութեամբ չէնքեր բարձրացնել երազողներուն ազնիւ միամտութեան վրայ անուշ զմայլանքով ժպտելու կացութեան մը (attitude) կը չանան կրթընցնել իրենց գոյութիւնը, — ինծի պէս հաւատքի անկարող հոգիներն իսկ, եթէ գիտեն ազնուօրէն վայրկեան մը ինքզինքնին մոռնալ, եթէ ազատ են՝ իրենց եսին իրաւացի՝ բայց սեղմ ու խիստ ճշմարտութիւնները ի շահ ընկերութեան մերթ ընդ մերթ իրենց մէջ սահմանափակելու աստիճան, պիտի խրատեն որ, Պ. Վարանդեանի գիրքը, եւ նմանները, կարդացուին, կարգացուին եռանդով, կարդացուին հաւատքով, որպէսզի ապրին մարդիկ, որպէսզի կեանքը յաղթանակէ։ Վասնդի՛ «Այս է իմաստութեան վերջին խօսքը» — նամիայն արժանի է աղատութեան եւ կեանքի՝ ով ամէն օր կոիւով կը նուածէ զանոնք։ (Կէօթէ) :

*
**

Վերածնւող Հայրենիքին կողքը կը գարձնեմ։ Պատկերաշար մը՝ հայ աղատադրական շարժման դէմքերու եւ նահատակներու։

Առաջին էջին վրայ՝ Քրիստոփոր Միքայէլեան, «գլխաւոր հիմնադիր Հ. Յ. Դաշնակցութեան, նահատակուած 1905ին»։ — Ես միշտ հիացում ունեցած եմ ամէն կարդի հերոսներու մասին։ Միշտ մարդկութեան արջաոին մէջ շատ քիչ են անոնք, եւ իրենց մէջ կը պանծայ անհատապաշտութեան(individualism) սկզբունքը՝ որոնց կամակորներէն եմ։ Հերոսներն են մարդկու-

թեան գերադոյն կարելիութիւններուն հազուագիտ արտայայտութիւնները : Արջառը՝ արջառ է, հասարակաց աղքատիկ ու աննշան հանդամանքներով՝ բուսակենցաղ դոյութիւն մը քաշքող երկրի վրայ : Անոր բազկացուցիչ տարրերն իրարու կը նմանին, եւ զիրար միայն կ'արժեն : Մէկը միւսին տեղ՝ խնդիր չէ : Անոնք որ չեն նմանիր ոչ ոքի, անոնք որ կը տարրուցուին անհատական մասնաւորութիւններով՝ անոնք ուշադրաւ միութիւններն են, եւ չեն չփոթուիր բնաւ : Երկրին աղն իսկ են անոնք : Առանց անոնց՝ համ հոտ չէր մնար աշխարհի մէջ : Այդ պայծառ փարոսներն են որ՝ խաւարին տրտում միօրինակութիւնը կը լուսաւորեն ցանցառուէն :

Քրիստուկիոր Միքայէլեա՞ն : Սրտագին ուշադրութեամբ կը դիտեմ այդ ինքնազուսպ կամեցողութեան մը ուժին մէջ խաղաղած համակրելի դիմագծութիւնը : Որքա՞ն երազ կայ իր կիսախուփ անուշ նայուածքին պայծառ միամտութեան մէջ, որքա՞ն խորհուրդ՝ իր լայն ու գմբէթարթ ճակատին վրայ, ու որքա՞ն կամք ու կորով՝ իր սեղմ շրթունքներուն վշտարեկ այլ վճռական շրջագիծերուն մէջ : Անշուշտ քիչ անդամ կը պատահի որ երազը ի սպաս իրեն ունենայ այն հանդարտ, աննկուն ու գործնական կամեցողութիւնը՝ որով Քրիստուկիոր Միքայէլեան կրցաւ արժեցնել իր կեանքն ու իր գործունէութիւնը : Անիք (*) մըն էր անտարակոյս,

(*) Անիք կ'անուանեմ այն տիպարները, որոնց մէջ ներդաշնակութիւնը առաջ կուգայ չէ թէ զրեթէ հաւասարագոր ձգտումներու հաւասարակշուրթենէն, այլ ձգտումներու ամբողջութեան՝ անոնցմէ մէկին կամ մէկ քանիին հպատակումովը : Այս վերջինները կը կազմեն անձնաւորութեան միութիւնը, եւ միւս ձգտումներուն

վսեմագոյն անուրջի մը տեսիլքէն շանթահար, ու զայն հետապնդելու անդրդուելի հաւատքով ամրացած : Եւ դնաց, մինչեւ վերջը, նոյն ուղղութեամբ, ուկստի դըժուարին ճամբուն վրայ իշնալով՝ անպարտելի արիութեան մը առաքինութեամբ : Սուրբերուն Պանթէռնը, իր պատուանդաններուն ընտրելագոյնին վրայ կը բարձրացնէ Միքայէլեանի կիսանդրին, եւ մենք պատկառանքով կը խոնարհնեամբ այս մէծ ու ազնիւ Հայու Զաւիին անուան առջիւ :

Կը թղթատեմ պատկերաշարը : Սերոր : Չեմ տեսած դէմք մը իրենին չափ հայեցի, իրենին չափ գեղեցիկ, իրենին չափ հանդարտ ու դիտակից ուժի առնազեղ արտայայտութեան մը մէջ պատկերացած :

Ո՞ր մէկն անուանեմ սակայն բոլոր այն պաշտելի նահատակներուն, որոնք անխտիր գացին, գերագոյն իտէալին անունով, մեռնիլ «ազատութեան ճանապարհն» , որպէսզի ապրի գաղափարը, որպէսզի ապրինք մենք... : Ուշի ուշով կը նկատեմ իւրաքանչիւրին դէմքը, հոն իրենց հողին կարդալու բարեյօժարութեամբ : Ոմանք կ'արտայայտեն խանդավառ հողիներ, անդիտակից ու ինքնացյատ, վերացական ու երազատչոր, ինքնամոռաց, ուսուցիկ եւ կուրօրէն բոլորանուէր : Ուրիշներու մօտ՝ կը պատկերանայ գերագոյն արդարութեան զգացումին զայրոյթը, եւ տառապողներու

կը բողուն կեանքի եւ առողջութեան պահպանման պէտք եղած գործունելութիւն մը միայն, այն պահուն իսկ, երբ անհրաժեշտ ներդաշնակութեան խզումով՝ իմացականութեան աւերումին ու գործարանաւրութեան մասնաւն պատճառ չին ըլլար :»

(Les Caractères, p. 16, par Fr. Paulhan. F. Alcar.)

ցաւին վերահասութիւնը, լուսաւորուած՝ իմացականութեան գիտակից չնորհով: Իրենց նպատակներուն մէջ ամուր, իրենց որոշումներուն մէջ սառնօրէն անդըրդուելի եւ ահեղ են անոնք:

Պ. Վարանդեան՝ հոյակապ պերճախօսութեամբ ու վճիտ քնարականութեամբ գլուխ մը կը նուիրէ հերոսներու պաշտամունքին: Լիովին համակարծիք եմ իրեն: Մեր այսօրուան ճշմարիտ սուրբերն անոնք են՝ որ կրցան հերոսանալ ու մեռնիլ յանուն ազգային վերածնութեան դատին:

Հակիրճ գրախօսական մը, ինչպէս պարտաւոր են ըլլալ իմիններս, չի կրնար իրենց մանրամասնութիւններուն մէջ ձեռք առնել այն բոլոր հարցերը, որոնց ուսումնասիրութեամբ կ'զրադի Պ. Վարանդեանի գիրքը:

Ընդհանրապէս խօսելով, անհրաժեշտ է սակայն մատնանիշ ընկել թէ, այս գիրքը կը պարզէ Հ. Յ. Դաշնակցութեան հայեացքները եւ ընդհանուր աշխարհահայեցղութիւնը՝ հայ կեանքին վերաբերմամբ:

Դաշնակցութիւնը մեր այսօրուան քաղաքական կուսակցութիւններուն մէջ, անժխտելի կերպով, ամենէն զործունեայ, ամենէն ընդարձակածաւալ, ու միեւնոյն ատեն ամենէն աւելի հասարակաց ըմբռնումին մէջ վէճի ու անհամաձայնութեան առարկայ դարձած կուսակցութիւնն է, թէ՛ իր ձգտումներուն եւ թէ՛ իր գործելակերպին տեսակէտներով: Իր ընկերվարական ծրադիրը մեղի համար վտանգաբեր կը գտնեն շատեր: Իր գործելու եղանակը՝ այլամերժ, իմաս եւ բուռն:

Իմ դործս չէ հոս զուտ փիլիսոփայութեան տեսակէտով քննութեան ենթարկել ո՛չ ընկերվարական վարդապետութիւնը, իր տեսաբանութեան եւ իր առաջ բե-

րած գործնական արդիւնքներուն համեմատ, ո՛չ ալ յեղափոխական կուսակցութեան մը գործելակերպը: Այդ տեսակ ուսումնասիրութիւն մը ընելու պահուն, պէտք պիտի ըլլար նաեւ նկատի առնել վերլուծական նշաւակութիւնը ամէն կարգի ընկերային ձգտում ունեցող վարդապետութեանց եւ իրենց գործելակերպերուն, — այն բոլոր բարոյական գրութիւններուն՝ որոնք անհատին ու ընկերութեան առընչութիւնները ներգաշնակելու համար՝ կը վատնեն աշխարհի լաւագոյն բարեկամեցողութիւնն ու իմաստութիւնը: Ի՞նչ ապերախտ ու կործանարար աշխատութիւն մը պիտի ըլլար այդ, եւ ի՞նչ անուշ պատրանքներ, հմայաթափ, պիտի ցնդէին, այդպիսի պարագայի մը մէջ: Ո՛չ, ասիկա իմ գործոչ այս անդամ: Վասնզի տեղի չկայ:

Այս պահուս կ'ուղեմ միայն ըսել որ, հետեւած ըլլալով այն մեղագրանքներուն, որոնցմով հայ ժողովուրդին մէկ մասը ուզած է նշաւակել Դաշնակցութիւնը, կը գտնեմ զանոնք մեծագոյն չափով զրպարտական: Պ. Վարանդեանի գիրքը կարդալու է, տեսնելու համար թէ ի՞նչ խելացի, ի՞նչ բանկմաց, ի՞նչ քաջատեղեակեկ եղանակով մը Դաշնակցութիւնն առաջադրած է օժանդակել հայ կեանքի վերակազմութեան, իր ընդհանուր հանդամանքներուն մէջ, ժամանակակից ընկերային մատարական աշխարհը տողորող զալպափարներուն համեմատ: Ոչի՞նչ տեսայ կործանարար՝ այս զբքին մէջ պաշտպանուած սկզբունքներուն ու ձգտումներուն խորը: Ընդհանակառակը, զանոնք կը գտնեմ կենսաւէտ, աւրեցնող, վերանորոգիչ, քանի որ անոնք խեկական արտայայտութիւնն են կեանքը նեխումէ կտո՞ք քարացումէ պատել ձգտող բնաշրջման օրէնքին:

Անշուշտ իրաւացի է հետաքրքիր ըլլալ, պիտնալու համար թէ Պ. Վարանդեանի քարոզած ընկերային վար-

դապետութիւնը եւ զայն գործադրելու մեթուը ընդհանրապէս այս եղանակով ընդունուած են մեր մէջ, իր բոլոր հաւատակիցներէն:

Պ. Վարանդեան բնաւ չըսեր թէ զայ տարրը աշխարհի մէջ կրնայ մէկէն ի մէկ ընկերվարականութիւնն ապրիլ առանց իր գոյութիւնը վտանգելու: Այս ճշմարտութիւնը հասարակաց է բոլոր բարոյական համամարդկային դրութիւններուն համար, — օրինակ՝ քրիստոնէութիւնը: Կոյր ըլլալու է չտեսնելու համար այն անդունդը՝ զոր զմեղ շրջապատող մարդկութիւնը կը պահպանէ իր պաշտօնական դաւանանքներուն եւ իր ամենէն իրական ապրելակերպին մէջ:

Արդարեւ կարելի չէ, առանց յիմարութեան, ձգտիլ՝ հայութեան բաղկացուցիչ ուժերն իրարմէ հեռացնելու, հայութեան ամբողջութիւնը կազմալուծելու ներքին պատակումներով, յանուն վարդապետական աղանդամութեան, — յանուն յեղափոխական կամ հակայեղափոխական սկզբունքներու — եւ աս այնպիսի ժամանակներու մէջ՝ ուր զմեղ շրջապատող քաղաքական փոթորկալի հանդամանքներն ու պայմանները՝ ահարկու սպառնալիքներ են մեր գոյութեան համար: Այդ սխալ մեթուքը, որի կողմէն որ ալ առաջարկուի, պիտի մատնէ աղբային հաւաքական շահերու անդիտակցութիւն. պիտի մատնէ մահամերձ ժողովուրդի մը ջղաձական շարժումը:

Որքան ատեն որ նշաններ չտեսնենք մեր շուրջը, որ զմեղ պիտի ապահովէին ի մասին համամարդկային բացարձակ արդարութեան մօտալուս յաղթանակին, մեր գերագոյն առաքինութիւնը պիտի ըլլայ արթուն կենալ ու շուրջերնիս նայիլ: Կարելի չէ տեղի տալ, յանուն տեսականօրէն լաւագոյն վարդապետութիւննե-

րու, երբ ուրիշներ զմեղ առանձին պիտի թողուն անոնց գործադրութեան մէջ: Կարելի է որ մարդիկ պատրաստուին ընկերվարութեան: Բայց պէտք է գիտնալ որ, իր ընդհանրացած ձեւին մէջ միայն ընկերվարութիւնը գործադրելի է անվարան:

Գիտենք թէ ի՞նչ ուղղութեամբ կ'ընթանայ այսօր ինքինք քաղաքակերթ եւ մարդկայնացած հոչակող քաղաքական աշխարհը: Ի՞նչ լիր եւ աղտոտ կատակերպութիւն կը խաղայ ան: Այս հանգամանքները միշտ աչքի առջեւ ունենալու է: Եւ ես տեսայ որ Պ. Վարանդեան ա՛յս շինարար մտքով կ'ուսուցանէ: Եւ այս իմաստով կը գրէր Պ. Ռ. Դարբինեան ասկէց առաջ՝ Ազատամարտի մէջ հրատարակուած յօդուածաշարքով մը:

**

Ասոնցմէ գուրս, ինչ որ ալ ըլլային այն բոլոր կարելի տեսակէտները, որոնք պիտի ընդդիմացանուէին Դաշնակցութեան տեսակէտներուն, չենք կրնար ուրանալ թէ, Դաշնակցութիւնը, անտարակոյս՝ զինքը տողորող ընդհանուր ողիին իսկ բերմամբ, հայ կեանքին մէջ կենսաւէտ ուժ մըն է, զոր կարելի չէ վարկաբեկել կամ ջլատել ջանալ, առանց վնասելու ազգային դատին ու շահերուն: Անտարակոյս կարելի է քննադատել Դաշնակցութիւնը, երբ տեղի կայ, անկեղծութեամբ ու անշահախնդրութեամբ: Արի կուսակցութիւն մը չէր կրնար մերժել քննադատուելու կարելիութիւնը: Բայց զայն քանդելու աններելի ինքնասպանութիւնը թող չգործուի բնաւ: Դաշնակցութիւնը, հիմնարկութիւն մըն է, որ, եթէ չուգեր ցրտութեան մը մէջ բիւրեղանալ, անշուշտ պարտաւոր է կրելու ժամանակին հարկադրած փոփոխութիւնները: Ինքը ձգտելով ըլլալ հայ կեանքին պահանջներուն արտայայտութիւնը, ի

Հարկէ չի կրնար անտեսել այն նորանոր պայմանները, որոնց մէջ պիտի կրնար արդիւնաւորել մեղի համար՝ նոր մտքին բոլոր բարիքները։ Պ. Վարանդեան, որ լուրջ գրող մըն է, այդ մտքով կը հաւաստէ իր ընթերցողները։ Կը սիրեմ հաւատալ իր անկեղծութեան, վասնզի կը փափաքիմ որ Դաշնակցութիւնը ապրի ու բարդաւաճի, եւ վասնզի համոզուած եմ թէ՝ կազմակերպութիւնները նշանակելի ու մեծ արժէք ունին իրենց քաղաքական ու ընկերային կեանքին մէջ պատմական եւ այլ կարգի չարիքներէ հալածական ժողովուրդներուն դոյութեան տեսակէտով։ Տակաւին ճշմարիտն այն է որ, քաղաքակրթութեանց թոհուրոհին մէջ ապրիլ ու զարդանալ ձգտող ժողովուրդները կը յաջողին ու կը բարդաւաճին որքան իրենց բուսցուցած անհատական հանճարներով, նոյնքան ու նաեւ՝ այն կաղմակերպական ուժերով, որոնք կոչուած են իրականացնել մեծ մարդոց մեծ երազները։

«Շանթ» կիսամսեայ հանդէս
1 Նոյեմբեր 1911, էջ 163-164

ՆԱՂԱՇ ՅՈՎՆԱԹԱՆ ԱՇՈՒՂԸ ԵՒ ՅՈՎՆԱԹԱՆ ՅՈՎՆԱԹԱՆԵԱՆ ՆԿԱՐԻԶԸ

Փարիզ, 1910

Պ. Զօպաննեան քանի մը ամիս առաջ Փարիզի մէջ հրատարակեց հատոր մը, որ կը պարունակէ տաղերը նազաշ Յովնաթան բանաստեղծին եւ ընդօրինակութիւնները՝ իջմիածնի տաճարին որմանկարիչ Յովնաթան Յովնաթանեանի գործերուն։

Պ. Զօպաննեան ամփոփ ուսումնասիրութեամբ մը մեղի կը ծանօթացնէ երկու հայ արուեստագէտները, իրենց կենսագրական գիծերուն եւ իրենց գործին քըննապատական արժէքին տեսակէտով, ու Պ. Զօպաննեան միշտ իր գիտուն բնուածուական գերին մէջն է։

Իրմէն կը տեղեկանանք թէ՝ Աշուղը ծնած է 1661ին, Սիսականի Շօութ բանաստեղծական գիւղաքաղաքին մէջ, — գեղեցիկ աւան մը՝ Մըլապատուած վտակներու, անտառներու, ձորերու եւ բնական բիւր գեղեցկութիւններու վայրանկարներով։ Իր կենսագրական գիծերը ցանցառ են։ Իր որդւոյն, Յակոբի՝ իրեն ձօնած մէկ տաղէն միայն կը տեղեկանանք թէ՝ Աշուղ Յովնաթան իր ժամանակին «ուսումնական» մըն է եղած, իմաստուն եւ ընդհանուր յարգանքի արժանացած անձ մը,

ոչ թէ հասարակ ժողովրդային աշուղ մը :

Իսկ նկարիչ Յովնաթան՝ թոռն իսկ է Աշուղ Յովնաթանին, եւ իր կարգին եղած է խիստ յարգուած ու դեղքի տէր անձնաւորութիւն մը :

Պ. Արշակ Զօպանեան, Նարեկացիէն, — չվարանինը ըսելու, այո՛, Նարեկացիէն ու Քուչակէն յետոյ, զիւտը կ'ընէ այս երկու թանկագին հայերուն, որոնց գործը սահմանուած է նպաստի բաժին մը բերելու հայդեղարուեստական Մուսէոնին :

Հասորը կը պարունակէ քառասունեւլեց տաղեր, Աշուղ Յովնաթանէն, եւ լուսանկար վերարտադրութիւնը քսանեւլեց կտաւներու, զարգանկարներու, «լոմանկարներու՝ «պատկերհան» Յովնաթանէն :

Նաղաշ Յովնաթան՝ կեանքի բանաստեղծ մըն է, թեթև, անհոդ, զուարթ հոգի մը, որ կեանքի երեւոյթին վրայէն կը թոչի կ'անցնի՝ ծիծառի մը նման ուրախ, եւ ապրելով վայրկեանին երջանկութեան մէջ։ Կը սիրէ կեանքը, կը սիրէ կինը, կը սիրէ գինին, կը սիրէ միսը։ Զգայապաշտ բանաստեղծ մըն է, — ոգեկան ու միտիք դաստիարակութեան մը վրայ ճառագայթող հոգի մը, սիրաւէտ, արքշու, տարուած, որ ժամանակ ու պէտք չունի կանդ առնելու՝ մտածման խոժոռութիւններուն առջեւ։ Իր սէրը, հակառակ տեսակ մը խպնոտութեան, որ հայ սիրային բանաստեղծութեան ընդհանուր նկարագիրը կը շինէ, ընդունակ է համարձակութիւններու եւ յանդզնութիւններու, որոնք վայելքի զօրեղ ախորժակներով բարախուն իրապաշտ խառնուածք մը կը մատնեն։ Իր սիրականին կլոր եւ համեղ շամամներուն յաճախանքէն հալածական, աշխարհի մէջ անոր չքնաղ պատկերը միայն կը տեսնէ, եւ անով միայն կը հաւատայ մխիթարել աշխարհի ունայնութիւնը։ Վասն զի ինք՝ կեանքի իմաստին բացարձակ տղէտ մը

չէ, ոչնչութեան ստուգութիւնը հոգիին մէջ սողոսկած է։ բայց սա՛ է որ՝ ինք կանգ չառներ անոր առջեւ, կ'ուզէ ապրիլ, ու կ'ապրի, սիրելով, խմելով ու ճաշակելով։

Նաղաշ Յովնաթան մեծ բանաստեղծ մը չէ անշուշտ։ Քուչակ մը չէ ինք ապահովաբար։ Բայց իր բանաստեղծութեան մէջ յատկութիւնները կան զգայուն սրտի մը, գիտուն մտքի մը եւ թրթուն հոգիի մը։ Իր բանաստեղծական գործը խիստ անհաւասար է գրական արժէքի տեսակէտով։ Մեծ մասամբ անիկա շինուած է հասարակ տեղիքներով, տափակ է եւ անթոփէներչնչումով, եւ զուրկ՝ ինքնատպութենէ։ Բայց զայն պէտք է նկատել իր լաւագոյն կողմերէն, եթէ ունի անոնցմէ։ Բանաստեղծի մը սիրտը ակունք մըն է։ Եւ անիկա միշտ միօրինակ մաքրութեամբ ջուր մը չի տար։ Անձրեւները, մթնոլորտային եւ երկրաբանական յուգումները՝ կ'ազդեն ջուրին յատկութիւններուն վրայ։ Բաւական է որ ակունքը մաքրուր ըլլայ ըստ ինքեան։ Նաղաշ Յովնաթան՝ բաւական մաքրուր ակունքի մը յատկութիւններէն զուրկ չէ։ Կարելի է ախորժակով ու համակրութեամբ կարդալ զինքը, եւ ասիկա անպէտ արժանիք մը չէ։ Պէտք է նոյն իսկ ընդունիլ թէ, Նաղաշ Յովնաթան մէկն է այն մոսցուած բանաստեղծներէն՝ որ հետզհետէ կը յայտնուին, հերքելու համար սա ընդհանուր կարծիքը թէ՝ հին հայ բանաստեղծութիւնը կրօնաբարոյական միօրինակ մօթիֆ մը միայն գիտցած է շահագործել։ Ունեցած ենք ժողովրդային հարուստ բանաստեղծութիւն մը։ Մեր ցեղին հոգին ինքինքը կ'արտայայտէ հոն իր նկարագիրը չինող տարրերուն Յոխ այլազանութեան մէջ։ Ասիկա բաւական էր վերեւի սխալ կարծիքը ջրելու։ Մեր անգիր բանաստեղծութիւնը անգին

գոհարներու շարան մըն է: Հոն կը շողան բազմերանդ ճառադայթներ զգացումներու եւ դաղափարներու աշխարհէն, որ մեր ցեղը ոգեւորած են դարերու ընթացքին: Հայ հանճարը՝ միակ աղքատիկ լար մը չէ՛ հնչեցուցած: Անիկա լսելի ըրած է բազմազի քնարի մը ամէնէն քաղցր ու սրտագին թրթումները: Զեռագիրներու մէջ մոռցուած հայ թրուպատուրներու յայտնութիւնը՝ պիտի գայ բերել թանկագին նպաստ մը այս ճշմարտութիւններն իսկ զօրացնելու մտքով: Մնաց որ, միմիակ Նահապետ Քուչակի մը գոյութիւնը բաւական պիտի ըլլար լրացնելու բոլոր պարագները: Նահապետ Քուչակի, զմայելի ու սիրելի այն քաղցր բանաստեղծը, այն համադրական Հայու հոգին՝ որուն խնկարոյր չերմութիւնը իմ հոգիս կը գինովցնէ սիրով ու հեշտութեամբ, որուն հետ կ'զգամ թէ կ'եղբայրանան իմ բոլոր զգացումներս, ամէն անգամ որ իրեն կը մօտենամ, իր անուշ, իր փափուկ ու թարմութեամբ սարսուներգերուն մէջ փնտուելու համար՝ միփթարութեան վըճիտ աղբիւր մը: Ասիկա անոր համար է՝ որովհետեւ կը զգամ թէ ան՝ որ այդ սիրոյ եւ արցունքի երգերը երգեց, հոգի մըն էր իմ հոգիէս, սիրո մըն էր իմ սիրտէս, եւ տակաւին բան մը կայ մէջս՝ որ իրմէ կը խօսի, — պիտի համարձակէի ըսել:

Բանաստեղծները, մանաւանդ ժողովրդային բանաստեղծները, եւ անոնք՝ որ շատ ժամանաւորուած զարտուղի զգայնութեան մը անօրինակ թրթումները լսելի չեն ըներ, ամէն անգամ կը խօսին մեզի ցեղի մը սրտին ամէնէն ինքնաբուիս ու ամէնէն ջերմ զգացումներուն խորէն: Ժողովուրդ մը ամբողջ՝ անոնց մէջ պիտի ճանչնայ ինքզինք, իր ցաւերով: Ու բոլոր տեսիլներն ու պատկերները՝ իր երեւակայութեան աշխարհը ծաղկաւէտող, ու բոլոր կիրքերը՝ իր հո-

դին ապրեցնող, ու բոլոր լարերը՝ զինքը հինաւուրց նուրիրական կոճղին կապող, — այդ բոլորը պիտի տեսնէ ու ներզգայ անոնց հետ:

Նաղաշ Յովնաթանի տաղերուն ընթերցումը՝ ընդունակ է այսպիսի խորհրդածութիւններ թելադրելու:

Իսկ Յովնաթան Յովնաթանեան նկարիչը՝ հասարակ արուեստագէտ մը չէ: Պ. Զօպանեան անոր մասին կը վկայէ ուշագրաւ տաղանդ մը, որ պատիւ կը բերէ հայ հանճարին: Դժբախտաբար, իր գործերուն կարեւոր մէկ մասը՝ իջմիածնի միաբանութեան տգիտութեան եւ կրիմեան կաթողիկոսի վանտալական հակումներուն հետեւանքով, փճացած է:

Սպասելի է որ Յովնաթան Յովնաթանեանի թողածուրծը ուսումնասիրուի մասնագիտական հասկացողութեամբ:

Պ. Զօպանեան՝ մատնանշում մը ըրած է, եւ իր դերը, վերստին, ազնիւ ու գեղեցիկ դեր մըն է միանգամայն:

**

Ինչպէս կը տեսնուի, խիստ մեծ նշանակութիւն ունի անցեալը պրատել, եւ Քուչակներ կամ Յովնաթաններ հանել գարեւու փլատակներուն տակէն: Հնախոյզի նուրիրական ու յարգելի աշխատութիւն մըն է այդ: Այդ զիւտերը աւերակներու մէջ դտնուած թանկագին դրամներ, արուեստի մեծարժէք առարկաներ են: Կը նայինք անոնց վրայ, հիացումով, երկիւղած գուրգուրանքով, ու անոնց մէջէն կը կարդանք անցեալը:

Մեր անցեալի մոոցուած տաղանդները վեր հանելու տեսակէտով, ահա՛ այս կարգի սուրբ աշխատութիւն մըն է, որուն ինքզինքը նուրիրած է Պ. Զօպանեան, տարիներէ ի վեր: Իրմէն աւելի ընդունակ ոչ ոք կար այդ

Նուիրական պաշտօնին համար։ Ոչ ոք իրեն չափ զգացունքը մը ունի, հասկնալու համար բոլոր կարելի դեղեցկութիւնները։ ո՛չ ոք իրեն չափ լայն եւ հիւրընկալ սիրտ մը ունի, յօժարելու եւ հանդուրժելու համար անոնց գոյութիւնը։ Ես չեմ ճանչնար մէկը որ իրեն կարենար հաւասարիլ՝ դեղեցկութեան պանծացումին աննախապաշար ու աննախանձ խանդավառութեան մէջ։ Ինք չէ կրցած հանդուրժել որ հայ միտքը անտարբեր մնացած ըլլար նոյնիսկ սկզբնական ակունքէն ճառագայթող այն լոյսերուն համար՝ որոնք իր փառապատկին լաւագոյն զարդերը պիտի կազմէին։ Իր դրական-գեղարուեստական համակրութիւնները կը սաւառնին մաքուր բարձրութեան մը վրայ, ուր անդօր են պզտիկ նկատողութիւնները՝ պզտիկ շահերուն ու պզտիկ կիրքերուն։

Կարելի չէ անտարբեր աչքով նկատել դործունէութիւնը թանկագին դրագէտի մը, որուն կեանքին կարեւոր մէկ մասը նուիրում մը եղած է Հայ Հանճարին պանծացման։ Ժամանակը եկած է որ կարենանք անմիջապէս գիտակցիլ մեր սեփական փառքը շինող հարցութիւններուն։

Պ. Զօպանեան մէկն է անոնցմէ։ Իր դրական գործունէութիւնը, իր ընդարձակութեամբ ու որակով, ինքզինքը կը հարկադրէ մեր սքանչացման ու յարգանքին։ Մէնք պէտք չունինք սպասելու որ մեր փառքերը մեռնին եւ սուզի անօգուտ պսակներ դրկենք անոնց հղակոյտերուն։ Եռանդով կը ձայնակցիմ Ռստանի մէկ խմբագրին, որ, Պ. Զօպանեանի ներկայ գործին վրայ դրած իր մէկ դրախոսականին իբր վերջաբան, կ'առաջարկէ տօնել բազմաշխատ գրագէտին քսանեւհինդամեայ գրական գործունէութեան յոբելեանը։ Այսպիսի

ցոյց մը բան մը չպիտի աւելցնէր անշուշտ Պ. Զօպանեանի արժանիքներուն վրայ. բայց այսպիսի ցոյց մը մէկ կողմէն պիտի ապացուցանէր թէ անիկա սրտի պահանջ մըն է նոյն իսկ անոնց համար՝ որ պիտի գիտցած ըլլային դրապէս գնահատել յողնաջան աշխատաւորին գործը, եւ միւս կողմէն եղած պիտի ըլլար բարոյական եւ նիւթական գոհացումի պատրուակ մը՝ արժանաւոր յոբելեարին համար։

Սպասելի է որ, պոլսահայ մտաւորականութիւնը յօժարութեամբ նախաձեռնարկ ըլլայ ի զլուխ հանելու Պ. Զօպանեանի յոբելեանին գաղափարը։ Զեմ կարծեր որ անարձագանգ մնայ միտք մը՝ որ արժանի է անխորական համակրութեան։ Պ. Զօպանեան ունի անկախ հայ գրագէտի այն պայծառ հանդամանքը, որով ինք-զինքը կարող է հակագիր ընելու մեր ամենուս յարգանքին ու սիրոյն։

«Ազատամարտ» շաբաթաթերթ,
1 Մայիս 1911, թիւ 42

ՎԱՂՈՒԱՆ ԳՐԱԿԱՆՈՒԹԻՒՆԸ

Շաբաթաքերը «Մասիս»ի 1900 Յունիս 24ի թիվին
մէջ (թիւ 26), խմբագրութիւնը իր աշխատակից-
ներուն եւ առհասարակ ընթերցողներուն ուղղած
է հետեւալ Հարցարանը, զոր մտածած ու խըմ-
բագրած էր Արտաշէս Ցարութիւնեան։ Ասոր պի-
տի հետեւին հեղինակին բացատրական մէկ քա-
նի տողերը, իր տեսակէտներն ու եզրակացու-
թիւնը։ Աւելորդ է ըստ թէ այս հարցը ժամանա-
կին մեծ հետաքրքրութիւն արքնցուց եւ ծանօթ-
գրագէտներ, ինչպէս Ռ. Պէրպէրեան, Ռ. Զար-
դարեան, Ռ. Ռբերեան, Յովհ. Գագաննեան,
Ս. Դաւթեան, Արշ. Ալպօյաննեան եւ Շ. Շաւարչ,
իրեմց տեսակէտները պարզեցին շահեկան յօդ-
ուածներով։

Ն.Գ.Բ.

Գրականութիւնը այն ատեն միայն ճշմարիտ ու
անկեղծ է, երբ անիկա կը ներկայանայ իբրև գրաւոր
ցոլացումն ու յիշատակարանը անցեալ ու ներկայ
կեանքի երեւոյթներուն այն ցեղին՝ որուն կը պատկա-

նի, — արտայայտուելով այդ ցեղին գեղեցկագիտական-գրական մասնաւոր խառնութեքին տիրական առանձնա-յատուկ յատկութիւններուն համեմատ:

Սկզբունքով ընդունելէ ետքը այս assertion-ը.

Ա.՝ Կը կարծէ՞՞ թէ մեր ցեղն ընդունակ ըլլայ նշմարտապէս հայ գրականութիւնը մը ստեղծելու:

Բ.՝ Այսօրուան թրքահայ գրականութիւնը ընդհան-րապէս կը համապատասխանէ՞ ակնարկուած պայմաննե-րով հայ գրականութեան մը, եւ, Պոլիս՝ թրքահայերու արդի մտառորական կեանքին իբրեւ գլխաւոր կեդրոն՝ ընդունա՞կ է ու կրնա՞յ ըլլալ այդ գրականութիւնը ե-րեւան բերելու, իր բովանդակ ընդարձակութեանն ու կատարելութեանը մէջ:

Գ.՝ Կը կարծէ՞՞ որ այսօրուան Պոլսահայ-թրքահայ գրականութիւնը պէտք ունենայ նոր ձգտումով մը ներ-շնչուելու, եւ, այս տեսակիտէն՝ ի՞նչ ուղղութեամբ ու ի՞նչ ոգիով կը բաղանք որ կատարուի մեր գրականու-թեան բարեշրջումը վաղուան համար:

Դ.՝ Ի՞նչ կը խորիի գաւառական գրականութեան մասին: Ըստ ձեզ, գաւառական գրականութիւնը ընդու-նա՞կ է ակնարկուած բարեշրջութիւնն իրագործելու, թէ՝ մեր գրականութեան մէջ անոր գոյութեան իրա-ւունքը պէտիտութեան մը, զանգանութեան մը, մաս-նանիւթի մը հանգամանքով միայն ընդունելի կը նկա-տէ՞:

Խսկ եթէ կ'ընդունի գաւառական գրականութեան կարեւորութիւնն ու առաւելութիւնը Պոլսականին վրայ, գուտ հայեցի ներշնչումով ու խսկանութեամբ գրա-կանութիւն մը ծաղկեցնելու ծրագրին իրականացուցման տեսակիտէն, ըստ ձեզ, որո՞նք են այն միջոցները ո-րոնցմով գաւառացի գրագիտները գործնական վիճակը

պիտի ունենային այդ գրական ծրագիրը գործադրելու:

Այդ պարագային, ի՞նչ պիտի ըլլար Պոլսեցի գրա-գէտին դերը՝ վաղուան գրականութեան նկատմամբ, եւ ի՞նչ կը խորիի իր ապագային մասին:

Այս հարցարանին առթիւ, Մասիսի խմբագրութիւ-նը կը գրէր հետեւեալը .—

«Այս հարցումը, — զոր հրապարակաւ կ'ուղղենք մեր հին ու նոր բոլոր գրագէտներուն վազուան հայ գրա-կանութեան նկատմամբ քննութիւն մը կատարելու բաղ-ձանքով, — մեզի թելազրած է մեր բարեկամ ու աշխա-տակից Արտաշէս Յարութիւնեան՝ գաւառացի ծանօթ գրագէտը որ ամէն ձեռնհասութիւն ունի այս տեսակ ձեռնարկի մը: Աւելի պարզ խօսելու համար, ըստնք թէ Յարութիւնեան ինքն է հեղինակը հարցումին՝ զոր իր առաջարկութեան վրայ՝ սիրայօժար կը ստանձնէ Մա-սիսի խմբագրութիւնը, իր թերթին էջերը բանալով այս կարեւոր խնդրին առջեւ, հասնելիք պատասխանները յաջորդաբար հրատարակելու պատրաստակամութեամբ: Ինչպէս կը տեսնուի՝ հարցումը բոլորովին լուրջ հան-դամանք մը ունի, եւ կը փափաքինք կարելի եղածին չափ շատ ունենալ ձեռնհասներու կարծիքը կամ պա-տասխանը, — փոյթ չէ թէ հակիրճ ըլլան կամ ընդար-ձակ — որոնց ամբողջին երեւումէն ետքը, ընդհա-նուր եղակացութիւն մը պիտի գրէ Յարութիւնեան, եւ Խմբագրութիւնն ալ իր կարգին:

«Թէեւ Մասիսի խմբագրութեան կողմէ պիտի ձեռ-նարկուի առանձին նամակներով դիմում ընել ամէն ա-նոնց որոնք անուն մը ունին մեր գրականութեան ու Արագրութեան մէջ, բայց ուրախ պիտի ըլլանք՝ Եթէ

ընդհանուր կերպով՝ իբրեւ իրենց ուղղուած նկատեն այս հարցումը մեր հեղինակները, գրագէտները, հրապարակալիցները, և ինքնաբերաբար պատասխանել յօժարին, առանց անհատական հրաւէրի սպասելու, որուն առաքման մէջ կընան յապազումներ եւ նոյն իսկ թերացումներ պատահիլ:

«Կը սիրենք յուսալ որ մեր սոյն հրապարակային հրաւէրը ինչպէս նաեւ մեր անհատական դիմումները փութեատ ընդունելութեան մը պիտի արժանանան եւ առ առաւելն մինչեւ մէկ ամիս պիտի ստանանք սպասուած բոլոր պատասխանները:»

«Մ.Ա.Ս.Ի.Ս.»Ի ՀԱՐՑԱՐԱՆԻՆ ՇՈՒՐՋ

Բիւրակնի խմբագրութեւնը, գրչի աննկատ շարժումով մը, իր յունիս 27ի թիւով կ'ըսէ թէ, իր թերթին 1898 եւ 1899 ըրջաններուն մէջ իր աշխատակիցները թէ՛ պոլսէն եւ թէ՛ գաւառէն ընդարձակ ուսումնասիրութեան նիւթ ըրին այն չորս հարցումները, զորս Մասիս իր թիւ 26ով ուսումնասիրութեան նիւթ կ'առաջարկէ «Մասիս առաջարկ» խորագրին տակ : Եւ Մասիս այս տաճիք^(*) առաջարկին առիթով հետաքրքիրները կը հրաւիրէ աչքէ անցընել Բիւրակնի նախորդ համարները, ուր անոնք լիուլի^(*) պիտի գտնեն եղեր իրենց հարցամիրութիւնը գոհացնելու նիւթեր: Աւ, իբրեւ վերջաբան, կ'աւելցնէ . «Սպասենք տեսնելու համար թէ արդէն ըսոււածներէն տարբեր բաներ մը երեւան պիտի զա՞ն այս նիւթին վրայ: Բայց պէտք չէ որ մոռացութեան թողուի արդէն կատարուած աշխատութիւն մը:» Որովհետեւ այս գրութեան շեշտը Մասիսի ձեռնարկին վնասակար ու ռեաւու ըլլալու անբացատրելի նպա-

տակ մը կը մատնէ, ինքինքս ստիպուած կը զգամ ընթերցողներուն դիտել տալու թէ.

1. Բիւրակն երբեք, առ գրադարակած է զանազան յօդուածներ Պոլսահայ գրականութեան վրայ այն ձեւով՝ որով կը ձեռնարկէ բանալ այսօր Մասիս:

2. Իր նշանակած թուականներուն Բիւրակն առաջին անգամ ու միմիայն ինեւ հրատարակած է զանազան յօդուածներ Պոլսահայ գրականութեան իսկական նշանակութեան՝ ու գաւառականին ապագայ ընդարձակ կոչումին վրայ, ու Պոլսահայ ո՛չ մէկ գրող իր կարծիքը յայտնած է այս մասին: Երկու տարտամ յօդուածագիրներ միայն գաւառէն բանասիրութեան, ազգագրութեան ու լեզուաբանութեան կարեւորութիւնը երգեցին սովորական ծանօթ եղանակով: Կը յայտարարեմ թէ Բիւրակնի խմբագրութիւնը ինք իր կողմէն աշխատութեան մէջ մասնակցութիւն չէ ունեցած ուղղակի, եւ այդ յօդուածները իր թերթին մէջ հրատարակուած տեսնելու բախտէն զատ՝ գործօն դեռ մը չենք կընար ճանչնալ իրեն համար, որով, արդէն կատարուած աշխատութիւն մը մոռացութեան թողուած տեսնելու վախը, այսօր, իր հաշուին, բոլորովին անտեղի կը դառնայ:

Խնդիրը ուրիշ տեսակէտէ մը նկատելով, չեմ գիտեր թէ գրական կարեւոր հարցի մը մասին բացուած այս քննութեան առթիւ ճշմարտութիւնը խեղաթիւը լուն մէջ ի՞նչ օգտակար ու պարկեցան նպատակ մը կընայ կենալ Բիւրակնին համար. բայց դիտել կուտամ որ, մեր յարուցած ինքերը երբե՛ք իր կարեւորութիւնը չի կորսնցներ, եւ եթէ կրկնութիւն մըն ալ եղած ըլլար ի՞նչ որ չէ — ոչ թէ յետամնաց, այլ օգտակար անհրաժեշտ կրկնութիւն մը եղած պիտի ըլլար մէր ըրածը:

Եթէ Բիւրակն բոլորովին անկեղծ է իր դիտողութեան մէջ, այս ատեն իր հասկացողութեան շրջանակէն դուրս մնացած կ'ըլլայ սա մտածումը թէ նոր գաղափար մը որպէս զի օդտակար իրականութեան մը յանդի, անհրաժեշտ է որ նուիրագործուի տեսակ մը հասարակաց կարծիքով, ու անոր համար որեւէ կրկնութիւն, այս կամ այն ձեւի ներքեւ, ոչ թէ յետամնաց, անօդուտ է, այլ մանաւանդ՝ անհրաժեշտ:

Ցանկալի էր որ Բիւրակնին հրաւիրած հետաքրքրիքներէն ալ այս առիթով իրենց հետաքրքրութեան արդիւնքը ընդհանուրին ծանօթութեան ներկայացնողներ դտնուէին:

Ծ. Խ. Աւելորդ կը սեպենի մեր կողմէ քան մը աւելցնել այս Յայտարարութեան վրայ, որ յստակ կերպով կը հաստատէ արդէն թէ Բիւրակն կամովին կամ ակամայ սխալի մէջ ինկած է՝ այնպէս մը հասկցնել ուղելով իր ընթերցողներուն թէ՝ «Վաղուան գրականութեան» վրայ Մասիսի կողմէ մեր գրագէտներուն ուղղուած հարցումը արդէն իսկ այդ թերթին մէջ ծեծուած խնդիր մը եղած լլլար:

Շաք. «Մասիս», 15 Յուլիս 1900, թիւ 29

«ՄԱՍԻՍ»Ի ՀԱՐՑԱՐԱՆԻՆ ՇՈՒՐԶԸ

«Բիւրակն»¹ prestige է ու վարկէ ինկած թերթը, ինքնագովութեան ու ազգագրա-լեզուագիտա-բանասիրական աքնութիւններու հոչակաւոր fiasco ն, պարզապէս նողկալի կը դառնայ այսօր, վաղուան գրականութեան առթիւ բացուած վիճաբանութեան մէջ: Կ'աղմըկէ, կը բացագանչէ, ձեռքը կուրծքին զարնելու ձեւով կը բողոքէ, — ու դեռ բոլոր զաւեշտական ձեւերը

մէկու մը՝ որուն կարծեցեալ արժանիքները տարակոյսի ներքեւ պիտի դրուէին, — արժանիքներ՝ զորս անժըխտելի ու անվիրաւորելի նկատած էր ինքը: Այլ իր ինքնազով մունետիկի բոլոր խժալուր աղմուկը իրեն նաքարակիտ մըն ալ չի շահիլ տար՝ ի նպաստ իր զատին: Ընդհակառակն: Եւ անոնք որ «Բիւրակն»ը ժամանակէ մը ի վեր, — ու բաւական ժամանակէ ի վեր, — Դաւթեան գործակալութեան ու քրամի անտանելի շրջաբերականին չարափոխուած տեսնելու ցաւը զգացին, այսօր իրենց տխուր համոզումներուն մէջ աւելի կ'ամրապնդուին միայն: Ընթերցող հասարակութիւնը, որ յահախ հրապարակային վիճաբանութեան մը ամենէն կարեւոր dessous-ներուն անդիտակ է, ուզածին պէս կրնայ մեկնել: Այդ հասարակութեան կը յանձնարարեմ, եթէ ձանձրութիւնը կ'արժէ, կարդալ «Բիւրակն»ին նախորդ համարները,

1. Համոզուելու համար իմ նախորդ յայտարարութեանց ստուգութեան: «Բիւրակն»՝ վաղուան գրականութեան վրայ քննութիւն մը եւ ընդարձակ ուսումնասիրութիւններ՝ իր Պոլսեցի ու գաւառացի բազմաթիւ աշխատակիցներուն կողմէն իր համարներուն մէջ լիուլի կատարուած ըլլալ կը հռչակէր, ու այսօր... միմիայն Պ. Գալուստ Անդրէսանի անունը մէջտեղ կը նետէ: Գ. Անդրէսանին, մեր նոր սերունդի ամենէն բեղուն ու հասուն միտքերէն մէկին՝ արժանիքներուն վրայ հիացող մըն եմ. այլ իր յօդուածները, իրենց ինքնուրոյն կարեւորութիւնը պահելով հանդերձ, անմիջական ու բացարձակ աղերս չունին մեր յարուցած խնդրին հետ: Ազգագրա-լեզուագիտա-բանասիրական նիւթերէ բաւական տարբեր բաներ կ'ուզենք քրքրել այս անդամ: Կը սպասենք որ «Բիւրակն» շարունակէ մէջտեղ զնել անունները իր Պոլսեցի ու գաւառացի բազմաթիւ աշ-

խատակիցներուն որոնք գրած են եղեր այս նիւթին վըրաց:

2. Զարմանալու համար թէ՝ արդեօք այս այն միենոյն սիրելի Պ. Դաւթեա՞նն է, որ իր թերթին մէջ լաւագոյն գնահատականները հիւրընկալած եւ գրած էր այն անձին դէմ՝ զոր այսօր Լաֆօնթէնի ճանձին նմանցնելու ողորմելի եւ աղքատ սրամտութեան զուարձութիւնը կը պարզեւէ մեղի: Հասարակութիւնը՝ կրնայ զարմանալ այս ձեւով, իսկ ես՝ նողկանքը ունիմ յայտարարելու թէ՝ այսօր ինծի դէմ իր ասեղի անվնաս հարուածները այնքա՞ն չար մտադրութիւններով փորձել ուզողը այն երջանիկ, այն պարկեշտ, այն ուզումիտ մահկանացուն է, որ դեռ երէկ, բարեկամաբար, — ինչո՞ւ չէ, — կը խնդրէր որ շարունակէի աշխատացի իր թերթին: Ինչէ՞ն է այս հակասութիւնը՝ երէկին ու այսօրուան մէջ: Աս ալ խուրնազ խմբագրի հնարամտութիւններէն չըլլայ:

Բայց բոլոր ատոնք՝ Դաւթեան գործակալութեան ոէքլամի շրջաբերականին ինկած վարկը բարձրացնելու չպիտի ծառայեն ապահովապէս: Ու իբրեւ վերջնական եզրակացութիւն այս քիչ մը անտեղի վիճաբանութեան, ինչ որ ալ շարունակէ ըսել ուզել հնարամիտ գործակալը, Մասիսին ու անոր աշխատակիցներուն վնասակար ըլլալու մտադրութիւնը անոտարակուսելի կը դանենք:

Ծ. Խ. — Կը ցաւինք որ Պ. Արտաշէս Յարութիւնեան այսին խիստ պատախան մը տալու հարկին մէջ գրտնուեցաւ, ինչ որ իր իրաւունքն էր, Բիւրակնի անիմաստ ու անսեղի յարակալուներուն, որոնք բարեկրթութեան սահմանները անցան եւ անձնականութեան տարին՝ լըրագրական հարցի մը կեղծ բողին տակ սկսուած վէն մը (Տե՛ս այս շարաքաքերի յուկիս 18ի թիւը): Խնդիրը

իր պարզագոյն ձեւին վերածելով, մէջտեղ կը մնայ սա անհերքելի իրողութիւնը թէ Բիւրակնի խմբագրութիւնը չկրցաւ ցոյց տալ անունները այն գրագէտներուն որոնք այդ քերը ին մէջ գրած ըլլան «Վաղուան Գրականութեան» վրայ եւ ապաստանցաւ միայն՝ Պ. Գալուստ Անդրէասեանի յօդուածներուն, տարիներ առաջ հրատարակուած: Ասկէ դուրս, ինչ որ գրեց ու գրէ Դաւթեան գործակալութեան ուկանը, խուսափողական բաներ են որոնց չարժեր այլեւս կարեւորութիւն տալ:

Արդէն, ինչպէս կը դիտեն Մասիսի ընթերցողները, երկու պարբերական հանդէսներ՝ մէկը իզմիրէն ու միւսը Պոլսէն՝ բան գործ ըրած են ամենէն տափակ, ամենէն գուեհիկ ոնով վիճաբանութիւններ գրգուել մեզի հետ, միմիհայն նպատակ ունենալով ֆիչ մը ուշադրութիւն հրակիրել իրենց վրայ եւ երկ հնար է՝ Մասիսի վայելած վարկը տկարացնել: Իրենց առաջին նպատակին մէջ յաջողին քերեւս, վասնզի շատեր տեսանք՝ գրասէր ու ընթերցանէր բարեկամներ՝ որոնք Մասիսի պատախանները տեսնելէ ետքը կը հարցնէին թէ ի՞նչ էին Արեւ. Մամուլի եւ Բիւրակնի մէջ գրուածները գրս չէին կարդացած: Գալով երկրորդ նպատակին, ընտրած նամբանին այնքան ծուռ է՝ որ խնդութիւնս կը շարժէ: Մենք պիտի շարունակենք մեր գրական – լրագրական այս համեստ ձեռնարկութիւնը նոյն ուղղութեամբ որուն կը հետեւին ամիսէ ի վեր եւ որ արժանացած է հասարակութեան համականքին, առանց բնաւ ազդուելու այդ երկու քերքերու վարիչներուն գնդասեղի հարուածներէն որոնք գէք ժանգուած չըլլալու առաւելութիւնին ալ չունին:

Ծաբ. «Մասիս»
5 Օգոստ. 1900, թիւ 32

ԳՐԱԿԱՆ ԽՆԴԻՐԸ

ԵՒ

ՌԵԹԵՌՈՒ Էֆ. ՊԵՐՊԵՐԵԱՆ

Ա.

Ապահովաբար, եւ առանց չարամտութեան, Պէրեան էֆ. միակ խոնարհամիտ մարդը գտնուեցաւ Պոլսահայ նախորդ սերունդի այն գրադէտներուն մէջ՝ որոնք անհերքելի մեծութեան մը հռչակովը ոսկեզօծուած տեսան իրենց անունները: Ինքը միակը եղաւ, որ ուզեց նկատողութեան առնել գրական այն խնդիրը, զոր երեւան հանեցինք նոր սերունդէն քանի մը երիտասարդ գրողներ: Անհրաժեշտ է այս կէտը ստորագծել, ի պատիւ իր լայն ու խորաթափանց մտքին: Առ այժմ՝ ուրիշներուն հետ գործ չունինք: Մենք զանոնք հանդիսաւ կը թողունք իրենց արհամարհանքի այն տղայական դիրքին մէջ՝ որուն հաճոյքը այնքա՞ն ախորժով ճաշակել կը թուին: Շնորհակալ ենք Պէրպէրեան էֆ. ին, որ մեզի առիթը կուտայ վերստին արծարծելու, վերըս-

^{*)} Արտաշէս Յարութիւննանի այս յօդուածը պատասխանն է Ռ. Պէրպէրեանի այն յօդուածին, որ լոյս տեսած է 1901ի Մասիսի մարտ 10ի քիւին մէջ: Ն.Գ.Բ.

տին մշակելու դաղափար մը, որուն ապագայ պտղաբերութենէն գրական մեծագոյն բարիքները կը յուսանք սպասել:

Իմ մասիս, մեծ հաճոյքով ճաշակեցի իր յօդուածին բոլոր սրամտութիւններն ու յատկանշական շեշտերը: Զէ^o մի որ ամէն մարդ՝ իր դիրքին յարմար լեզուն պատշաճ է որ գործածէ, եւ Պէրպէրեան էֆ. իր դիրքը ճանչող մարդ է: Այսու հանդերձ, չեմ կարծեր որ իր յօդուածով վերջակէտը դնել առաջարկած ըլլայ գաւառացի այն գրիչներուն՝ որոնք քանի մը տարիներէ ի վեր գրական ամայի հրապարակին վրայ մարզանքներ կը կատարեն: Այդ գրական մարզանքներուն շարունակութիւնը արտօնելը իրօք պղտիկ վեհանձնութիւն չպիտի ըլլար, — բան մը որուն համար ինծի հետ շատեր պէտք է երախտապարտ ըլլան գրականութեան մեծառչակ ու սիրելի վարպետներուն:

Դառնալով բուն խնդրին, Պէրպէրեան էֆ. ի յօդուածը սա ընդհանուր տպաւորութիւնը թողուց վրաս՝ թէ Մարդիկ եւ իրէի հեղինակը «Վաղուան Գրականութեան» հարցը նկատողութեան առած է՝ առանց նախապէս անհրաժեշտ մտադրութեամբ հետեւած ըլլալու հոսանքը առաջ բերող գաւառացի գրողներու հրատարակութիւններուն: Ուրեմն յանցանքը մերը չէ, եթէ Պէրպէրեան էֆ. մեզի ըսել տալ ուղած ըլլայ այնպիսի նաև ուրեմն որոնք գուրս կը մնան մեր ծրագրէն:

Այս յօդուածով, մէկ կողմէն պիտի հերքեմ այն վերագրումները որոնց մեղադրանքը կը ծանրանայ «Վաղուան Գրականութեան» վարկածը պաշտպանողներուն վրայ, միւս կողմէն պիտի ջանամ ընդլայնել այն նկատողութիւնները՝ որոնց համեմատ Պէրպէրեան էֆ. ու մենք տարակարծիք ենք քանի մը սկզբունքի կէտերու վրայ: Ասոր համար՝ չպիտի կարգաւորեմ

քննելի կէտերը, այլ պիտի հետեւիմ քայլ առ քայլ
Պէրպէրեան էֆ.ի յօդուածին:

**

Պէրպէրեան էֆ. կ'ըսէ. «Եւ նախ եւ առաջ, ըստ
մեզ, պէտք չէ որ ինդիր ըլլայ թէ Հայը ինքնայտուկ
գրականութիւն մը ունենալու ընդունա՞կ է:»

Մենք բոլորովին հակառակ կերպով կը խորհինք,
եւ ինձի կը թուի թէ որ եւ է ժողովորդի համար իս-
կապէս ինքնայտուկ գրականութեան մը հնարաւորու-
թիւնը՝ ինքնայտուկ կեանքի մը թէութեամբ միայն
կրնայ դոյութեան իրաւունք ստանալ: Ասիկա, եթէ
չենք սխալիր, այնքան բացայայտ ընկերաբանական
ճշմարտութիւն մըն է, որքան անիմաստ պիտի ըլլար՝
անոր դէմ փորձուած որ եւ է հերքումի ձեռնարկ: Զպի-
տի համարձակէինք նմանապէս ենթադրել՝ թէ այդ
ճշմարտութիւնը նուազ քան առ մեզ ծանօթ է Թշուա-
ռութիւն եւ Գութի բազմահմուտ հեղինակին:

Կ'ուզենք գիտնալ՝ թէ Հայը ընդունա՞կ է ինքնու-
րոյն գրականութեան, վասն զի կ'ուզենք ճշդել թէ ի՞նչ
սահմանի եւ միջավայրի մէջ ունի անիկա աւելլ' ինք-
նուրոյն անհատականութիւն:

Արդ, եթէ կը ներէ որ ըսենք, Պէրպէրեան էֆ.
խորապէս կը սխալի մերժելով կարեւորութիւնը ապա-
ցուցման՝ թէ Հայը ինքնայտուկ գրականութիւն մը
ունենալու ընդունա՞կ է:

Այս հաստատաբանութիւնը ընդունելէ յետոյ էր որ
մենք եղրակացուցած ենք ի նպաստ գաւառներու ուր
մեր ցեղը աւելի՛ ինքնուրոյն կեանքով մը ապրած է ու
կ'ապրի քան Պոլիս կամ ո եւ է գաղթավայրի մէջ: Պո-
լիսը հայ մտքին կեդրոն կրնայ ըլլալ, բայց երբեք՝
հարազատ ներկայացուցիչը անոր նկարագիրներու
առանձնախառնութիւններուն: Պոլիս՝ կեդրոնն է այ-

լասեու բարքերու որոնք իրենց կնիքը կը դրոշմեն ան-
խուսափելի կերպով բոլոր այն դուրսէն եկած տարե-
ուուն վրայ՝ որոնք իրենց ազդեցութեան սահմանին մէջ
կ'իյնան: Պոլսեցի Հայը մեծապէս կը տարբերի գաւա-
ռացի Հայէն: Պոլսական միջավայրին մէջ՝ հայ տար-
բար աշխարհաքաղաքացի ընկերութեան մը ազդեցու-
թիւնը կրած է: Միեւնոյն բանը չէ, սակայն, հարաւի
Ֆրանսացիի մը համար Բարիգեան միջավայրին մէջ:
Շատ խելացի, շատ հմուտ ըլլալու հարկ չկայ՝ այս
ճշմարտութիւնը ըմբռնելու համար, որքան ալ անոնք
euphémisme-ով ըստուած ըլլան:

Պէրպէրեան էֆ. կը կարծէ թէ, քաղաքակրթու-
թեան ազդեցութիւնը շարունակուելով տարածուիլ գա-
ւառներուն վրայ, այս վերջիններուն ալ հայ տարրը
Պոլսականին հետ անխուսափելի հանդիտութիւններ պի-
տի պարզէ: Զարմանալ միայն կը մնայ նմանօրինակ
բարեմտութեան մը վրայ: «Բանիբուն գիտողը» գիւ-
րաւ պիտի կրնայ որոշել այն բոլոր նկարագրի տար-
բերութիւնները՝ որոնք Պոլսահայը կը զանազաննեն գա-
ւառի Հայէն: Պէրպէրեան էֆ. չէ թուիր լոջօրէն նկա-
տած ըլլալ՝ թէ Պոլսահայուն կեանքը մէկ զեղծ վա-
ռիանքն է միայն եւրոպական կեանքին: Տոհմային
նկարագիրը մեծ խաթարումներ կրած է հոն, տեղի
տալու համար օտար բարքերու մակընթացութեան ու
Պոլսահայ գրականութիւնն ալ, մասսամբ ընդօրինակու-
թիւն Փրանսական ոօմանդիլ դպրոցին արտադրութիւն-
ներուն, արտայայտութիւնը եղած է պիտակ ու
օտարացած կեանքին: Խնդիրը Զօհրապի մը, Տիկին
Տիւարի մը, Պէշիկթաշլեանի մը տաղանդները վիճելի
ներկայացնել չէ բնաւ: Բայց ասոնք, ինչպէս գիտած էր
արդէն իմ հմուտ բարեկամս «Հասկաքաղ - Գիշերուկ»
(Սուրիանդակի մէջ այս ինդրոյն նուկիրուած յօդուա-

ծով մը) միայն հայերէն գրող գրագէտներ են առաւելապէս, ինչպէս Եղնիկը իր ժամանակին մէջ: Պոլսահայ գրականութեան վրայ աւելի մանրակրկիտ ուսումնասիրութիւն մը՝ աւելի շեշտուած ձեւի ներքեւ երեւան պիտի բերէր թէ իսկապէս անիկա հեռո՛ւ եղած է հայ կեանքին հանդամանքներուն արտայայտութիւնն ըլլալէ՝ գրականութեան ձեւին ներքեւ:

Պէրպէրեան էֆ. կը կարծէ թէ, առաջարկելով գաւառական գրականութիւնը՝ մենք կ'ուզենք վտարել մեր ծրագրէն մշակումը այն խնդիրներուն ու հարցերուն՝ որոնք առնչութիւն ունին ամբողջ մարդկութեան հետ: Պէրպէրեան էֆ. կը կարծէ թէ՝ տոհմային գրականութիւնը կը սահմանափակենք՝ հին աւանդութիւնները և բարքերը միայն ներկայացնելու շրջանակին մէջ: Ապահովաբար սխալ կանխորշութիւններ միայն կրնան իր միտքը առաջնորդած ըլլալ այդ կասկածն ունենալու, քանի որ այդպիսի բան մը ըսած չենք երբեք:

Գրականութեան մը ձգտումն է որ զինքը կ'ընէ համագույին կամ ոչ: Հեղինակին մասնաւոր մտադրութիւններուն մէջ պէտք է փնտուել մարդկայնութեան միտումը, որ ուղղակի առնչութիւն չունի իր գործին տոհմայնութեան հետ: Այսպէս է որ Թշուառութիւն եւ Գութը, Մայտան եւն ., մշակած են ընկերական ու իմաստափրական հարցեր, առանց ունենալու տոհմայնութեան նշոյլը, մինչեռ, Թոլսթոյ, Տոսթոյիէվսքի, Կօկօլ՝ Ռուս կը մնան, Զօլա՝ Ֆրանսացի, Իպսէն՝ Նորվեկիացի, Սթրինտապէրկ՝ Ցանցմարքացի, հակառակ իրենց երկերուն internationaliste եւ ընկերական լայն ձգտումին: Ու չենք տարակուսիր թէ Պէրպէրեան էֆ. այս նրբութիւնները չհասկցող մարդ ըլլայ: Այս հեղինակներուն տոհմայնութեան գաղտնիքը հո՛ն է որ,

իրենց ընդհանուր գաղափարները իրենց մտքին իմաստափրական ձգտումը՝ մշակման տարրերը քաղած են նոյն իսկ տոհմային կեանքին: Բազմաթիւ առիթներով կրկնած ենք արդէն՝ թէ առանց բարոյական մտադրութեան ու ձգտումի, ամենէ՛ն հաճոյալի գրականութիւնը՝ իսկական նշանակութիւն չի կրնար ունենալ: Ուրեմն Պէրպէրեան էֆ. յանիրաւի կ'ամբաստանէ զմեզ, եւ կ'ապացուցանէ թէ իր Ակատելի կետերը գրած է առանց նկատողութեան առած ըլլալու ինչ որ գրած ենք ժամանակին բազմաթիւ յօդուածներու մէջ:

թ.

Պէրպէրեան էֆ. արհամարհանքով մը կը յիշէ նաեւ գաւառաբարբառներու հարցը: Հակառակը չենք պնդեր թէ Պոլսահայ գաւառաբարբառը, որ արդէն այնքան հանդիտութիւն ունի բազմաթիւ ներքին գաւառներու բարբառներուն հետ, ըլլայ այսօր արեւմտեան Հայերուն գրական լեզուն:

Պոլսահայ լեզուին քերականութիւնն ու ձայնաբանութիւնն է որ թերեւս պիտի ամրապնդուի տակաւին իր գոյութեան իրաւունքներուն մէջ: Բայց իր բառաբանն ու իր գրականութիւնը՝ մեծապէս պիտի ճոխանան զուտ եւ հարազատ գաւառական բարդ կամ ածանց բառերով, որոնց հոմանիշները գոյութիւն չունին, հոմանիշներով՝ որոնք լեզուին երանգները պիտի ճոխացնեն, ոճերով ու յատկաբանութիւններով՝ որոնք լեզուին ջիղերը պիտի զօրացնեն, մկանները ուռեցնեն եւ բնորոշ յատկութիւնները շեշտեն: Պէրպէրեան էֆ. կրնա՞յ պնդել թէ դրաբարը լիակատար բաւարարութիւն տալու ընդունակ է օրուան լեզուին արդի պէտքերուն:

ՄԵՆՔ բնաւ չենք զարմանար որ Պէրպէրեան էֆ .
այսպէս խորհի : Ինքը բնաշրջական միտք մը չէ : Ժա-
մանակին ալ կոռուծ է այն աշխարհաբարին դէմ՝ զոր
այսօր այցա՞ն գեղեցիկ կը գրէ , թերեւս առանց զդա-
լու :

Պէրպէրեան էֆ . կատարեալ խնդրէ չեղումներ ,
digression-ներ կ'ընէ , «արուեստ»ի ու գրականութեան
հարցին վրայ նկատողութիւններ ըրած պահուն :

Վաղուան գրականութեան ներկայացուցիչները ,
ընտեւ չփոթած չունին արուեստին գաղափարը՝ ընդ-
հանուր գրականութեան գաղափարին հետ : Անոնք՝
վաղուան գրականութեան տոհմայնութիւնը կը ջատա-
գովին՝ արուեստի (բանաստեղծութիւն , վէպ , թատ-
րուգութիւն) տեսակէտէն , Պէրպէրեան էֆ . աւելորդ
զիջողութիւն մը ըրած կ'ըլլայ ըսելով . «Ուրեմն գէթ
գրականութեան այս ձեւերուն (ինչպէս , մասնագիտա-
կան ուսումներ , գիտութիւններ , իմաստասիրութիւն ,
լեզուաբանութիւն , բանասիրութիւն , ընկերաբանու-
թիւն , մանկավարժութիւն , եւլն . եւլն .) նկատմամբ
անուշի է անձնուհասութեան խնդիր յարուցանել Պոլ-
ուցի գրապէտներու մասին :»

Ի՞նչ հաճոյք կրնայ կենալ այս տեսակ ախմարու-
թիւն մը վաղուան գրականութեան պաշտպաններուն
վերապրուելուն մէջ : Ո՞ւ , Պոլսեցիները կրնան չզգած-
ուիլ այդ մասին : ՄԵՆՔ երբեք մտքերնուս չոլիսի ան-
ցընենք թէ , օրինակի համար , Պէրպէրեան էֆ .ի ման-
կավարժի եւ ուսուցչի արժանիքը կրնայ նուազիլ ,
շատն ոի ինք Պոլսեցի է :

«Իսկ յաւէտ արուեստադիտական նկարագիր ունե-
ցող գրական սեռերուն համար նիւթին եւ առարկային
խորապէս տոհմայնութեան կամ մանաւանդ գաւառա-

կանութեան պահանջումը բացարձակապէս օրինաւո՞ր
է :» ՄԵՆՔ կը պատասխանենք . գրագէտի մը տաղանդը ,
զոր մանաւանդ կը յարգենք իր ուրոյն յատկանիշներուն
ու հակումներուն համեմատ , որ եւ է գրական դրու-
թեան մը (ումանթիզմ , նաքիւռալիզմ , եւլն .) կանոն-
ներուն հպատակեցնելու միտքէն հեռու ենք : Ընդհան-
րապէս խօսելով , եւ ո՞չ թէ բացարձակապէս , վաղուան
գրականութեան ամբողջութեան համար , արուեստի
գործերուն նիւթին տոհմայնութիւնը կը ջատագովենք ,
առանց հիմնական մերժումի մը մէջ ուրանալու իսկա-
տիպ տաղանդներուն աղուոր անհեթեթութիւնները՝
որ գոյութիւն կրնան ունենալ ամէն տոհմի գրականու-
թեան մէջ : ԶԵՆՔ ալ ժխտեր արժէքը Օոխանթաներուն ,
Նաչէզներուն , Սալամպօին , Մատամ Քոիզանթէմին ,
Մարիամ տը Լօթիին , եւ բոլոր տարաշխարհիկ վէպե-
րուն՝ որոնք Փրանսական ընդարձակածաւալ գրակա-
նութեան մէջ պատիկ սիրուն ածու մը կը ծաղկեցնեն
միայն : Ասոր համար է որ կ'ընդունինք թէ Պոլսահայ
գրականութիւն մը կրնայ գոյութիւն ունենալ իբրեւ
մաս ամբողջին : Բայց ճշմարիտ գրականութեան մը
ընդհանուր յատկանիշը կը կայանայ էապէս իր ցեղայ-
նութեան մէջ : Ճնդիկ գրականութիւնը՝ հնդիկ հոդիին
ճառագայթումն է , իր մասնաւոր խաւնուածքին հա-
մեմատ . հեթանոս Յունաստանը՝ իր քաղաքակրթու-
թեան մեծ մասը կը խաւցնէ իր մատենագրութեան
մէջ՝ իր ինքնուրոյն նկարագրին համեմատ : Միեւնոյն
բանը կրնան ըսել բոլոր ազգերու գրականութիւննե-
րուն համար : Ու որքա՛ն անձուկ , որքա՛ն ալ սահմա-
նափակ ու համեստ՝ հայ գրականութիւն մըն ալ հայ
խմորին առանձնայատկութիւններուն արտայայտու-
թեամբը կրնայ գոյութիւն ունենալ : Այս ըմբռնումին

Համեմատ, ի՞նչպէս ընդունիլ թէ Պոլսահայ գրականութիւնը կրցած է ըլլալ իսկապէս տոհմային գրականութիւն։ Եթէ նոյն իսկ Պոլսահայ գրականութիւնը ուղղակի արտայայտութիւնը եղած ըլլար Պոլսահայ կեանքին, մեծ բան էր նորէն։ Պարոնեան մը միայն ունինք, որ կրցած է իսկատիպ հայ գրականութիւն մը ընել, եւ Ռուսահայերուն հոտառութիւնը այդ բանը կրցած է մեր ուշադրութեան յանձնել։

Եթէ միջավայրին ու վայրկեանին քննութիւնը կը բացարէ արուեստի զործերուն նկարագիրը, եւ եթէ կրնանք վերջապէս սահմանել այն պայմանները՝ որոնք անհրաժեշտ կը դառնան տոհմային գրականութեան մը կարելիութեան, ապա ուրեմն չմերժենք գաւառական ըսուած գրականութեան կարեւորութիւնը։ Իրաւ, գաւառը չտուաւ դեռ մեզի այն գրագէտը՝ որ տոհմային գրականութեան ճամբան պիտի հարթէր, բայց նկատելի է թէ, գաւառը մասամբ զուրկ գտնուած է մտաւորական զարդացման բոլոր պայմաններէն եւ միւս կողմէն ուղղակի ազդուած է Պոլսահայ մտքէն։

Ինդիրը ա'յն է թէ, Պոլսեցիի ու գաւառացիի կոիւ մը չէ գոյութիւն ունեցողը, ինչպէս դիտած էր արդէն «Հասկաքաղ - Գիշերուկ»։ Գրականութեան մէջ ինքնաճանաչման եւ ինքնամփոփման փորձ մըն է զոր կ'ուղենք ընել, իսթաբումէ ու օտար հակազդեցութենէ զերծ։ Անոնք որ անխափ ու խոր դիտակցութիւնը ունին վաղուան գրականութեան կարեւորութեան, չպիտի սպասեն որ Պոլսեցիները նուիրագործեն զանի։ Գաղափարը իքնին պիտի լնդունուի՝ ճշմարտութեան ուժին չնորհիւ՝ զոր իր մէջ կը պարունակէ։ Մտածելու նոր եղանակ մըն է ասիկա՝ որ այսօր հաղիւ թէ կը ծընծնայ, բայց վաղը հոսանք պիտի կազմէ, ու անոնք որ այսօր կը յամառին ճշմարտութեան լոյսը ուրանալ,

Հաւատացեալներու պիտի փոխուին առանց գիտնալու, ինչպէս աշխարհաբար գրել սկսան առանց ուղելու։

Շաբ. «Մասիս»
7 Ապրիլ 1901, թիւ 14

ԵԶՐԱԿԱՑՈՒԹԻՒՆ

Վաղուան Գրականութեան վրայ քննութիւն մը բանալու նպատակով ծանօթ Հարցարանը հրատարակուած աստեն խոստացած էի ընդհանուր եղրակացութիւն մը հանել ստացուած պատասխաններուն ամբողջութենէն:

Այսոր՝ այդ եղրակացութիւնը իր բնական ճամբէն շեղած է: Պատճառն այն է որ ձեռնարկը գրեթէ վրիպանք մը եղաւ ու փոխանակ Վաղուան Գրականութեան վրայ քննութիւն մը կատարուելու, վիճաբանութիւն մը միայն տեղի ունեցաւ:

Գիտէ՞ք ինչու:

Անոր համար որ, մեր ամենէն մեծահամբաւ գրադէտներն իսկ տակաւին չեն հասկցած թէ ի՞նչ է լրագրական եղանակով պատասխանուի անոր:

Մեր բարքերը ինչպէս փորձը ցոյց տուաւ, այս տեսակ նրբութիւններու եւ պատշաճութիւններու վարժութիւնը չունին եղեր տակաւին: Անշուշտ ներելի չէ շատ զարմանալ: Բայց աղէկ կ'ըլլայ որ անդամ մը բացատրենք թէ ի՞նչ է այս տեսակ եղանակով պատասխաններու եւ հանդէսներու մէջ:

Օրուան նորութեան մը, իմաստասիրական, գրական, ընկերաբանական սուր ու շահեկան հարցի մը

մասին մասնաւորներու կամ հասարակութեան կարծիքը հաւաքելու եւ ընդհանուրին ուշադրութեան յանձնելու համար տեղի կ'ունենան ընդհանրապէս լրագրական եղանակով: Ասոր համար քանի մը ձեւեր կրնան ի գործ դրուիլ: Հարցումը կամ մէկ անգամէն հրապարակ կը նետուի թերթին մէջ, ուղղուելով հասարակութեան, եւ ստացուած պատասխանները հրատարակելով, — ինչ որ տեսակ մը քլեիսիտ է — եւ կամ, — եւ ասիկա գործածուած ձեւերուն լաւագոյնն է, — նախապէս կ'ուղղուի մասնաւոր նամակներով ծանօթ անձնաւորութիւններու, որոնք կը փութան իրենց կարծիքը եւ կամ պատասխաններու անկարողութեան չքմեղանքը գրաւորապէս յայտնել, անպատճառ, առանց զանցառութեան, — չթերանալու համար դէթ քաղաքավարական հարկի մը առջեւ:

Այս վերջին ձեւին մէջ, Հարցարանը կ'ունենայ ընդհանրապէս ինքնին բոլորովին չէզոք բնութիւն մը: Պարզապէս հարցարան պարոյր մըն է ան, առանց կանխակալ թելադրութիւն մը ի գործ դնելու մտադրութեանը այն անձին մտքին վրայ՝ որուն կ'ուղղուի: Այս պայմանին մէջ, Հարցարանը հրատարակող Հանդէսը, անտարակոյս ունենալով հանդերձ իր մասնաւոր կարծիքն ու մտածումը, երբեք մտքէն չանցըներ որ իր ընդունելիք պատասխանները անպատճառ համակարծիք ըլլան իրենին հետ, ու, անխտիր կը հրատարակէ նըպատաւոր կամ աննպաստ պատասխանները բոլոր անոնց՝ որոնց գիմած էր իրենց կարծիքը ունենալու հետաքրքրութեամբը: Եղրակացութիւնը՝ զոր ինք կը հանէ, ոչ այլ ինչ է եւ կրնայ ըլլալ արդէն՝ բայց եթէ դասակարգութիւն մը եւ հակակշու մը յայտնուած կարծիքներուն բնութեան: Ամէն տեսակները կրնան գոյութիւն ունենալ հոն. կարծիքներ՝ որոնք իրարու կը

ժպտին, զիրար կը համբուրեն կամ իրարու կռնակ կը դարձնեն պարզապէս։ Բայց պատասխանողներէն ո՛չ մէկը մտքէն կ'անցընէ հարցումին սահմաններէն դուրս ելլել, օրինակի համար ըսելու՝ թէ ինչո՞ւ ատանկ հարցում մը կ'ըլլայ իրեն, թէ՝ անտեղի է ան, կամ անոր հեղինակը անընդունակ յաւակնոտ է, եւլն։ Վասն զի կ'ըմբռնէք թէ ի՞նչ ցաւալի անփափկանկատութեան մը մեղադրանքը կրնայ հրաւիրել իր վրայ՝ այդ ընթացքը բռնող մէկը, ինքինքը պարզապէս ծիծաղելի դրութեան մը մատնելով։

Հարցումին տէրը կրնայ անտարակոյս իր եղրակացութեան մէջ ապրեցնել նաեւ իր անձնական հակումը եւ մտադրութիւնը։ Բայց այս Հարցարանին սահմանէն դուրս միայն իրաւունք ունի քննադատելու կարծիքներ՝ որոնք կրնան աննպաստ ըլլալ իր կանխամտածութիւններուն։ Ճիշդ միեւնոյն իրաւունքով, Հարցարանին սահմանէն դուրս մնալու պայմանին մէջ միայն կրնան քննադատուիլ հարցումը հրապարակ հանողին անհատական կարծիքները։

Ահա՛ այս ձեւին ներքեւ տեղի կ'ունենան ըզգէն ները եւրոպական հանդէսներուն կամ թերթերուն մէջ։

Մասիսի խմբադրութեան հետ համերաշխօրէն՝ մէնք ալ գրեթէ այս ձեւին ներքեւ ուղեցինք քննութիւն մը բանալ Վաղուան Գրականութեան վրայ։

Ինչ որ սակայն տեղի ունեցաւ՝ ակնկալութիւններու հակառակն էր։ Առաջին օրէն էսնաֆական նախանձուութեան լեղին դուրս տուող պատուելիներու թէլլալներ ու ինքնադովութեան յաւակնոտ մունետիկներ գտնուեցան արդէն կարգ մը թերթերու մէջ։ Եւ բոլոր այն սնափառութիւնը արհամարհող եւ համբաւամոլութենէն փախչող պատուական գրագէտներէն, որոնք այնքան շուտով փութացած էին իրենց առաջին հրա-

տարակութեան տպաւորութիւնը վերյուշել զգայուն ու գեղեցիկ շարադրութեան մը մէջ, ո՛չ ոք գտնուեցաւ որ հարցումին պատասխանէր, անոր իւրաքանչիւր հատուածանիշերու կարգին համեմատ։ Երկու երեք հոգի միայն բարեհաճեցան պատասխանէլ, առանց սակայն հարցարանին պայմանները լիովին յարգելու փափկանկատութեան։ Անոնց մէջ գտնուեցան նաեւ՝ որ գատափետեցին հարցարանին նկարագիրը, քննադատելով նոյն իսկ անոր ձեւն ու հեղինակը։

Անսակնկալ մըն էր ասիկա, զոր կրեցինք, յաջորդող ընդհանուր լուութեան մը մէջ, սպասելով մինչեւ այն օրը ուր Պոլսահայ գրականութեան ապագայ վաճառականներէն մին յարձակման նշանը կուտար վերին աստիճանի լուրջ հնարամտութեամբ մը։ Եւ ահա՝ անհամբեր սպասումի մը մէջ հատնողները ամէնքն ալ իրենց խորչերէն դուրս եկան խուռներամ։ Երեւան եկածը՝ շփոթ ու խացուցիչ աղմուկ մըն էր մանաւանդ, եւ գրական Փանթէզիի ու գրական ժամանցի բոլոր թեթեւամտութիւնները չխնայուեցան հասարակութեան համբերատարութեան, նոյն իսկ իրենց քմահաճոյքին մէջ ինդէրին լրջութիւնը արհամարհելու եւ ծաղրելու ողորմելիութեան մը ախտանիշերը ցոյց տալէ չզգուշանալով։ Յարձակումը, որ երկարատեւ եղաւ ու իր chef-ի signal-ին ամէն կերպով արժանի, կը շարունակուի գեռ, առանց զիս կամ իմ գրչի կոռւի եղբայրակիցներս անհանգիստ ընելու։ Անիկա կրնայ դեռ շարունակուիլ, ուղղակի կամ անուղղակի, այս կամ այն ձեւին ներքեւ, որքան ատեն որ ուզէ։ Անոր բանաւոր նշանակութիւնը իմ ջղայնութիւնս ցնցելու կամ դիւրազգածութիւնս վիրաւորելու չափ կշիռ չունի։ Վասն զի պէտք չունիմ համոզելու թէ՝ մարդ իր չհասկցած եւ հետեւաբար չսիրած բանը մանաւանդ տրամադիր կ'ըւ-

Հայ թեթեւամտօրէն, քէյֆէ, Փանթէզիի, ժամանցի
համար ծաղրելու:

Միայն թէ չեմ կրնար չնշանակել այս իրողութիւնները իբրեւ բարացուցական վաւերանիշ մեր դրական կեանքին մէջ: Այս ձեռնարկին, որ ա՛յնքան աղմուկ հանեց, ու ա՛յնքան պարկեշտ գրադէտներու համբաւին սպառնալու հանդամանք մը ունեցաւ, բնական եզրակացութիւնը շատ օգտակար կրնայ ըլլալ մեզի համար: Նախ սորված կ'ըլլանք թէ գրական կեանքին մէջ ի՞նչ է հասկացողութեան ու նրամտութեան աստիճանը՝ մեր ամենէն համբաւաւոր կուռքերուն, եւ յետոյ, կ'իմանանք թէ տարբերութիւն մը կա՞յ մեր ու եւլուպական աղգերու գրական բարքերուն ու բարեկրթութեան աստիճանին միջեւ:

Ահա՛ այս է միայն Վաղուան Գրականութեան հարցարանին եզրակացութիւնը, որուն ա՛յնքան անհամբեր ու չնչասպառ հետաքրքրութեամբ սպասողներ կան եղեր, — այն պատասխաններուն ու այն վիճաբանութեան համեմատ՝ դորս մամուլը հրապարակ հանեց:

Իսկ թէ, Վաղուան Գրականութեան խնդիր մը անկախօրէն Մասիսի Հարցարանէն կրնայ գոյութիւն ունենալ ու վիճաբանութիւն՝ անհերքելի է անշուշտ: Վասն զի ոչ ոք, առանց տկարամտութեան, իրաւունք պիտի կրնար ունենալ աս ու ան արդիւն ջանալու՝ մեր գրականութեան յոռի ձգտումները քննադատելու եւ մտածման նորագոյն հորիզոններ ու գրական նորագոյն արշալոյսներ մատնանշելու տրամադրութեան մէջ:

Շաք. «Մասիս»

30 Յունիս 1901, թիւ 26

Ի ՄԱՍԱՍԻ ՐԱԿԱՆ

(ԱՆՑԻՊ ԷԶԵՐ)

Աշխարհի մէջ ամէն ոք իր բարոյականը կը գործադրէ, անձնական մասնաւոր ճշմարտութեան մը համեմատ: Ի զուր մարդիկ կը հետապնդեն բացարձակը՝ ճշմարտութեան ու բարոյականին ուղղութեամբ: Իւրաքանչիւրին շահը, — բազմապիսի ու բազմերանդ շահեր կան — հիմը կը կազմէ իր ճշմարտութեան: Անոր վրայ կը կառուցուի իր բարոյականին դիւրաբեկ այլ իրական պալատը: Անոր համար է որ գարերէ ի վեր բոլոր բարոյականներն ու բոլոր ճշմարտութիւններն իրարու գէմ կը ծառանան եւ աշխարհը տակնու վրայ է միշտ: Պայքարին եղրակացութիւնը կը ճշդէ բարոյականութեանց եւ ճշմարտութեանց յարաբերական եւ պարագայական արժէքը: Յաղթականները լաւագոյնները կ'ըլլան: Պարտուածները՝ անշահասէր: Ճշմարտագոյն ճշմարտութիւններն անոնք կը մնան՝ որք ամենէն աւելի ուժ ունին եւ կեանքի կարողութիւնն ամենէն աւելի կանգուն բռնելու կը նպաստեն: Բանապաշտութեան (rationalisme) սառուցեալ մթնոլորտին մէջ բիւրեղացած բարոյականը եւ կենդանի

մարդուն կիրքերու մէջ եռուզեռ եկող բարոյականը
կարելի չէ համաձայնեցնել իրարու հետ : Եւ ի՞նչ հեգ-
նութիւն, ասիկա մեծ մասով անբարոյականութեան
բարոյականն է :

* *

Արդարութիւն, ճշմարտութիւն, հաւասարութիւն,
եղբայրութիւն . ասոնք վերացական գեղեցիկ տեսիլներ
են : Ուրեմն, ըստ սահմանումին, մտատիպ կաղապար-
ներ, պղատոնական կատարեալնախաճեւեր, որք հոն,
այդ ցրտորէն մեծվայելուչ ու անմերձենալի սահման-
ներուն մէջ միայն բացարձակ իմաստ մը ունին : Իջնելով
սպրող եւ հրատապ մարդկային իրականութեան մէջ,
ուր ամէն բան կը շարժի, ուր ամէն բան անհաստատ
դետնի մը վրայ կ'ալեծփի, կը ձեւազեղծուին եւ հազար
կտոր կ'ըլլան անոնք : Այլ եւս արդարութիւն մը, ճշ-
մարտութիւն մը, եղբայրութիւն մը, հաւասարութիւն
մը չկան : Կան միայն արդարութիւններ, եղբայրու-
թիւններ եւ հաւասարութիւններ, որք զիրար կ'անիրա-
ւեն, զիրար կը հերքեն, զիրար կը մատնեն, զիրար կը
հալածեն . եւ ասիկա է մարդկային կատակերգութիւնը :

Կեանքը յաղթանակներու յաջորդութիւն մըն է,
եւ ուժը՝ բացարձակ պայման յաղթութեան : Հին հեղ-
նական ճշմարտութիւն՝ ուժին է իրաւունքը, արդա-
րութիւնը : Մարդիկ կը կարծեն թէ ճշմարտութեան
վրայ կրթնած արդարութիւն մը կայ, որ օր մը կը յաղ-
թէ անվրէպ՝ ի հեծուկս արդարութեանց եւ անիրաւու-
թեանց առժամեայ յաղթանակին : Միամտութիւն եւ
պատրա՞նք : Իրապէս այդ չէ պատահածը : Ուժեր կան,
որք իրարու կը բաղխին, եւ յաղթողը ամէն անդամ կը
հոչակէ ու կը պարտադրէ իր ճշմարտութիւնը : Կեան-
քը գեղեցիկ պչրուհին է, որ ամենէն աւելի ուժովին,

որով եւ ամենէն աւելի բեղմնաւորին անձնատուր կ'ըլ-
լայ :

*

Միշտ անբացատրելի եւ խոռվիչ տարտամութիւն
մը կայ բոլոր այն մեծ նպատակներուն մէջ՝ առ որ
կ'ընթանայ մարդկութիւնը, չէ թէ բանավարական ցըր-
տութեամբ մը, չէ թէ իր եղբակացութիւններուն մէջ
նախատեսուած առաջադրութեամբ մը, այլ բնազդնե-
րով եւ զգացումներով հրդեհուած թափով մը :

*

Մարդու մը մահը տիեզերքի մը փլուզումն է :

*

Իմաստասէրին համար, որ առօրեայ կեանքին եւ
լափիչ մանրամասնութեանց հոգէն ազատագրուած կը
զգայ ինքզինք, որ, Նիչէի համեմատ, կրցած է թերեւս
իր մէջ ստեղծել «անժամանակակից» հոգի մը, անցեալ
կամ ապագայ ժամանակներու մէջ ապրող, որ կամաւոր
թէ անգիտակից պատրանքներու մէջ, ինքնախարէու-
թիւններու մէջ՝ շահեր, նկատողութիւններ, յաջողու-
թիւններ վինտուելու ստրկութենէն կը ձգտի ձերբազա-
տել իր ազատատենչ հոգին .— որքա՞ն տիսուր, որքա՞ն
ձղիմ է այս մարդկութիւնը, որ նենդօրէն զիրար կը
բգկտէ, զիրար կ'ուտէ, գարշելիօրէն նուիրական եւ
ոճրապարտօրէն անըմբոնելի ցնորդներու անունով, որք
կը կոչուին՝ կրօնք, ազգութիւն, հայրենիք : Իմացական
ու բարոյական բարձրագոյն գիտակցութեան հասած
(անկարելի) մարդկութեան մը համար, այդ խարէու-
թեանց կամ այդ բառերուն ոչ մին գոյութիւն պիտի
կրնար ունենալ, իրենց արդի անձկամմիտ ու խտրապաշտ
ձեւին ներքեւ : Իմացական ձերբազատութեան բարձրա-
գոյն աստիճանին հասած մարդը՝ ոչ մէկ խնդիր ու ոչ
մէկ խտիր կը տեսնէ անհատներու եւ ցեղերու միջեւ՝

Եթէ ոչ իրենց բնական անհաւասարութիւններու ներելի խնդիրը՝ որ բանապաշտօրէն թերի տիեզերքի անյաղթելի բարոյականը կամ անբարոյականութիւնն է:

Բոլոր մեծ իմացականութիւններն ու բոլոր մեծ հոգիները, որք հայեցողական եւ իմաստասիրական կացութեան մը կարելիութիւնը գտած են իրենց մէջ, զգալի չափով զերծ մնացած են խտրական ցնորդներէ : Բայց մարդկութիւնը իմացականութեան պատրաստած օրէնքները շատ չի ճանչնար : Մարդկութիւնը կ'ապրի՝ զինքը զսպանակող զգածական տարրերու փոթորկալի ալեկոծութեան մէջ : Վասն զի վերջին պահուն՝ իմացականութիւնը կը մեռցնէ, մինչ զգացումը կ'ապրեցնէ :

*

Մարդկութեան մէջ խտրական անիրաւութիւնը կը տիրապետէ, կարողութիւններու եւ ընդունակութիւններու ամենամեծ ու անյաղթելի անհաւասարութեան մը իրականութեամբ : Ես հաւատք չունիմ այն գեղեցիկ ու համայիչ իտէալին վրայ թէ՝ օր մը աշխարհի բովանդակ մարդկութիւնը, բնաշրջութենէ բնաշրջութիւն ձգուած՝ պիտի հասնի՝ քաղաքակրթական հաւասարիչ ու հարթարար այնպիսի մակարդակի մը, ուստի բոլոր գիտակցութիւնները պիտի մղուին միեւնոյն բարոյական ու մտաւորական վեհագոյն սկզբունքներէն՝ հիմնելու համար աշխարհի վրայ այնքան փափագուած ու երազուած արդարութեան զերագոյն յաղթանակը, և երկրաւոր դրախտը : Ասիկա անհաւաստալի է հակառակ անոր որ տեսակէտով մը այնքան զեղեցիկ է, հակառակ անոր որ մերթ լաւագոյն մարդոց լաւագոյն բաղձանքներէն մին է : Ասիկա անհաւաստալի է՝ բնութեան խտրապաշտ անբարդարութեան իսկ հետեւանքով :

Շատ գեղեցիկ, շատ բարեմաղթելի, բանաւոր չէ վերջապէս մտաքերել մարդկութիւն մը՝ հաւասար աստիճանով բարձրացած բարոյական եւ իմացական գիտակցութեան միեւնոյն կէտին . բնութիւնը այնքան անհաւասար բաժանուամ մը ըրած է թշուառ մարդկութեան մէջ՝ Փիղիքական հիմերու, բարոյական բնազդներու, մղումներու եւ իմացական ընդունակութիւններու : Երբ մանաւանդ՝ բարոյական ու մտաւորական բնական ազնուապետութիւն մը կայ ու կը մնայ, մինչդեռ մարդկութեան ստուարագոյն հատուածը, ողբալիօրէն անժառանդ, եւ անբաւական պիտի մնայ, հակառակ բոլոր կարելի մանկավարժութիւններու, հակառակ բոլոր ընկերային դեղաբանութեան :

*

Քաղաքական օգտապաշտութիւնը գիւանագիտութեան օձագալար ճամբով յարաժամ կը ձգտի իրարմէ հեռացնելու եւ իրարու թշնամացնելու միայն ցեղերն ու ազգութիւնները : Մտաւորական օգտապաշտութիւնը, գրականութեան ու գեղարուեստներու ճամբով, զանոնք կը մերձեցնէ ու կը բարեկամացնէ իրարու :

Բարոյական ու կենցաղագիտական խրատները՝ մոգական յատկութիւններով յուռութներ չեն : Անոնց լաւագոյններով կարելի չէ հրաշագործել ապրելու երջանկութիւնը : Բոլոր յուռութքները ներքնուրոյն (intrinsèque) արժէքէ զուրկ են : Ամէն անզամ զիրենք կրողին արժէքը միայն ունին անոնք : Եւ, այս տեսակէտով, ի՞նչ անհաւաստ զանազանութիւն արժէքներու : Գտած ըլլալ երջանկութեան ճամբան՝ անշուշտ տեսակ մը պարծանք է մարդկային իմացականութեան համար : Գտած ըլլալ զայն՝ տեսականօրէն հիմնած ըլլալ կը

նշանակէ կեանիքի գիտութիւնը: Բայց կարծել թէ կեան-քի գիտութիւնը հիմնած ըլլալ կը նշանակէ նաեւ լու-ծած ըլլալ մեծ խնդիրը, այսինքն գտած ըլլալ եր-ջանկութեան դեղահատը թերեւս միայն խոստո-վանիլ է բարենպատակ մտքի մը սրտառուչ պար-զութիւնը: Ապրելու գիտութիւն մը կրնայ ըլլալ, ինչ-պէս կայ գրելու դիտութիւն մը: Բայց մարդիկ կ'ապ-րին ճիշդ ու ճիշդ այնպէս՝ ինչպէս կը գրեն — այսինքն ո'չ թէ ինչպէս կը խորհին կամ կ'երազեն, այլ՝ ինչպէս կրնան: Ապրելու արուեստ մը կայ ճշդիւ այնպէս կայ գրելու արուեստ մը, եւ մենք կեանքը կ'արժեցնենք այնքան որքան կ'արժէ մեր ապրելու բնատուր հանձա-րը, բնատուր մեր ընդունակութիւններուն:

*

«Երջանկութիւն ու յաջողութիւն ո'չ թէ պարագա-ներէն՝ այլ մեզմէ կախում ունին» կը վճռեն առհասա-րակ երջանիկ ու յաջողած մարդիկը: Միեւնոյն բանը բախտին կը վերագրեն ուրիշներ: Մինչեւ մարդը շատ ճիշդ է: Լա՛ւ, մարդն ո՞վ է, բացարձակ մեկնակէ՞տ մը, առաջին պատճառներու աղբիւր մը, թէ ողորմելի տեսակէն արարած մը: Ուրեմն որ եւ է կախում չունի՞ անիկա: Յետոյ բոլոր մարդիկ միեւնո՞յն աստիճանով եւ միեւնո՞յն եղանակով կախումներ ունին: Յետոյ նաեւ, մարդիկ տէ՞րն են իրենցմէ բղխող ներքին պատ-ճառներուն, եւ նոյն իսկ զիջողաբար ընդունելով պահ մը ազատ կամեցողութեան վարկածը, մարդիկ հաւա-սար չափով կարո՞ղ են տէր ըլլալ իրենց նկարագիրը շինող բարոյական եւ ֆիզիքական հանգամանքներուն: Աւելի իրական կը թուի թէ, աւա՛զ, մարդիկ են՝ ինչ որ կը ծնին, աւելի կամ նուազ չափով ընդունակ, աւելի կամ նուազ չափով օժտուած եւ բոլորովին ան-

համանման՝ քանակականօրէն եւ որակականօրէն, ի-րենց կազմին, իրենց խառնուածքին, իրենց իմացակա-նութեան, իրենց ամբողջութեան տեսակէտով: Ման-կավարժական կամ մարդավարժական դեղագիրները հիմնալի են, բայց հրաշք չեն կրնար գործել: Առ առա-ւելն՝ եղանակաւորումներ — եւ ո'չ թէ հիմնական փո-փոխումներ — կը բերեն անոնք մարդուն մէջ:

Մեր իմացական ընդունակութիւններուն համե-մատ, ամենէն այլազան ու ամենէն հակընդդէմ գաղա-փարները կրնանք ունենալ, օրինակի համար՝ լաւա-դոյն գաղափարներ կեանքի իմաստուն գործածութեան տեսակէտով: Կրնանք որդեգրել զանոնք՝ ճիշդ ինչպէս կրնանք որդեգրել զրագիտութեան կամ քերականու-թեան օրէնքները: Բայց առաջինները ա'յնքան միայն նշանակութիւն ունին կեանքի բարւոք գործածութեան մէջ որքան վերջինները գրականութեան մէջ:

Կ'ապրինք այնպէս՝ ինչպէս կը տրամադրէ մեր խառնուածքը, մեր sensibilité ն: Գլխարկ մը փոխե-լու դիւրութեամբ կրնանք փոխել մեր գաղափարները, բայց մէկ եղանակով միայն կ'զգանք — այսինքն այն-պէս՝ ինչպէս կրնանք:

*

Զուտ հաւատքը հոգեկան վիճակ մըն է, եւ ըստ ինքեան բացարձակ ու անվիճելի: Հաւատքը մեծ ուժ-մըն է անշուշտ, հաւատքը կը խանդավառէ, հաւատքը կրնայ հրաշքներ գործել անշուշտ: Բայց հաւատքը մա-նաչողութեան մեթոս մը չէ, կամ նոյն իսկ օժանդա-կութիւն մը՝ բերուած ի սպաս գիտութեան:

*

Կը թուի թէ մարդիկ պէտք չունին անհրաժեշտա-

պէս՝ որ եւ է փայլուն ջնարակով — օրինակի համար կրօնական դաստիարակութեան օրհնեալ ջնարակով — թրծուելու, ամուր անօթներ ըլլալու համար: Բայ իս՝ ջնարակը միշտ երկրորդական է: Խնդիրը կաւին վրայ է: Կաւը պէտք է զուտ, մաքուր ու աղնիւ ըլլայ: Ապա թէ ոչ՝ ամենէն փայլուն ջնարակը արգելք չի կրնար ըլլալ որ անօթը հնոցին փորձութեան մէջ չճաթի:

✿

Սիսալ է թերեւս իմաստասիրական վարդապետութեան մը բարոյական եզրակացութիւններուն՝ գործնական եւ վաւերական նկարագրիր մը ճանչնալ բարքերու սահմանին մէջ: Իմաստասիրութիւնը ճանաչողութեան միջոց մըն է միայն: Գաղափարը եւ դիտութիւնը ուղղակի չեն ազդեր մեր բարոյական նկարագրին վրայ՝ որ մեր միտումներուն գործն է մանաւանդ: Վասն զի ահա՛ ամենէն ազնիւ, ամենէն վեհ բարոյական վարդապետութիւն մը. քրիստոնէութիւնը. — եւ ամէնքս ալ քրիստոնեաներ չե՞նք միթէ — որուն անունով տիսուր էջեր կը մնան պատմութեան մէջ, որուն հովանաւորութեան ներքեւ՝ մարդկութիւնը ցեխի ու թշուառութեան մէջ կը լողայ այսօր: Խնդիրն այն է թէ բարոյական արդարացումի մը կը կարօտինք՝ մեր բոլոր արարքներուն համար: Ելքի ճամբայ մը անհրաժեշտ է մեզի: Եւ, պատշաճութեան համեմատ կամ ըստ բախտի՝ կը դանենք փախուստի ճամբան — արդարացումը՝ ձեռքի տակ գտնուած փիլիսոփայական կամ բարոյական դրութեան մէջ:

✿

Դասական մշակումը՝ խստաճաշակ, բժաինդիր մաքրասիրութեամբ հարուստ կահաւորման մը նշանակն է: Ասիկա խիստ լաւ է, երբ միանդամայն հմտական

է ու դրական: Եւ եթէ վարժապետական կամ պատուելիական մտքերու մէջ — միջավայրի ինդիր — այնքան քիչ գրական է ընդհանրապէս որքան միմիայն անհանդուրժելիորէն հմտական, բայց, դասական մշակումը, օժտեալ արուեստագէտ խառնուածքի մը մէջ կոկ եւ հատընտիր ճաշակի մը լրումն է: Դասական ճաշակը՝ ի սպաս արդիական ոգիի մը ընդունակ է յոյժ գեղեցիկ արդիւնքներ տալու: Դասականութիւնը, աւանդասիրութիւնը, կամ մաքրասիրութիւնը, լեզուի մէջ մանաւանդ, երբեք չեն մերժեր զարտուղի առանձնախառնութեան մը կարելիութիւնը ոճի ու մտքի իսկատպութեան մը:

✿

Գրականութեան մէջ ի՞նչ է լրագրականութեան նկարագիրը — Տգէտ, թերատ ու ծանծաղ ամենադիտութիւն մը. աւելի կամ նուազ սահուն ու աճապարու ձեւի մը ներքեւ՝ մուրացածոյ ե'ւ ծաղկաքաղ գաղափարներ կարկտելու ճարտարութեամբ: Անտարակոյս անտանելի կը գտնենք դրող մը՝ երբ կը ջանայ մեզի իր տաղտկալի հմտութեան բեռը հարկադիր ընել, նենդաժէտօրէն՝ մեր բան մը չգիտնալը մեր երեսին տալու ամբարտաւան եղանակով մը: Բայց կը սիրենք հմուտ մտքի մը հետ մտերմանալ, երբ հմտութիւնը կանխամտածութեան մը արդիւնքը չէ, այլ ինքնին կուգայ, բնական եղանակով, ու կը զայրանանք այն գրողներուն դէմ՝ որ ոչինչով կը սոնքան. այնքա՞ն աղքատ են՝ ու մեծահարուստ կը ձեւանան, կամ նոյն իսկ կը լրբանան՝ իրենց տգիտութիւններուն անուամբ:

✿

Ինկած բարքերը բարձրացնելու նպատակով՝ բա-

բոյական շիճադարմանումի դրութեան մը վրայ խորհողներ կան:

Շիճուկը, այո՛, հրաշքներ կը գործէ, քանի որ աչքի առջեւ ունինք Բասթէուը, Թուն, Մէջնիքօֆը : Բայց Պէհրինկը, բայց Քո՞խը : Շիճադարմանումը՝ իբր մեթոտ՝ անստոքիւտ է : Միայն թէ շիճուկ կայ՝ շիճուկ ալ կայ : Իմ մասիս, ես չեմ հաւատար սեռային անպարկեցութեան կամ հեշտական բնազդներու դէմ նախազգուշական շիճուկի մը : Այս ախտերը նմանաբուժօրէն չեն դարմանուիր : Այդ յուրութքին վատթար ազդեցութիւններուն աւելի կը հաւատամ . — վասնզի՝ այնքան դիւրագրգիռ ու բռնաւոր են մարդկային մեծ բնազդները :

* *

Անբարոյական գրականութիւնն այն չէ ապահովաբար որ, պատահաբար, անուղղակի կերպով սեռային բնազդներն ալ հրահրելու նկարագիր մը ունի : Իրաւամբ անբարոյական գրականութիւնն այն է որ կը միտի կանխամտօրէն չարաշահութիւն ի գործ դնելու յունի եւ ախտավարակ բնազդներու վրայ : Մեծապէս անբարոյական է կեղծպարիչտ ու շողոմարար այն գրականութիւնը՝ որ իր անխոստովանելի ծածկամտութիւնները գիտէ պարտկել, այնքան խարեպատիր դրսերեւոյթի մը ներքեւ :

Արուեստի գործի մը բարոյական ազդեցութիւնները սերտօրէն կախուած են ազդուղին ներքին բարոյական տրամադրութիւններէն ու հակումներէն : Թոյնդաշոյնական վէպի մը մէջ բացատրուած դաւադրական հնարագիտութիւն մը կարող է ճարտարամիտ չարագործ մը հրահանդել իր մտադրութիւններուն մէջ, իսկ ազնիւ հոգի մը՝ նողկանքով համակել : Գեղեցիկ մեր-

կութիւն մը կրնայ զինքը նկատող աչքին, տրամադրութիւններուն, հասկացողութեան աստիճանին համեմատ, գիշական հակամիտութիւններ զարթուցանել կամ զմայլանքի եւ հեշտութեան բեղուն արբեցութիւն մը պարզեւել :

*

Յանդգնիլ մինչեւ վերջը : Ահա իմացական առաքինութիւն մը՝ որուն առջեւ կը դողան ամենէն խիզախ միտքերը : Ամէն անգամ՝ կէս ճամբան կանդ կ'առնենք : Վասն զի քայլ մը եւս՝ եւ ահա անդունդներու մէջ հարկ կ'ըլլայ դլորիլ : Կ'արժէ՞ր, կամ թէ, կարելի՞ էր անդունդներու վրայ խիզախել, հասնելու համար ճշմարտութեան : Իմացական ճշմարտութիւնը կործանումներ ընդ քարշ կ'ածէ իր ետեւէն : Պէտք է ապրիլ, ատոր համար է որ կառչած կը մնանք մեր փորձառական ու պատահական ճշմարտութիւններուն :

*

Ընկերվարութիւն : Իր իտէալը ընդհանուր հաւասարում (nivellement) մըն է մարդկութեան՝ իր կեանքի այլաղան վիճակներուն ու արտայայտումներուն մէջ : Այդ իտէալը այն ատեն միայն ազնիւ է, երբ կը ճգտի մարդկութիւնը բարձրացնելու իմացական, բարոյական վերնագոյն աստիճանի մը մակերեւոյթին, եւ ասիկա գեղեցիկ ցնորք մըն է, որ նշանակութիւն ունի մեր մարդկային յուսախարութիւններն ու զղուանքները մերթ փոփոխելու արժէքով միայն : Խակ եթէ ընկերվարութիւնը կը հետապնդէ հարթհաւասարութեան գաղափար մը՝ որիւէ կարելի աստիճանի վրայ, կ'ենթագրեմ թէ անիկա անթուիչ վարդապետութիւն մըն է նախանձարեկ հոգիներու՝ որ անկարող ըլլային հանդուրժելու բնութեան կարգադրած պանծալի անհաւա-

սարութիւններուն՝ որոնց գինով միայն մարդկութիւնը տիեզերքին մէջ բան մը կ'արժէ այս աւաղի հատիկին վրայ: Յետոյ արդէն՝ ասիկա ալ ցնորք մըն է, միշտ իրականին զգացումէն, եւ այս անդամ, աւա՛ղ, տղեղ ցնորք մը:

Ընկերվարութիւնը մէկ ձեւով միայն թերեւս ըմբռունելի է: ՀԱՎԱ՛Ր անիկա տնտեսական ընդհանուր արդարութեան յորդահոս աղբիւր մը՝ որուն ջուրերէն երթային իրենց կեանքի իրաւունքը հաւասար առատաձեռնութեամբ ստանալու բոլոր մարդկութիւնները, երբ մայրախնամ բնութեան բարիքները կարող են սնուցանելու արեւին տակ ճշտորուող ամէն էակ, ամէն իր: Բայց հոս ալ հակասութիւն եւ ընդդիմութիւն չկա՞յ արդեօք անհաւասարութեան բնական եւ յաղթական սկզբունքին եւ հաւասարապաշտութեան արուեստական, մտատեսական սկզբունքին միջեւ:

Զեմ հաւատար ընկերվարութեան, ինչպէս չեմ հաւատար քրիստոնէութեան, ինչպէս չեմ հաւատար հանդերձեալ կամ աստենի բոլոր արքայութիւններուն, ինչպէս չեմ կրնար հաւատալ ոչ մէկ բանի: Վասն զի կ'ուղէի մանաւանդ դիտնալ՝ քան հաւատալ: Եւ յետոյ զգածողական (affectif) առաքինութիւն մըն է, զորունենալու համար փափաքիւր բաւական չէ, պէտք է հետը բերած ըլլալ:

*

Սկզբունքները, տեսարանութիւնները, բացարձակ արժէք ունին միայն իրենց գաղափարական ձեւին ներքեւ: Անմիջապէս որ տրուած անհաւասականութեան մը ջղային դրութեան մէջ կը տեղաւորուին իբր գործ երեւան դալու համար, շատ բան կը կորսնցնեն իրենց զուտ գաղափարախօսական արժէքէն: Այնուհետեւ

այն արժէքը միայն ունին՝ ինչ արժէք որ ունի իրենց կենդանութիւն տալու կոչուած միջավայրը:

*

Կեանքը՝ բնութեան մէջ՝ շահեկան ու գեղեցիկ երեւոյթ մը կը թուի ինծի: Ինծի՝ կ'ըսեմ, որովհետեւ կ'ուղեմ ճանչնալ իմաստասիրելու ինքնօրէն իրաւունքն անոնց՝ որ տարբեր կերպով պիտի տեսնէին ու զգային կեանքը: Վասն զի կեանքը իրաքանչիւրին համար այն իմաստն ու արժէքն ունի, անկախօրէն որ եւ է իմաստասիրական ֆօռմիւլէ, ինչպէս որ ճակատագրուած ենք զայն զգալու: Արդ, կեանքը բնութեան մէջ, շահեկան ու գեղեցիկ երեւոյթ մը կը թուի ինծի: Զեմ դիտեր թէ ինչ անմիջական կամ անդրագոյն վախճանականութիւն կայ անոր մէջ: Մանաւանդ որ՝ բացորոշապէս կասկածուտ եմ այդ մասին: Ահաւասիկ մեծագորդ աստուածաբանութիւնը՝ պարզապէս գոց աչքերու կամակոր դիւրահաւանութեամբ միայն վարկ եւ յաջողութիւն կը գտնէ: Հաւատալը գիտնալ չէ: Իսկ ոգեկան իմաստասիրութիւնը՝ չուզեր բաւականանալ դիտցուածին եւ գիտելիքին համեստութեամբ, ու կ'աճապարէ զիպի սահմանները հարուստ բայց մոլորանքներով լեցուն բնազանցութեան մը:

Բայց առ այժմ կը բաւէ որ գտած ըլլամ թէ կեանքը շահեկան է ու գեղեցիկ:

Եւ եթէ բնութեան մէջ վախճանական նպատակներ չեն նշմարուիր, իւրաքանչիւր անհաւասական կեանք իր յարաբերական անհաւասական նպատակն — իր կոչումն — ունի սակայն — ապրիլ ու ամիլ՝ իր ինքնուրոյն ընդունակութիւններուն ու հանդամանքներուն ամբողջական զարգացման մէջ, կեանքը, օրինակի համար մարդու մը կեանքը, այս մասնաւորուած երեւոյթը, կացուցա-

նելու համար աւելի՛ շահեկան, աւելի գեղեցիկ:

Ծաղիկները՝ ճակատագիրն ունին, կոչումն ունին ճոխանալու երանդներով եւ լիանալու բուրմունքներով, որքան որ կան: Միշտ աւելի ներքնուրոյն արժանիք ու գեղեցկութիւն կայ մանիշակի մը մէջ՝ որ ուժգին կը բուրէ, եւ թանձր երանդով մը կը սարսույ, քան ուրիշ մանիշակի մը մէջ՝ որ զուրկ է բուրմունքէ եւ թոյրէ:

Առիւծը անապատին մենութիւններուն եւ աւազներուն միահեծան խաղաղութեան մէջ աւելի՛ վսեմ է ու գեղեցիկ, եւ անմերձենալի բարձրութիւններու արքայական սահմաններուն մէջ միայն իր տեղն ունի՝ արծիւին խրոխտ ու պատկառելի հպարտութիւնը:

Գալով մարդուն, անիկա զործարանաւոր կենդանութեան եթէ ոչ ամենէն վերջին ու վերջնական, այլ ամենէն բարդ ու ամենէն բարձր արտայայտութիւնն է:

Այդ պարագային՝ իրեն համար կեանքի գերագոյն նպատակը պիտի ըլլար մշակել առաւելապէս՝ ինչ որ զինքը կը բնորոշէ ամենէն աւելի՝ կենդանական շրջանակին մէջ:

Աստուածները կը սնանին. կը սնանի նաեւ մարդը: Անկարեւոր է քանակական ու որակական տարբերութիւնը որ պիտի բաժնէր իրարմէ քիմիական կամ կենսաբանական այս երեւոյթները — սնանումն անասունին եւ սնանումը մարդուն: Միեւնոյն խոտի շիւղը կամ մսի կտորը կոչուած է ապահովել երկուքին ալ կենդանութիւնը:

Նաեւ՝ չպիտի կրնայինք իմացականութիւնն ընել բացարձակ մենաշնորհը մարդուն:

Բայց եթէ կը մտածէ անասունն ալ, ի՞նչ անդունդ՝ որ կը բաժնէ մարդկային մտածումն՝ անասնային տարբական իմացականութեան գործունէունքնէն՝ զոր կ'ան-

ուանենք բնազդ:

Ատոր համար էր որ պիտի համարձակէի ըսել թէ՝ մտածումը միայն կեանքը կը գեղեցկացնէ ու կը մեծացնէ մարդուն մէջ, մտածումը՝ որ կը թուի ըլլալ իր կեանքին վսեմագոյն նպատակը: Եւ, նորէն, ա՛ն է որ կեանքի զանազան երեւոյթներու նուիրապետութեան մէջ բարձրագոյն տեղ մը կը բռնէ:

Խանդաղատալիր պատկառանքով կը յիշեմ Բառքալը որ այնքան իրաւամբ անուանած է մարդը « le roseau pensant ».

✿

Հսել ուզած եղայ որ մտածումը միայն կը բարձրացնէ մարդը: Բայց այնքան պնդած են թէ՝ բարոյականը գերազոյն պսակն է մարդկային փառքին: Արդեօք Ապահովաբար, բարոյական իտէալ մը բանաձեւած ըլլալ, նորէն, մարդկային իմացականութիւնը պանծացնող հրահանդ մըն է:

Իտէալ մը. այսինքն բան մը որ չի կրնար իրականանալ, որ պէտք չէ իրականանայ, ըստ բացատրութեան, այսինքն բան մը՝ որ զաղափարական ու բանաստեղծական անորոշութեամբ հմայք մը միայն ունի:

Վասն զի գործնական բարոյականի տեսակէտով, հաւատարիմ շուն մը յաճախ աւելի բարձր բարոյականի տէր է, քան ամենէն անկաշառ հողիով մարդը, որ, մարդկութեան զիւրաբեկութիւն, քննական վայրկեանի մը մէջ կրնայ սայթաքիլ ու իյնալ:

✿

Բայց մտածումը միայն: Որքա՞ն տղայամտութիւն է վերջնականութեան յաւակնութիւն մը ճանչնալ մեր խորհուրդներուն: Վասն զի ահաւասիկ մարդուն եղանական կացութիւնը կացուցանող լծորդ հանդամանք մը, իր

զգայնութիւնը (sensibilité) այն տարօրինակ ու
բարդ էութիւնը, որմէ բղխող երեւոյթները կը խառ-
նըին, կը միաւորուին խմացական կարգին վերաբերող
գործողութիւններու հետ: Հին իմաստասիրութեան
բացարութեամբ, գլուխին ու սրտին միաւորումը ո-
րուն չքնաղ ծնունդներէն մէկն է Արուեստը:

ԳՐԱԿԱՆՈՒԹԻՒՆ ԵՒ ԳԵՂԱՐՈՒԵՍ

(Ա ն տ ի պ)

Ամաթէօռ մը, որ տաղանդ ունի, միշտ աւելի մա-
քուր եւ աղնուական արուեստագէտ մըն է քան ամենէն
մեծահամբաւ հեղինակը՝ որ հասարակ ժողովուրդէն
բան մը կ'սպասէ իր եսին եւ իր քսակին գոհացումին
համար:

* *

Գրականութիւնն այն ատեն արժանաւորագոյն ձեռ-
քերու մէջ է երր ամենէն առաջ դոհացում կուտայ են-
թակայական մտաւորական պէտքի մը: Թերեւս բոլոր
միւս պէտքերը ստորակարգ, պատահական կամ ան-
պէտ ու անպիտան պէտքեր են:

Տարօրինակ կերպով զօրաւոր յիշողութիւններ կան,
մերթ ծովի պէս անսահման ու ահաւոր, ամէն բան
կլելու եւ իր ընդերքին մէջ պահելու ընդունակ: Հոն
ոչ մէկ իր՝ մակերեւոյթին վրայ կը լողայ, քիչ յետոյ
աւազուտ ափունքին վրայ փոխուելու համար, (Սովո-
րական յիշողութիւններուն եղանակն է այս) այլ կը
սուզուի գէպի ամենակուլ յատակը, անհամար զանձե-
րով հարստացած: Յիշողութիւնն անշուշտ երկրորդա-
կան կարողութիւն մըն է: Կ'ըսուի թէ յիշողութեան
զարգացումը տեղի կ'ունենայ ի վնաս իմացական ուրիշ
յատկութիւններու: Կրնայ պատահիլ: Բայց ատիկա
թերեւս պարագան է անոնց, որ արդէն տկար ունին

դանո՞ք, այդ իմացական կարողութիւնները: Յիշողութիւնը կը վնասէ այս վերջիններուն, երբ ասոնք հարկ եղած ինքնուրոյն ուժը չունին: Յիշողութիւնը հլու ծառայ մըն է՝ երբ զօրաւոր տէրեր ունի, անկարգ բռնապետ մը՝ երբ ինքղինքը անտէր կը գտնէ: Մեծ իմացականութիւններուն մէջ, յիշողութեան բարի դերը, իբր հաւատարիմ շտեմարան, հիմնական կարեւորութեամբ դեր մըն է: Որքա՛ն զեղեցիկ իմացականութիւններ, անժառանդ մնացած այդ վստահէլի աւանդապահէն, չեն կրցած արժեցնել իրենց բոլոր նշանակութիւնը:

*

Հոետորութիւնը պարապութիւն մը պճնազարդելու պերեւեթելու արհեստն է: Արհեստ մը՝ փայտամարդեա եւ պուլպիկներ հաղուեցնելու: Բառե՛ր, բառե՛ր, ինչ-պէս ըսած է Եէքսրիր Համէթի բերնով, նորակերտ անհանձար բառեր, անգործածական բառեր, օտարոտի բառեր. ծանրաբեռն պէրճանքով բառեր, որք դատարկութիւն միայն կը պարունակեն: Ահաւասիկ հոետորութեան դրամագլուխը:

*

Բառերն, ասզրելու համար, պէտք ունին զգացողութիւններու, զգացումներու եւ զաղափարներու մագնիսականութեան. այլապէս՝ ամենէն ճոխ բառերը՝ մեռելի մը վրայ ձգուած հարսանեկան զգեստներ են: Բառերն ընդունակ են անտարակոյս զաղափարներ զարթուցանելու, բայց իրենց այդ դերը հիմնապէս պայմանաւորուած է զգայուն եւ կանխատրամադիր լսելիքի մը պատրաստակամութեամբ: Բառերն ինքնուրոյն արժէք մը չունին հակառակ իրենց ճոխութեան ու փայլին: Այդ է պատճառը որ աղքատիկ բառամթերք մը կը բառէ ժողովրդային այնքա՛ն հարուստ զբականութիւն մը

ճարտարապետելու: Երբ յիշողութիւնն անընդհատ հալածական է փայլուն բառերու կախարդանքին, այլ եւս ոչինչ կայ ինքնարուխ, բնական, թանձր եւ խորազդեցիկ՝ բառին արտայայտութիւններուն մէջ: Թերեւս աւելի ճշգելով հոգեբանական գործողութեան նկարագրերը, փայլուն բառերն ու հոետորական հնարքները այն ատեն միայն առաւելապէս կը հալածեն իմացականութիւնը, երբ ոչինչ կայ խառնուածքին մէջ ինքնատիպ եւ ուժգին, գաղափարը, կրքի կամ զգացողութեան ձեւերուն ներքեւ:

*

Շատեր մարդեկը կը հուեն ու կը դատեն իրենց ստամոքսին ու ջիղերուն տրամադրութեանց համեմատ: Ասիկա՝ ուրիշը չհասկնալու մասին մարդոց ունեցած ինքնահաճութեան ու անբաւականութեան արդիւնքն է:

*

Քննադատի դերն է ամենէն առաջ ճշգել արուեստագէտին անկեղծութեան աստիճանը ու սահմանել անոր տաղանդին անձնական նկարագիրը, որք անձեռնմխելի են եւ անկախ որ եւ է վարդապետական հարկադրութիւններէ:

*

Ի՞նչ է հոետորութիւնը: Անիկա զրականութիւնն է՝ սորվուած գրադիտութեան դասագիրքերու մէջ: Եւ գրագիտութեան դասագիրք մը կը սորվեցնէ ունենալ ոճի այն բոլոր ցանկալի յատկութիւնները՝ զորս մենք մեր մտաւորական խառնուածքին հետ չենք միասին բերեր, այլ որոնց կը բաղձանք, այլ զորոնք ունենալ կ'ուզենք՝ հոետորութեան ուժով: Հոետորութեան ծաղիկները արհեստական ծաղիկներ են: Հեռուէն դիտուած՝ գրեթէ նշան մը չունին որ չփոթել տան զիրենք

բնական ծաղիկներուն հետ : Բայց պատրա՞նք, Հոռ
չունին : Բոլոր պատրանքները քունքի օպտիկա չե՞ն
միթէ, վերջին վերլուծումով :

* *

Գրական յատկութիւնները բնախօսական յատկու-
թիւններու կը նմանին : (Թերեւս նոյն իսկ հիմնուած
են բնախօսական յատկութիւններու վրայ) : Բոնու-
թեամբ, բաղձալով կամ ազօթելով չենք կրնար ունե-
նալ զանոնք : Եւ երբ կը փորձենք այս մեթոդները՝ կը
ծեքենայինք այն յատկութիւնները զորս ունենալ կ'ու-
զէինք :

* *

Արդարեւ սիրոյ բանաստեղծութիւնը իր գոյութեան
իրաւունքն ունի ամէն ժամանակներու գրականութեանց
մէջ : Երբեք սպառած նիւթ մը չէ ան : Կ'սպասենք միայն
որ բանաստեղծը չմաշած, նոր լար մը գտնէ, իր սրտին
փոթորիկը երգելու համար : Միշտ հեշտալիր հաճոյքով
ու մերթ նոյն իսկ երախտագիտութեամբ սկիտի լսէինք
զինքն այն ատեն : Ասիկա այսպէս է հակառակ անոնց որ
սիրային բանաստեղծութիւնը տղայական . կը նկատեն :
Այդ տրամադրութիւններով զինուած մարդոց համար
բոլոր բանաստեղծութիւնները տղայական չե՞ն միթէ :
Առանձնախառնութեան խնդիր : Չեմ ըսեր թէ բանաս-
տեղծները քիչ գեր ունեցած են՝ բանաստեղծութիւնը
սին արձագանդներով լեցուն հնչական պարապութիւն
մը նկատել տալուն մէջ : Այնքա՞ն բազմաթիւ են դէշ
բանաստեղծները : Բայց անկախօրէն յոռի բանաստեղծ-
ներէն, կայ՝ բանաստեղծութիւնը : Խնդիրն այն է թէ
բանաստեղծութիւնն ըմբոնելու համար քիչ մը բանաս-
տեղծ ըլլալու է, եւ սէրը հասկնալու համար՝ սիրելու
ընդունակ սիրտ մը ունենալու է : Տհաս ու յաւիտենա-

պէս այնպէս մնալու դատապարտուած իմաստակներ
կը ճանչնամ, որք իրենց իմացական սահմանափակ
զգայնութիւնը առաջ կը քչեն, իբր անսխալ փորձաքար,
ամէն արժէքներու, բանաստեղծութիւնը ծաղրելով,
օրինակի համար լուրջ մարդու, կամ գործնական մտքի
արժանիք կ'երազեն ապահովել իրենք իրենց : Բայց
պարզապէս խակ գտած են, այս անզամ սրտասուչ տղի-
տութեամբ, այն երազողը՝ որուն իրենց գունչը չի հաս-
նիր : Եւ սէրը, «Գիտուն»ներուն, ծերացածներուն,
զործնական եւ լուրջ մարդոց հետ դործ չունի շատ :
Սէրը՝ սիրել կրցող սրտերունն է . սէրը՝ երիտասար-
դութեան չնորհն է, սէրը՝ կեանքին ներքին նպատակն
իսկ է, ուրեմն «Երգեսցուք զսէր» ինչպէս կ'ըսէ Սո-
ղոմոն :

* *

Ի՞նչ է ծաղրանկար մը .— ուսումնասիրութեան
առարկայ տիպարին վրայ ամենէն ուշագրաւ եղանակով
վիրաւորելի նկատուած կէտերուն՝ չափազանցուած,
համեմատութենէ ինկած եւ հետեւապէս ծիծաղելի ըն-
ծայուած ձեւով պատկերացումն է :

* *

Գրագէտներ կան որոնց տաղանդին անխափան տիե-
զերականութիւնը, որոնց մտքին նուածող զօրութիւնը
ինքինքնին հարկադիր կ'ընեն իրենց ժամանակին վր-
րայ : Ասոնք անվիճելի են, եւ ասիկա անտեղիտալի
բւնակալութիւնն է հանճարին՝ որուն առջեւ մեր նը-
ւաստ դլուիները կը խոնարհեցնենք խանդաղատեցու-
ցիչ հութեամբ մը :

Ուրիշներ կան, հասարակ տաղանդները, բազմամ-
բոխ արջառը միջակութիւններուն, դիւրին, բեղուն,
ձկուն, այլ հետեւակ, այլ տժգոյն :

Այս վերջինները՝ ծեծուած ճամբաներու վրայ երթեւկող ճարտար կառապաններ են: Իրենց հետ՝ շատ հանգիստ ենք ու ապահով: Գիտենք թէ ուր պիտի տանին զմել: Ատոր համար է որ հասարակաց ամբոխային վաստահութիւնն ու հաւանութիւնը իրենց հետ է, հասարակաց կոյր վաստահութիւնը եւ ծոյլ հաւանութիւնը, որ կը վախնայ խոտորնակ ճամբաններէն, որ անընդունակ է տոկալու անոնց յոդնեցուցիչ հաճոյքին:

Կան նաեւ տարականոն տաղանդները: Հանճարին տիեզերականութիւնը չունին անոնք: Բայց մեկուսի ու վեր են հասարակ միտքերու ռամիկ սովորականութենէն:

Արտուղի, կողմնակի, նորերեւոյթ ճիգեր են անոնք, մերթ, բարեբաղդ պարագային, յոյժ շահեկան: Իրենց մերթ միակողմանիութիւնը, աւելի կամ նուազ անձուկ աւելի կամ նուազ աղանդամոլ անհաստապաշտութիւնը՝ հաճելի չէ ամենուն, հաճելի չէ մանաւանդ «հասարակաց կարծիք»ին: Մանաւանդ թէ զայրոյթ ու հակակութիւն կը գրգոյ յաճախ: Սովորաբար չենք սիրեր այն մարդիկը՝ որք նմանութեան եզրերը կը շրջին: Վասն զի անընդունակ ենք հասկնալու մենէ շատ տարբեր անհաստականութիւնները: Եւ անհրաժեշտապէս կ'ուզենք որ մարդիկ իրարու նմանին: Հակառակը չենք կրնար ներել: Ասիկա հասարակաց մտքին տափակութեան ու աղքատութեան զայրալիր խոստովանութիւնն է: Տարտամօրէն ու խուզօրէն կ'զգանք թէ մեզի եւ ամենուն չնմանողներն՝ իրենց վրայ բան մը ունին՝ որ եթէ միշտ յայտնի գերազանցութիւն մը չէ, բայց չեշտօրէն ուշաղբութիւն կը հրաւիրէ, մինչդեռ, սովորական զէմքերը, աւա՛ղ, իրարու հետ կը շփոթուին: Հետեւաբար, այդ զարտուղի տաղանդներուն մօտենա-

լու պատշաճագոյն ու լաւագոյն եղանակը, առանց որ եւ է կանխորոշութեան, հանդարտօրէն, ու մանաւանդ յօժար համակրութեամբ, հետաքրքրուիլն է անոնցմով: Համակրութիւնը լաւագոյն յայտնաւորիչն (révélateur) է այդ զգայուն տախտակներուն (plaques sensibles) վրայ պահուըտած անտեսանելի պատկերներուն, որք շատ անգամ հրաշալիքներ են:

* *

Ինքնատպութիւնը անդիտակցութեան կալուածին կը պատկանի: Զգտում մը դէպի զուտ ու բացարձակ դիտակցութիւն՝ կը վնասէ արուեստի գործին: Այդ ձգտումը այլ եւս յատկութիւն մը չէ, այլ հոդ մը եւ յաւակնութիւն մը:

* *

Աշխարհի մէջ ամէն բան կը փոխուի: Ատիկա հարկաւորութիւն մըն է, որուն առջեւ գլուխ կը խոնարհեցնենք: Բայց հասարակաց եղրերու ջնջման մէջ լեզու մը ունի, ճաշակի աէր ու լուրջ մարդուն համար, տեսակ մը նուերականութիւն, զոր չենք կրնար պղծել առանց մեծամտութեան կամ տղիտութեան: Լեզուական ինքնատպութիւնը ընդհանրապէս ցուցասէր արտառոցութիւն մըն է: Դասական լեզու մը կարող է ինքնատիպ մտածում մը լիովին արտայայտել: Անշուշտ կենդանի լեզուն չի սառիր վերջնական կաղապարումի մը մէջ: Սառումը նկարագիրն է մեռած լեզուներուն: Կենդանի լեզուն կը փոխուի, կը շրջուի, անշուշտ, քանի որ կ'ասպի: Եւ այս երեւոյթը տեղի կ'ունենայ անըղդալի կերպով, բան մը՝ որ պէտք չէ շփոթուի լեզուական շինծու, բռնածիգ, անհանճար յանդնութիւններուն հետ:

Կար ժամանակ մը՝ ուր քննադատութիւնը դպրոցականի շարադրութիւններ սրբագրող դրագիտութեան վարժապետի աշխատութեան մը հետ կը շփոթուէր։ Սխալներ մատնանշել, թերութիւններ շտկել, կանոններ առաջարկել, օրէնքներ պարտագիր ընել՝ դրական քըննադատի ահարկու առաջինութիւններ էին։ Քննադատին դերը, այս ուղղութեամբ, առաւելապէս՝ տապալումի յոխորտ ու մեծամիտ դեր մըն էր։ Իբր թէ պէտք էր որ անպատճառ սրբագրէին։ Խիծեր ու բիծեր փնտուելու, անոնցմէ անպատճառ դանելու, արատներ մատը փաթթելու անհրապոյր այդ աշխատութիւնը՝ այլ եւս կը մնայ պատուելինելու ցամաք ու այլամերժ սրտերուն տիսուր երջանկութիւնը շինելու կոչուած աշխատութիւն մը։

Դրական գործ մը, ինչպէս արուեստի գործ մը, աւարտած, վերջնականօրէն ծնունդ առած զործեր են, տրուած զգայնութեան մը անկախ ու անհատական օրէնքներուն համեմատ արտայայտուած։ Քննադատութեան դերը՝ զանոնք հասկնալ ու բացատրել, եւ ի հարկին սիրել ու սիրցնել։ Քննադատը դնահատիչ մըն է, եւ իր դերը կը սահմանափակուի դնահատութեան առարկային ներքնուրոյն ու անկախ արժէքը սահմանելուն մէջ։ Իր լաւագոյն յատկութիւնն ա'յն կրնար ըլլալ որ, ինք աւելի՛ հասկնար, ինչ որ հասարակ սիրողները անբաւականօրէն պիտի հասկնային։ Իր հոգին, իր միտքը, իրենց դռուըները լայնօրէն կը բանան բոլոր այն արտայալութիւններուն՝ որոնք իրեն կ'առաջարկուին իրմէն տարբեր՝ բայց իրեն չափ իրենց անհատական անկախութեան մէջ ինքնօրէն ու ազատ զգայ-

նութիւններու կողմէ։ Այս սահմաններուն մէջ, ինչպէս ամենուրեք, բացարձակ դատաստաններ չկան, վասն զի չկան բացարձակ դատանիշեր։ Իրարմէ տարբեր կերպով բաղադրուած, հետեւապէս՝ իրարմէ տարբեր կերպով աշխարհի իրականութենէն ազդուող անհատականութիւններ միայն կան։ Քննադատը պիտի աշխատի այս անդամ՝ հասկնալ ու հաստատել շահեկանութեան նկարագիրն ու աստիճանը այն երեւոյթներուն՝ զորուամսասիրելու կոչուած է։ Երբ բարեբաղդ հանդիպումներ ունենայ, իր դերը խանդավառուիլ է ու խանդավառուել։ Գանձեր գտնող երկրախոյզի մը ուրախութիւնը պիտի ըլլայ իրենը։ Պիտի պատահի որ անպէտ բժժանքներ եւ անարժէք ուլունքներ պիտի հաստատէ։ Աւա՛ղ, թանկագին քարերը հազորապիւտ են։ Բայց ատոր համար չպիտի բորբոքի, բայց չպիտի կատղի՛ թէ ասիկա ինչո՛ւ համար այսպէս է։ Նոյն իսկ թոյլ չպիտի տայ իրեն ըսելու թէ ասիկա հարկ է սա՛պէս եղած ըլլալ։ Այլ պիտի ջանայ ըսել՝ թէ ճշդիւ ասիկա այսպէս է, վասն զի գիտէ թէ ասիկա այսպէս միայն կրնար եղած ըլլալ, հակառակ մեր բարի բաղձանքներուն կամ բարկութիւններուն։

Քննադատը խորաններ կը բարձրացնէ, դափնիներ կը հիւսէ, բադիններ կը կանգնէ արժանի աստուածութիւններուն համար, որոնց բազմութիւնն ու այլազանութիւնն՝ պանթէոնին հմայքը բարձրացնելու միայն պիտի ծառայէր։ Իր քրմապետի նուիրական գերին գիտակցութեամբ, պաշտօն ունի ինք՝ հաւատարիմներ եւ հաւատացեալներ պատրաստելու իր աստուածներուն։

*.

Արուեստը գերազանց հմայքն է կարգ մը հոգիներու համար։ Աչըրը, ամենազօր սէրը, երբ պատահի որ,

— եւ աւա՞ղ, ատիկա ամենօրեայ եղերական պատահում
մըն է — այրի թողու զմեղ մեր ամենէն խանդա-
վառ երազներուն հմայաթափութեան մէջ, կրնանք
արուստին վերադառնալ, եւ ան պիտի մխիթարէ զմեղ,
պիտի սրտապնդէ զմեղ, անխար ու անյողդողդ հաւատո-
քի մը զրահը պարզեւելով մեղի: Ու պիտի պատահի որ՝
սիրոյ կոկիծը՝ արուստի պատրուակ մը դառնայ, ու
վերաւոր սիրտը զովանայ այդ պայծառ ակունքէն, ի՞նչ
քաղցր հեգնութիւն:

Հոգիներ կան որ կ'ըսեն նորէն. (որքա՞ն եղբայրո-
րէն անոնցմէ եմ ես ինքս) «Այս տխուր ու թշուառ աշ-
խարհին մէջ թերեւս չկայ աւելի թանկադին ու յաւե-
տենական բան՝ քան արտայայտութիւնը կատարեալ,
մաքուր արուեստի մը: Բոլո՞ր յոյսերը, աշնահար ու
դաշկացած, կը տերեւաթափիին, բոլոր երազները կը
տժունին ու կը ցնդին, բոլոր ճոխութիւնները, բոլոր
բարիքները՝ անվստահելի ու զաղփաղփուն կայծկըլ-
տումներ են, որ տարածամ կը շիշանին: Ունայնութեան
սառնաշունչ հովը՝ տիեզերական ու բացարձակ մրմունջ
մը կը թուի, որ մեր ականջներուն մօտ կը հեծկլտայ
վերջին ու վճռական կործանուամներու ծշմարտութիւնը:
Բանաստեղծութիւնն է որ անմահութեան դրոշմ մը ու-
նի, եւ ա՛ն միայն, անընդիշական թրթումի մը մէջ,
թերեւս մեր հոդին յաւիտենականութեան կը կապէ,
դերեզմանափակ մահուան գերագոյն լուութենէն անդին:
Թերեւս արուեստը միայն կայ, որ պիտի կարենար
բիւրեղացնել, որ պիտի կարենար յաւիտենացնել, փայ-
լակնաշող յայտնատեսութեան մը անծանօթ այլուրին՝
որուն հայրենաբաղձութիւնը կը սպանք...»:

Հոգիներ կան որ այսպէս կ'ըսեն: Ես ինքս եմ որ

այդպէս կ'ըսեմ: Բայց ի՞նչ ըսել կ'ուզեմ: Պարապու-
թիւնը ուրիշ պարապութեամբ մը լեցնելու այս ջանքը
եղերականօրէն հեղնական չէ:

*

Իմացականութեան ոլորտները, արուեստին կա-
յանները բարձր են եւ դժուարամերձ: Ասիկա՝ իրենց
ստորոգելիքը, բնութիւնն իսկ է: Զէ կարելի զանոնք
վար իջեցնել, առանց վնասելու իրենց: Զրխոթան մը՝
(albatros) նաւի մը տախտակամածին վրայ, աղոտ
նաւաստիներէ շրջապատուած, ի՞նչ թշուատութիւն —
կը բացատրէր Պոտէս: Արուեստը չի զիջանիր: Պէտք
չունի ատոր: Զի կրնար արդէն: Զայն վայելելու հա-
մար՝ մինչեւ իրեն բարձրանալու է: Դէպէ վար քաշե-
լով զայն՝ հմայաթափի կ'ընենք, ծաղրելի կը դարձնենք
զայն: Անիկա հասարակ ժողովուրդին համոր չէր՝ որ
լիովին, ամբողջական ոչինչ կը հասկնայ: Բոլոր մեծ
համարներու ժողովրդականութիւնը եթէ ժողովուր-
դին ձեռքով շինուած է, ժողովրդային հասկացողու-
թեամբ շինուած չէ: Փորձեցէք ձեր սրտնքներուն ուժն
ու տոկունութիւնը, հասնելու համար մինչեւ անոր:
Բոլոր միւս ջանքերն օդաճախր ջրխոթանը վար առնե-
լու, ուամկացնելու տգէտ կեղծարար կամ մարդահա-
ճոյ եւ առհասարակ գարշելի միջոցներ են: Բնութեան
կարգերուն մէջ՝ աստիճանաւորումներ, նուրիրապետու-
թիւններ կան: Վերստին, բնական կարգին մէջ, բոլոր
արժանիքները՝ անհաւասարութեան, ապա եւ անար-
դարութեան օրէնքով կը բացատրուին: Փարիսեցինե-
րը եւ կեղծաւորները միայն պաշտօն ունին ընդհանուր
հարթ հաւասարութեան մը անհարպոյր զնորքը խաղ-
ցնելու ուամիլ հասարակութեան դիւրախար աչքերուն
առջեւ:

* *

Իմացականութիւնը առևսարիսափ կ'երթայ վնտուել
ճշմարտութեան ցնորքը: Կը վնտոէ ու չի դտներ: Գի-
տէ որ չպիտի դտնէ, բայց չի կրնար չփնտուել զայն:
Ճշմարտութեան վնտուտուքը մտքին սնանումն է: Բայց
ահաւոր իրողութիւն մը կայ աշխարհի մէջ: Մարդոց
մեծագոյն մասը դտած է ճշմարտութիւնը, առանց նոյն
իսկ զայն վնտուած ըլլալու: Յանուն ճշմարտութեան է
որ վերար կը խաչաձեւեն ամենէն մոլեգին դաշոյնները:

ՄՈՒԽԻՐ ԵՒ ՄԱԽԻՐ

(Ա. 6 տ ի ալ)

Ո՞վ գիւղ, իմ ծննդավայրս ու իմ յամը մահացու-
միս անպատճանատու ջերմավայր . . . : Թանձր, դառ-
նակսկիծ, մտախորհ մելամաղձութեան գինովցնող
բոյր մը կը բղխի քու ամէն մէկ անկիւնէզ. Եւ անմխի-
թարելի տրտմութիւնը իրիկուններուն՝ որոնց մէջ ա-
մենօրեայ արեւներս կը մեռնին արիւնաթաթաւ հոգե-
վարքներով, եւ յոգնատանջ երկարաձգումներ հեռա-
ւոր հորիզոններուն վրայ մարող ճամբաններուն՝ որոնք
ծայր, որոնք վերջակէտ չունին, եւ բնակութիւններու
եզրը՝ իրենց յաւիտենական խաչելութեան մէջ ուժա-
թափ, հինուկ հողմաղացները, վերջապէս ամենէն ան-
նշան իրերը՝ որ զքեզ կը բաղկացնեն, կեանքի սեւ հո-
գերուն սարսուռովը համակուած՝ կ'ապրին թէ չեն
ապրիր, չգիտեմ:

*

Երբեմն վնտուեցի թէ ինչո՞ւ կը գրէի: Ու դտայ
որ, կրնայի արդահատիլ գրելու ունայնամտութեանս
վրայ, եւ ուզեցի մերժել գրելու վառքն ալ, ուրիշնե-
րուն հետ: Ժխտումի չար ոգի մը կը գալարի շարու-
նակ՝ հոգիիս մէջ: Բայց հարկադրուեցայ տակաւին
հաստատել թէ՝ չէի կրնար ինչ հեռացնել զգալու եւ
խորհելու իրողութիւնը, — պիտի ըսէի՝ զգալու եւ

իորհելու պարծանքը: Եւ կը ջանամ բանաձեւել: մտածումը՝ ապրող մտքին սնանումն է: Կ'ուզեմ ապրիլ, ուրեմն բռնադատուած եմ խորհիլ, եթէ չեմ իսկ գրեր: Ու փորձեցի:

Մտածումս շրջադիծ չունէր, երանդ չունէր, ջիղ չունէր, թռիչք չունէր: Խորհելու համար գրելո՛ւ պէտք ունիմ ես: Կան՝ որ խորհելու համար կը խօսին: Զայնը, իր ելեւէջները մտածումը կ'ստորագծեն, անոր մկանունքները կը զօրացնեն, թեւ կուտան անոր: Ինծի համար՝ խօսիլ չկայ: Այդ պերճանքը իմ լուսէր շըրթունքներուս համար չէ կարծես: Խորհելու համար ես պէտք ունմ գրելու: Գրել՝ մտածումս կերտել, զայն աշխատիլ, զայն յղկել, զայն կատարելագործել ըսել է: Գրել՝ չարչարուիլ բայց ապրիլ ըսել է ինծի համար: Թոյլատրէին ինծի այս տաժանելի հեշտանքը, — այս յաւակնութիւնը:

❖

Բայց քանի՛ կը գրեմ, այսինքն քանի՛ կը խորհիմ, անձնատուր կ'ըլլամ սա անագորոյն համոզման թէ մտածումներու աշխարհին մէջ ներելի չէ բերանը բանալ անո՛ր համար՝ որ չունի ըսելու չլսուած բան մը: Անկից գուրմն՝ աւա՛ղ, ունայնամտութիւն միայն կայ, եւ ես ինքինքն կը սարսափիմ յաճախ:

Կանդ կ'առնեմ սակայն: Զլսուած բա՞ն մը: Կրնա՞յ ըլլալ չլսուած բան մը: Կը տարակոււիմ: Թերեւս, մարդկային հանձարը ըսած էարդէն բոլոր կարելի ըսելիքները: Եւ եթէ ճշգել հարկ ըլլար «չլսուած»ին իմաստը թերեւս հարկ էր ըսել « ըսելու չլսուած եղանակով » մը:

Բայց ըսելու չլսուած եղանակ մը՝ զայն հետերնիս բերած կ'ըլլանք կամ ոչ: Առաջին պարագան բախ-

տաւորութեան պարագան է: Երկրորդը՝ հասարակաց ճակատագրական պարագան է: Դժբախտութեան յաճա խաղէպ պարագան:

Բայց. — վերստին բայց, եւ ա՞ն գիտէ մինչեւ ուր, մինչեւ երբ, — ո՞վ պիտի դատէր կամ ի՞նչպէս պէտք էր դատել ըսուածներուն եղանակի նկարագիրը, թէ անոնք լսուած էին թէ չլսուած: Որքա՞ն տարտամութիւն, որքա՞ն անսառուգութիւն, այն սահմաններուն մէջ ալ, եւ ի՞նչ թշուառութիւն ամենուրեք:

❖

Ի՞նչ խոռվաբեր երկուութիւն է, զոր յաճախ կը հաստատեմ իմ մէջս, ամէն անգամ որ ինքընքս կը դիտեմ, իբր թէ հորի մը մէջ, կամ լճակի մը, եւ կամ առուակի մը ջուրերուն խորը:

Կ'ուզեմ հեռանալ իմ նմաններէս, — մարդերէն: Կ'ատե՞մ զանոնք: Չեմ կրնար ըսել ատիկա: Ատելութիւնն անազնիւ է, ու պիտի վախնայի ես ինձմէ: Ուրեմն ինչո՞ւ փախչէի ես ինձմէ: Ուրեմն ինչո՞ւ փախչէի անոնցմէ, կը վախցնե՞ն անոնք զիս: Բայց այս երեք չխոստովանուած հպարտութիւնը զոր կ'զգամ իմ մէջս՝ ինծի յաւէտ չպիտի թոյլ տար ամօթն ու այպանութիւնը, վատութիւնն ու վախկոտութիւնը:

Այն ատե՞ն: Ազնուատենչ դիւրազգածութիւն մը փրկել ամբոխային կոպիտ գիմաւորումներէ: Ահա՛ թէ ինչո՛ւ կը փախչիմ: Կը ջանամ հեռանալ հօտէն, վասն զի կը դտնեմ զայն՝ բուռն, կոյր, կոպիտ, անփոփկանկատ, անազնիւ, արձակունակ, տղեղ, տողորուած խոհարարական բնազդներու բոլոր տափակութիւններովը: Բայց ա՛յս է ընդհանուր նկարագիրը խուժանին, հակառակ ռամկապաշտ մտքին շահանկատ կամ տղէտ շողոքորթութիւններուն: Կը փնտում միայն ու կը յար-

դեմ ու կը պաշտեմ այն մեծերը, որոնք, անսպառ վա-
ռարան իմացական ու բարոյական կեդրոնի մը, իրենց
լուսաւոր էութենէն բղխող կայծերը կը ցրուեն, կը
թափանցեն բուսակենցաղ հոգիներուն մեծազանդուած
ճախճախուատին մէջ, հոն արթնցնելու համար ինչ որ
ունի հօտը ազնիւ՝ թաղնօրէն ու զօրութենականօրէն
(virtuellement) :

Ու կը սիրեմ մարդկութիւնը, իր առօրեայ եղերա-
կան անդարմանելի թշուառութեան մէջ, բայց կ'զգամ
թէ իժերու այս խուրձին զլխուն չի կոխուիր անպա-
տիժ: Կը ցաւիմ անոր մասին, բայց չեմ ուզեր մօտե-
նալ անոր: Ո՛չ զայն իր սողոսկումներէն վեր առնելու
հաւատքը ունիմ, ո՛չ մահացու կճումին միամիտ ու
անկարելի մեծութիւնը:

Ես ինքս ալ, ո՞վ գիտէ, մէկ վտանգաւոր անհատը
չե՞մ միթէ գիսախոխիւ գալարուն խուրձին: Ովե՛ր չէ
թունաւորած իմ լեզուս: Ովե՛ր չնորհապարտ են ինծի,
իմ ժայիտիս հեղնամոլ փաղաքշանքներէն, իմ ասեղնե-
րուս փայփայանքներէն: Ի՞նչ եմ ես ինքս: Իրաւա՞մբ
աւելի բան մը, քան գետնաքարշ մէկ անհատը իժերու
տրձակին: Ե՞րբ հոգիս կրցաւ հասնիլ մտածմանս աստ-
ուածամերձ հորիզոնին բարձրութեան: Ե՞րբ դատաս-
տանիս անկաշառ խստութիւնը անպարտութիւն կրցաւ
վճուել իմ անդարմանելիօրէն մարդկային սայթաքում-
ներուս համար: Ես իմ նմաններէս կ'ուզեմ հեռանալ,
զզուելի՛ զտնելով անոնց վոհմակը: Ովե՛ր արդեթք չեն
ուզեր նաեւ հեռանալ ինէ: Բայց վերջապէս, կ'զգամ
փոխադարձ բարիքը կարելի հեռաւորութիւններուն:
Պիտի ըլլայ որ, ոչ իժերը կարենային խայթել զիս, ո՛չ
ալ ինքնապաշտպանութեան լուծը հոգիս նսեմացնէր:
Եւ նաեւ, թունաւոր ակուաներս պիտի թափէին անգոր-

ծութենէ, եւ թոյնի գեղձերս պիտի թափէին առանձ-
նութեան մէջ:

* *

Երազն աւելի գեղեցիկ է քան գործը: Երազը՝ լոյսն
է, գործը՝ տկար ցոլքն անոր: Անօդուտ է երազներն
ապրել ջանալ, կը ռամկանան անոնք, հմայաթափ, գե-
ղակորոյս: Գաղափարը՝ գործին վճիտ ակունքն է: Ան-
դունդ մը կայ երկուքին միջեւ: Երազ եւ գաղափար
միշտ աւելի մաքուր են եւ ազնիւ: Անոնց յատկութիւն-
ները յատկութիւններն են անտեսանելի ոգիին՝ որ ան-
դենի ոլորտներու մէջ կը սաւառնի: Բոլոր տեսանելի
մարմնաւորումները՝ մկրտումներ են վերամբարձ թը-
ռիչներուն: Անոր համար՝ երազներս աւելի կը սիրեմ
քան ծնունդներս:

* *

Տակաւին կը շարունակեմ բանաձեւել այս ցնորա-
մտութիւնները: Հասկնալի՞ են անոնք այն մասնաւոր-
ուած ու պարագայական մղեալ իմաստով որով կը
հասկնամ ես զանոնք այս վայրկեանիս, մայիսի առա-
ջին առտուան մը պայծառութեան մէջ: Նոյն իսկ կըր-
նա՞մ երաշխաւորել ինքզինքիս՝ թէ ուրիշ օր մը պիտի
կարենամ հասկնալ զանոնք այն միեւնոյն երանդաւոր
իմաստներով:

Պէտք է վերսկսիլ սակայն, եւ ահաւասիկ:

Մարդկութիւնը յիմարօրէն յուզող քասային յոր-
ձանապտոյտին լուսանցքին վրայ առանձնացած, կ'ապ-
րիմ ու չեմ ապրիր: Համարձակութիւնը չունիմ նետ-
ուելու յորձանքին մէջ, վասն զի կ'զգամ թէ պիտի
կորսնցնեմ զլուխս ու պիտի կորսնցնեմ զիտակցու-
թիւնս: Այլ եւս եռուզես տարուած, այլ եւս անպէտ
ծառի բունի մը պէս յորձանքէն քչուած, առանց խոր-

հելու, եւ առանց երաղելու։ Որքա՞ն կը սարսափիմ այլ եւս չկարենալ խորհելէն, այլ եւս չկարենալ երագելէն։ Վասն զի հոն ուր ապրելու շարժումը կը յորձնանայ, հոն ուր մարդը կարճատեւ կեանքի մը փախըստական երեւոյթին կը փարի բոլորանուէր, յաւիտենականութեան ուխտաւորի մը յիմարօրէն անդիտակից միամտութեամբը, հոն այլ եւս մարդը կը գործէ, եւ գործէն համագրաւուած, եւ գործէն կլուած, ժամանակ չունի, հառաջելու իր թշուառութիւններուն վրայ, ժամանակ չունի զանոնք սփոփելու խորհուրդին սպեզանիով. — պիտի ըսէի, ժամանակ չունի ապրելու։

Անոնք որ գործը երազէն կը նախընտրեն, իբր այն թէ առաջինը չօշափելի ու կշտացնող իրականութիւննէր, մինչ վերջինը կը մնայ իրազանց անդոյ ստուեր մը, այդպիսիները զուրկ ըլլալու են աշխարհի իրականութեան յարաբերականութեան զզացումէն։

Բայց որի՞նն է իրաւունքը։ Որի՞նն է ճշմարտութիւնը։ Երազողի՞ն թէ զործողին, — տագնապահար՝ պիտի հարցնէի, կեանքի խնդրուածը լուծելու աղաչաւոր յօժարութեամբ։ Ու թերեւս ճշմարտութիւնը հոն է որ՝ թողուն երազողին երազել եւ գործողին գործել, քանի որ բոլոր ճամբաները այլ եւս օր մը՝ բան մը չըլլալուն միայն կ'առաջնորդեն։

❖

Երկար ատեն պատրանքով օրօրուեցայ։ Ինքինքս, աշխարհի մէջ, իմ նմաններուս մէջ, շահեկան երեւոյթ մը կը հաւատայի։ Անկից յետոյ, տարակուսեցայ, բայց գեռ կը յուսայի։ Կ'ապասէի, եւ իբր թէ կը կարծէի թէ խոստմնալից յամեցումի մը վրայ էր միայն խնդիրը։ Եւ պարբերաբար, իմ ենթագիտակցութեանս յատակին մէջ, ծովասուզակի խուզարկութիւններ փոր-

ձեցի։ Յուզմունքէ դողահար, բուռներս լեցուն, դուրս կուզայի անդունդին խորութիւններէն։ Բայց չզտա՞յ այն գանձերը՝ զորս դանել ապահով էի նախ, եւ յետոյ՝ գեռ կը յուսայի գտնել։ Փոխանակ մարդարիտներու, փոխանակ ոսկիի կամ աղամանդի, ժժմակներու, աւազի հատիկներու եւ խիճերու մնոտիք մը լոյս աշխարհ կը բերէի։

Անոնց վրայ կը նայիմ գեռ, այդ ոչինչ հարստութիւններուս՝ որ ձեռքերէս կը թափին, եւ կը հարցնեմ ինքնիրենս. ժժմակնե՞ր են ասոնք թէ մարդարիտի հատիկներ, ու վերստին, տեսողական պատրանքի մը կասկածանքը կը նեղէ զիս։

❖

Անհամար թերութիւններուս, իմ ցաւալի անբաւականութիւններուս սայրասուր վիշտը կը տառապեցնէ զիս անդուլ։ Իմ անդարմանելի մարդկայնութիւնս՝ իմ անյուսութիւնս է։ Սարսափելի անկեղծութեամբ մը՝ ինքինքս կը ճանչնամ, իմ անպէտ ոչնչութիւնս, եւ անմիթիթար կը մտմտամ։

Բայց ոչ ոք իմ երեսիս պիտի յանդգնի պոռալ այս զառնահամ ճշմարտութիւնը։ Իմ ներսս ծնունդ առած՝ հանդուրժելի է ան։ Համակրելի է անոր անտեղիտալի լուծը։ Դուրսէն եկած՝ հոգիս չի տոկար այդ նախատինքին։ Հպարտութիւնս կը մերժէ զայն, ճշմարտութիւնը, եւ կ'ընդվզի յոխորտանքով։ Ներքին ու ինքնաբուխ ճշմարտութիւններս միայն ուրեմն հեշտիւ ընդունելի են ինձ համար, որքա՞ն ալ անազորոյն ըլլան անոնք։ Եւ ասիկա՝ թերեւս՝ որովհետեւ՝ ունայնասիրութեան փաղաքշանք մը կը մեղմէ անոնց դառնութիւնը, երբ մենք մեր վրայ կը խօսինք, եւ ասիկա՝

մանաւանդ որովհետեւ, ես իմ մէջս կը տեսնեմ մարդն իսկ, յաւիտենական մարդը: Վասն զի ես այնքա՞ն ինք- զինքս եմ որքան ուրիշներն եմ՝ ճշմարտութեան այս ցուրտ հանգըռուաններուն մէջ:

Ո՞չ մտքի պէրանք մըն է, ո՞չ իմացականութեան ցուցապաշտ զարդամոլութիւն (dandysme), ո՞չ իսկ հեշտամոլ գեղասէրի գոռոզ հեգնասիրութիւն, երբ վերստին՝ վերջին երազներուն եւ վերջին պատրանքներուն ալ հմայքները կը ցնդին, ու ոչնչապաշտ հոդիս՝ կործանումներու անբախտ սիրահար՝ աւերակներու վերեւ կը սաւառնի ժպտելու համար անոնց անդարմանելի տրտմութեան վրայ:

Սրտիս ամենախորին անկեղծութիւնն է որ կը խօսի ինձի ու դեռ անոր յաւակնու արձագանքն է այս ողորմելի գրիչս, որ ուղղագիծ տողերու վրայ գետնաքարը՝ օճապտոյտ սողոսկում մը կը փորձէ վերստին:

Ըսել կ'ուզեմ որ, իմացականութեանս դատաստանին առջեւ օր մը աշխարհը կործանեցի՝ իր բոլոր տղայական կուռքերով: Իբր թէ մեծ վստահութեամբ մը ըրի այդ բանը, ամենամեծ անվախութեամբ մը նոյն իսկ թերեւս, առանց հաշուելու որ այդ խիզախումը կը թուլցնէր իմ մէջս կեանքին բոլոր քաղցր կապերը: Եւ այսպէս, հաստատած կ'ըլլայի թէ՝ պատրանքներու ունայն ու ողորմելի աստուածպաշտութեան մը միայն կրնային յանդիլ աշխարհի մէջ մարդկութեան ինքզինքը արտայայտելու համար ի գործ դրած բոլոր սոսուադասական ջանքերը:

Եւ ահաւասիկ համայնական աւերակներուն վերեւ պահ մը հոգիս յուսահատ սաւառնում մը եղաւ: Նոյն իսկ խարխուլ թառ մը չդառայ, անոր ազնիւ այլ տրտում յոդնութիւնը հանգուցանելու համար: Բայց որովհետեւ

կ'երեւի թէ պիտի ապրէի դեռ, հանգչելու խորշ մը ջանացի գտնել: Ու կարելի եղաւ որ կործանումներու այս դժբախտ աշխարհը տեսնէի՝ գեղեցկութեան տակաւին միիթարար տեսակէտէ մը: Այդ թշուառութիւնը, այդ սնոտիքը, այդ ոչնչութիւնը՝ աղուոր էր տակաւին:

Եւ միիթարար ուրախութեան մը մէջ դողացի տղու մը պէս՝ որ ապակեայ անարժէք ուլունքներ գտած ըլլար: Անոր համար կարելի եղաւ որ սիրեմ Արուեստը, պատրանքներուն ամենէն վեհը, եւ ինքզինքս դնեմ իր սպասարկութեան, դիւրաբեկ գրիչով մը տակաւին կապեր հաստատելու համար կեանքին հետ:

Ի՞նչ գրեցի, ի՞նչ իմաստով ծառայեցի նուիրական դիցուհին: Դառն տարակոյններ ունիմ միայն այդ մասին: Ու գիտեմ թէ, պատրանահար, երազներու մէջ միայն ապրեցայ, ինչպէս խիստ շատեր:

Այսօր՝ իրա՞ւ է արդեօք որ երազին սփափանքն ալ չունիմ: Իսկ, ի՞նչ ընելու են անոնք՝ որոնց խորտակուած է պատրանքին զրահը: Սուտ կամ սխալ հնանուք: Զի ահաւասիկ, կը սիրեմ թաղծալիր աշունը՝ երբ տերեւները կը գունատին ու կը թափին, կը սիրեմ գիւղիս թանձրօրէն ոսկեղօծ վերջալոյսները՝ երբ անդորր մթնշաղին մէջէն՝ յոդնած՝ հողագործներու յոդնաբեկ ստուերներ կը վերադառնան զէպի գիւղ: կը սիրեմ ծովը իր յոդզողդ գեղեցկութիւններուն անըմբնելի այլազանութեան մէջ, կը սիրեմ հինաւուրց ծառերն ու նորատի ծաղիկները, կը սիրեմ ոսկեղօծ միջատներն եւ օդերու թագաւորութեան երջանիկ բանկիչները, եւ կը սիրեմ այն հոգիները՝ որ ծնունդ տուին ինձի, եւ կը սիրեմ զանոնք՝ որ հոգի են իմ հոգիչս, ու կը սիրեմ նաեւ այն մէկ կամ երկու բարեկամները՝ որոնք կը սիրեն զիս...:

Այդքա՞ն բազմաթիւ կապեր, այդքա՞ն բազմաթիւ սլատրանքներ : Կ'ամըիմ ուրեմն կեանքը, ու բաց կը թողում հոգույս բոլոր խորտակուած պատուհանները՝ այն բոլոր ազնիւ գինովութիւններուն՝ որոնց պիտի կրնայի ընել հեղնաժաղիս այլ սրտադին հիւրընկալութիւն մը, այն բոլոր անյաղթելի գեղեցկութիւններուն՝ որոնց անսահման քաղցրութիւնը պիտի մոռցնել տար ինծի երեմն՝ թէ կ'ապրի՞մ արդեօք : Մտքով ապրելէ այնքա՞ն դառնացած՝ կ'ուզէի՛ որ, եթէ հնար էր, սիրտս ապրէր տակաւին այդ քանի մը ազնիւ սէրերով եւ մոռացումի՝ ներկրթութեան անձնատուր՝ հոգիս հասնէր վերջապէս իմաստութեան՝ որ անէութիւնն է :

Նոյեմբեր մէկ : Այս առտու պարտէզ կ'իջնեմ : Անսահման կապարագոյն վաթկայ մը, միապաղա՞ղ, — երկինքին կապտագեղ բեհեղային ուրախութիւնը կը խափանէ խոնաւ մթնչաղի մը գորշ տարտամութեան մէջ ինքնամփոփուած բոլոր իրերը : Կարելի չէ որոշել՝ առտո՞ւ է արդեօք թէ իրիկուն . այնքան անսատուգութիւն կայ այն թաղծարեկ եւ պատիր նշուլումին մէջ՝ որ կարծես թէ կը վարանի աշխարհը տեսանելի դարձնելու մեր աչքերուն : Աւերանքի եւ անհուն վշտահարութեան հրաշալի պատկեր մըն է պարտէզը : Տերեւաթափ ծառերը, մսկոտ խանահար՝ քրջաղգեաց մերկութեան մը առաջին անակնկալին մէջ՝ կարծես թէ՝ լոին կը մտածեն ճակատագրական աղէտներու վրայ՝ որ չպիտի ուշանային : Սարփինային նիհար ու օձագալար բազուկներուն վրայ՝ քանի մը խունկի գոյնով տերեւներ կը դողդղան տակաւին : Վարդենիները բոլորովին մերկ՝ փուշերու խուրձեր են այլ եւս : Թշուառութեան հրապոյրը կը սաւառնի : Թղենիին տակ կը կայ-

նիմ վայրկեան մը : Աշնահար լայն տերեւ մը, դաստակէն կտրուած ձեռքի մը պէս վար կ'իյնայ դանդաղ ու դժկամակ . անկումին մէջ՝ եղերական ու ցաւագին բան մը կայ որ կը տանջէ զիս : Իրը թէ հոգիս թառած ըլլար այդ անկենդան տերեւին վրայ . այնքա՞ն ինծի կը թուի թէ անոր հետ կը փրթի եւ անոր հետ վար կը թափի նաեւ հոգիս : Ի՞նչ թաքուն առընչութիւններ կան երկուքին միջեւ :

Կը մօտենամ մեղուանոցին : Ճերմակ վեթակներուն շարանը յուսահատորէն ամայի է եւ անկենդան : Ո՞չ իսկ միակ ոսկեզօծ թաղանդաթեւ մը՝ որ իր երանաւէտ եւ արրշիո թոփչքով մթնոլորտին մեռելութիւնը կենդանացնէր : Planchette de vol երուն վրայ՝ քանի մը գործաւորուհիներու դալարատանջ մեռած դիակները միայն :

Մտահոգ կը պատիմ պարտէզին մէջ : Զոր տերեւներու խաւով մը պատուած է հողը, եւ մեռած տերեւները կը հեծեծեն քայլափոխերուս տակ :

Որքա՞ն հրապուրիչ եւ տրտում գեղեցկութեամբ մը գեղեցիկ է աշունը : Ու կը համրեմ իմ աշուններս : Արդէն իսկ բազմաթիւ ըլլալ սկսած են անոնք, եւ յիշատակներով են կենդանի : Ու կը գտնեմ որ՝ երբ պէտք ըլլայ իմ անցեալիս համարատուութիւնն ընել, ամայի է ան անապատի մը նման, ուր քանի մը մանկական ժպիտներ միայն կը ծաղկին : Եւ ցանցառագոյն յիշատակներուս աւերները աշնանային թախծալիր վայրանկարներով միայն ըրջանակուած են :

Աշնան մէջ ծնած եմ : Սէրը հոգիի մը երկրորդ ծնունդն է : Աշնան մէջ սիրած եմ թերեւս : Աշուններու ոսկեղին արշալոյսներուն եւ արիւնաթաթաւ վերջալոյսներուն մէջ ամենէն աւելի ապրած եմ բնութեան

գեղեցկութիւնները։ Ու կ'ուզէի նոյեմբերի խաղաղ ի-
րիկուան մը ոսկեզօծ ու տրտում քաղցրութեամբ փառ-
քին մէջ մեռնիլ։

*

Ու մատծումներս, աշնան տերեւներու նման կը
թափին՝ վասն զի կեանքի հասունութեան բեռով են
ծանրաբեռնուած։ Մտածումները կը թափին՝ դուցէ
իմաստութեամբ ծանրաբեռն։ Տրտմութիւն եւ մահ կայ
տերեւներուն մէջ որ կը թափին։ Դառնութիւն եւ մահ
կայ չափազանց հասունցած այս իմաստութեան մէջ։
Իմացականութեան թոյնը գտայ ես։ Իմացականութեան
թոյնը կ'ըսեմ։ Ա՛ն է որ կ'սպաննէ, յամրօրէն, հեշտա-
կան երազի մը անապորոյն արբեցութեան մէջ երջան-
կացնելով հոգին։

Բայց այս առտու, ինչպէս միշտ գեղեցիկ է աշու-
նը, եւ որքա՞ն սրտագին ու կարօտաւէտ յարում կայ
իմ մէջն իր թաղծաւեր գեղեցկութեան համար։ Մառե-
րուն կմախքներուն հետ՝ բարեկամօրէն՝ հոգիովս կը
խօսակցիմ։ Աշնանային հովը կը զարնուի անոնց ճիւ-
ղերուն, անոնց մէջ հծծիւններ մըմունջներ թեթեւ սոյ-
լեր կենդանացնելով։ Եւ անոնց անուշ այդ պատաս-
խանները՝ ապրեցնող յուզումով մը կը լեցնեն իմ հո-
գիիս կամաւոր միայնութիւնը։ Մեռած տերեւներուն
մտերմութեան մէջ կ'ապրիմ դեռ գեղեցկութեան ու
գինովութեան այն տարտամ երազները՝ որոնք իմ հո-
գիիս սողոսկումներուն թեւեր կուտան տակաւին։ Ու
դիւթական վայրկեանի մը մէջ կը վերապրիմ, այս-
պէս, տողանցումը, վերերեւումը այն քաղցր պատկեր-
ներուն, հմայիչ տեսիլքներուն, եւ սիրելի անրջական
դիմաստուերներուն՝ որոնց հետ գեղեցկութեան յու-

զումներ, սիրոյ եւ արցունքի տրտում երանութիւններ
ապրած ըլլալու է իմ հոգիս։

Ու կը զգամ թէ տղու խօսքեր կ'ընեմ։ Միամիտ,
անիմաստ խօսքեր։ Ի՞նչ կը խորհին ուրիշներ հոգիի մը
այս կացութեան մասին։ 0'4, որքա՞ն պիտի ուզէի
չխորհիլ թէ ուրիշներ ինչ կրնային խորհիլ իմ մասիս։
Ուրիշներ իրաւունք ունի՞ն գատաստան ընելու հոգիի
մը ներքին թագաւորութեան անկախ չարժումներուն
վրայ։ Որքան քիչ «ուրիշ» ըլլալ ուզած եմ ես, իմ մե-
նասէր ուզեւորի ճամբորդութեանս այս ընթացքին։
Որքա՞ն արդարութեամբ ջանացած եմ որ ուրիշներն եր-
թան ըլլալ ինչ որ կ'ուզեն կամ կրնան ըլլալ։ Ինչո՞ւ
զիրար անհանգիստ կ'ընեն։ Ես կ'ուզէի ոչ ոքի հանգիս-
տը ոչ մէկ բանով խանգարել։ Բայց եթէ հակառակ
ամէն բանի ուրիշները անկարող են անհանգիստ չըլ-
լալ ինձմով, եթէ իմ գոյութիւնս կրնայ որ եւ է կեր-
պով տանջել իրենց ամբոխացեալ հետաքրքրութիւնն
ու զգացումները, այդ պարագային ալ, անոնց խեղ-
ճուկ բամբասանքներուն պիտի ջանամ ընդդիմահանել
իմ սրտագին ներողամտութիւնս, որուն խառնուած ըլ-
լար քիչ մը անուշ ժպիտ եւ քիչ մը արդահատանք։ Ես
եւ անոնք։ Տակաւին ու միշտ, անկարող եմ լուծել,
մթին խնդրուածը։ Կարելի չէ որ ինքինքս մոռնամ
անոնց համար։ Ինքինքը մոռնալ՝ պիտի նշանակէր
ամէն բան մոռնալ։ Ինքինքը մոռնալ պիտի նշանակէր
որդեգրուիլ մեծ ու բացարձակ մոռացումին, եւ այնու-
հետեւ ա՛լ ոչինչ կայ։ Պիտի յիշեմ զանոնք, եւ անոնք՝
իմ հոգիս թատերաբեմին վրայէն անցնելով պիտի
խաղան գոյութեան կատակերգութիւնը։ Վասն զի՝
տիեզերքը իմ մէջէս կը պրիսմակուի։ Տիեզերքը ինձ-
մով միայն գոյութիւն ունի։ Եւ եթէ ինձմէ դուրս աշ-

խարհը ունի առարկայական անկախ գոյութիւն մը, ի՞նչ նշանակութիւն եւ ինչ շահեկանութիւն կրնար ունենալ անիկա առանց ինծի: Ի՞նչ բանի օգտակար էր իմ քառային ու անկերպարան՝ անպէտ իրականութիւնը: Մնացեալը ստութիւն եւ կեղծիք է, կամ ցաւալի պատրանք: Շատ աւելի եսականութիւն գտած եմ հոգիներուն մէջ անոնց՝ որ անեսականութեան պաշտամունքը կը տարփողեն: Որքա՞ն մանաւանդ իրենց եսին իսկ փառաբանութիւնն է «ուրիշ»ներու այդ փառաբանութիւնը: Գիտնան թէ չգիտնան՝ ինչ որ կ'ընեն, ինդիր չէ: Զէ՞ որ բոլոր հոգիները՝ կոչուած են անցաւոր դեր մը խաղալու այս աշխարհին վրայ, այնուհետեւ՝ ա՛լ ոչինչ: Թողէք որ ընեն ինչ որ կրնան: Եւ ասիկա մեծ չնորհ մը չէր:

*

Բայց ըսէ՛ ինծի, հոգի՛ս, դուն քեզի ըսէ՛: Հոգի՛ս, անկե՞ղծ ես այ՛, բոլոր արտայայտումներուդ մէջ, ուր կը փորձես ինքզինքու ըլլալ, իբր թէ գեղեցկութիւնն ապրելու եւ գեղեցկութիւնն ստեղծելու համար: Կրնա՞ս վստահիլ թէ, քու բոլոր շարժումներուդ մէջ ցուցասիրութեան երանդ մը չկայ, որ գքեզ ծաղրելի պիտի դարձնէր նոյն իսկ քու նկատողութեանդ հանդէպ, լուսաւոր ինքնադիտակցութեան վայրկեանի մը մէջ:

Ի զո՞ւր այս կնծիոը կը փորձեմ լուծել: Անյաղթեւի հետաքրքրութիւն մը եւ խորին կասկած մը կը տանջեն զիս: Կը թուի թէ բնա՞ւ չեմ ճանչնար ինքզինքու եւ, զիջումով մը, որ չեմ գիտեր ինչո՞ւ գոյութիւն ունենար մէջս, ատոր մասին թերեւս պիտի հարցուփորձեմ այն հոգին՝ զոր պիտի ճանչնամ զիս ամենէն աւելի

խորապէս ճանչցած ու հասկցած: Ի՞նչ սրտառուչ ու պարզամիտ ունայնասիրութիւն: *

Նոյեմբերի տիսուր օրուան մը բոլոր պարունակութեան հաշուեյարդարութիւնն է այս: Որքա՞ն հակասութիւններ ըլլալու են հոն: Բայց ես համոզուած եմ թէ, այդ պայմանին տակ միայն կեանքը հնարաւոր է: Աչքերնիս գոցելու ենք հակասութիւններուն, երբ կուգենք ապրիլ: Այս բանը կ'ընենք արդէն երբ կ'ապրինք: Վասն զի չպիտի ուշանանք համնելու օր մը այն սահմաններուն՝ ուր այլ եւս ոչ մէկ ընդդիմակութիւն, ոչ մէկ հակասութիւն կայ, ուր ոչ լոյս կայ ոչ գիշեր, ուր տիեզերքը բացարձակ տրամաբանութեան մը կանոններուն համեմատ կը լուծուի իր բոլոր հարցերով ու բոլոր հոգերով:

Մինչեւ այդ սեւ ու վերջնական վայրկեանը, կ'զգամթէ՝ հոգիիս մէջ մէկը կայ՝ որ անդադար կը մեռնի, ուրիշ մը կայ՝ որ յախոնեան կ'ուզէ ապրիլ. հոգիիս մէջ մէկը կայ որ կուլայ, տակաւին ուրիշ մը կայ՝ որ կը ժպտի, եւ անոնք բոլորը զատ զատ էակներ են, իմ մէջս միաւորուած, եւ այդ հակասութիւններուն բաղադրութիւնն իսկ է իմ հոգիս:

Վերջին պահուն որքան հեղնաժպիս քաղցրութիւն կայ իմ մէջս: Կ'զգամթէ ան ինձմէ աւելի հզօր է եւ ես պատրաստ եմ գլուխ ծոել իր օրէնքին վճռականութեան առջեւ:

Ու կը գտնեմ որ՝ աշնան գեղեցկութիւնն ապրիլ ջանալը մաքուր մարզանք մըն է, որ կրնայ հոգին ամրացնել: Եւ այս քաղցր օրուան յիշատակը բիւրեղի մը մէջ խտացնելու աշխատութիւնը աղնիւ է ու պատուական:

ԹԱՓԱՌՈՒՄՆԵՐ

Զմեռ է, սարերու խստամբեր ու գաւառին լոին
երկայն Զմեռը, յաւիտենականութեան մը չափ երկա՞յն:

Մահուան Զմեռուան ձիւնը կը ցանուի ցաւոտ հո-
գիս խորը, գրիչը մատներուս մէջ կը դողայ, մելանը
սառեր է . . . :

Պատուհանիս պղտոր ապակիին ետեւ, վիրաւոր
դպակահար ծաղկի մը կը նմանիմ, Գարնան հոտաւէտ
կապոյտ օրերուն կրակի կարօտովն ու կարմիր արշա-
լոյսներուն աւիւնուս յիշողութիւններովը էրած մրկած:
Իրիկունը տիսուր է կարի եւ դալարուն ձանձրոյթը հե-
սաւոր սպիտակ հորիզոնին վրայէն՝ թունաւոր օճի սո-
ղոսկումներով կ'երկարի ու կը սպրդի հոգիս մէջ:
Եւ անսահման մաքուր ճերմակութիւնը ձիւնին, որ կը
թափթիի, ցրուուն ու մեղկ գանդաղութեամբ, ան-
ըսկիդր ու անվերջ անընդմիջական միօրինակութեամբ,
ներսս կը բանայ մելամաղութեան խորհրդածու ձմե-
ռը, սրտիս խորը լուսութիւնը կը պատճառաւորէ, —
Մօռիս Մէթէոլինք բանաստեղծին միսթիքական մտե-
րիմ լուսութիւնը, կէս լուսաւորութիւններով ու յատակի
թանձրօրէն ստուերոտ նշոյլներով ոսկեզօծուած:

Այլ եթէ ձիւնը կը տեղայ դուրսը, այլ եթէ անճո-
ղոպրելի Զմեռուան կործանումներուն սպառնալիքը
խարիսուլ պատուհանը կը բռնաբարէ, եւ ցուրտ քամին՝
մահուան ու ոչնչութեան անկարեկիր երդը կը հաշէ,
չէտ աննշան բանաստեղծին վճիտ միամիտ հոգին՝ սեւ
կասկածներու սարսափին ենթարկելով, — այլ անոր

սրտին մէջ՝ սիրոյ վերջին ծաղիկը դեռ կեանքով կը
բարախէ, ու ծխանին տակ մխացող խարոյկներուն մէջ՝
դեռ կեանքի կայծ մը կը փայլի, լուռթեան ու հսկումի
անձնատուր տղին հոգիին մէջ՝ բոցի պատառկի մը կը
պլպլայ, — բանաստեղծին օճախը դեռ կը մխայ . . . :

Զիւներուն գոցած սպիտակ արահետներուն մէջ՝
քայլերս մոլորեցան: Անսահման ճերմակութիւնը՝ կը
խեղդէ հոգիս: Մոլորումի սարսուռը՝ սիրտս կը սա-
ռեցնէ, ու ոտքերս քար կը կտրին: Քայլերուս կշու-
թիւնը՝ սայթաքումներ ու դանդաչումներ կ'աւրչտկեն,
եւ հոգիս խորը անբացատրելի քունի մը, — ո՞հ չը-
լու՞յ անզարթոյց քունին, — տարօրինակ հեշտութիւնը
կ'զգամ:

— Բարի աղատարար, բռնէ՛ ձեռքէս, գուցէ իյնամ,
գուցէ սառուցիկ ճերմակը վերջին անկողինս, ցրտին
ձիւնը՝ հանգստի վերջին բարձիկս ու վերջին երազիս
յաւիտենական վերմակն ու կափարիչն ըլլայ . . . :

Զմեռ է, դուրսը ցուրտ է, դուրսը ձիւն կայ, դուր-
սը սառոյց կայ: Մահուան սեւ սպառնալիքը կայ դուր-
սը, ու մխացող խարոյկին վերջին կայծերուն առջեւ,
հոգիին մէջ զգալով դեռ կեանքի բոցէ լեզուակի մը
դալարումը, վիետուրը սառնահար մատներուն մէջ,
աննշան քերթողը կը խոկայ: Ներեցէ՛ք իրեն մտացիր
երազողի այն չուարուն թափառումները, ձիւնասպի-
տակ արահետներէն, ինկած, սփիւռ ճերմակ երազնե-
րուն վրայէն . . . :

Իրիկունը կը ծանրանայ տակաւ, ձիւնը կը տեղայ
դեռ, ու, պղտոր պատուհանին ետեւ, նայուածքս կը
նուաղի: Խորունկ լուռթեան երկա՞յն սեւեռուն վայր-
կեա՞ն մըն ալ, եւ ահ՛տ գիշեր է:

Պատուհանիս ապակիին ետեւ կծկտած դեռ, իտկար

Բօյական մահապուշակ ագռաւի մը թունաւոր կտուցը
կ'զգամ սրտիս մէջ։ Մխիթարութիւն մը միայն ունիմ ։
Զէ՞ մի որ ծխանիս վերեւ կապոյտ ծուխի ջերմ պա-
րոյր մը կը ծփայ դեռ, այս ձիւն ձմոտուկին։ Հոգիիս
խորը՝ Սպասման անձկութիւնը՝ կեանք կուտայ ինծի
նորէն, — սպասումը՝ քաղցր վայելքին, սպասումը՝
հանդիսաւոր տօնին։ Զիւնեղէն ճամբաներուն մէջ, կոխ-
կոտած սպիտակ երազներուս վրայ, ու Մահուան ան-
դունդին եղերքը, ան է, սպասման ոգին է, որ սառած
դողդողագին թոքերս կը բռնէ, ու կ'առաջնորդէ զիս
դէպի շուշանաթոյր հորիզոնը, — Երազին սեմին վրայ,
— որ միշտ կը լայնայ, որ կը լայնայ յաւիտեան,
անսպառելի, անվերջանալի ճերմակ վերջալոյսի մը
տեսլական ճաճանչումներուն մէջ։

Ու յանկարծ «տա՛նկ, տա՛նկ» հսկայ ժամացոյցն
է որ կը զարնէ դուրսը, ձիւնի յորճանքներուն խորէն,
խուլ ու խորունկ։ Մտածումներու պարը պտուտք կու-
տայ եւ կը տարտղնի, իբրեւ թէ, քամիի հոսանք մը
ցրուէր զանոնք ցայտաթիթեռներու հոյլի մը նման։
Ա՛խ, ո՞ւր էր թէ սփոփարար հառաջանքով մը կարենա-
յի հովին տալ նաեւ բոլոր հոգերը ու բոլոր ցաւերը՝
որ իմ ներսս կը բնակին

Ճրագը կը վառի, խարոյկէն աւելի՛ ուժզնօրէն
կ'արծարծի, բոցագոյն փայլուն բակ մը կը զծագրուի
ճարճատուն խանձողներուն շուրջը եւ Մուսաներու-
մանկլաւիկը հոգիին խորը քաղցր տաքութիւններ կը
պայայ։ Ակնարկը ա՛լ ետ առնելու է պատուհանէն, վա-
ղադոյրը քաշելու է, ու խարոյկին բոցերուն պէտք է
դարձնել՝ խանդավառութեան վարդագոյն վայրկեանի
մը մէջ՝ կեանքով ու սիրով շողացող աչքերը։

— Մա՛միկ, պատմէ՛ ինծի մէկը այն միամիտ հո-

տաւէտ հէքեաթներէն, որոնց մէջ աղջիկները անկեղծ
աղուորութիւնը ունին, ուր սէրը դառնութիւն չունի,
եւ ուր վարդը փուշ չունի։ Մա՛միկ, պատմէ՛ ինծի ա-
նոնցմէ հատիկ մը։

Ճրագկալին տակ մամիկս բուրդ կը մանէ, — եր
ճակատագրին, իր ցաւերուն, ու իր կեանքին ցաւագին
անվերջանալի թելը, պիտի ըսէր էմիլ Վէռհարն բա-
նաստեղծը։ Ճրագին անարիւն բոցեղէն լեզուն՝ կը
պլպլա՛յ կը պլպլա՛յ, ու սենեկին վարագոյրներուն վը-
րայ՝ մեր երկուքին ստուերները, մեր երկուքին ստուե-
րանկարները, — ուրիշ մը պիտի ըսէր մեր երկուքին
ծաղրանկարները, — կը պարեն։ Բայց մթնոլորտը մա-
քուր է, շունչը տաք եւ հոգիները՝ ճրագին բոցէ լեզ-
ուակին պէս կեանքոտ ու պլպլուն։ Հոս՝ խարոյկին առ-
կայծումները եւ շունչերուն տաքութիւնը բաւական ե-
ղած են խրճիթին օդը տաքցնելու համար։ Եւ բանաս-
տեղծը չի նախանձիր ճեր սալօններուն արուեստական
ախտաբոյր տաքութեան։

Մամիկս կը պատմէ, եւ դիւթական հէքեաթը հո-
գիս կը բուրումնաւէտէ։ Երազանքի վարդալից նրբու-
ղիներու մէջէն կը քալեմ պահ մը։

Կեանքին մէջ՝ զմայլելի կրկներեւոյթներ կան։
Դիւթական հատուածակողմ մը ունիմ աչքերուս վրայ։
Ի՞նչ նոր են, ի՞նչ թարմ ու ի՞նչ մաքուր՝ դաշտանկար-
ներն ու հեռանկարները։

Մամիկս հէքեաթը սփոփանքի անուշ մրափ մը
ծանրացուց հոգիիս վրայ։ Հէքեաթները մարդը կը
միսիթարեն երբեմն։

Բազմոցին վրայ թոյլօրէն ընկողմանած, սիկարը՝
ցաւերուս նման շրթունքներուս վրայ մխալով, հանիիս
տալով ուշաղբութիւնս բոլոր, զինքը այնքա՞ն մօտ զգա-

ցած էի իմ գեռատի սրտիս ու հոգիիս:

Հէքեաթը վերջացաւ ու լոռութիւն մը ծանրացաւ,
անհնարին ծանրութեամբ լոռութիւն մը:

Ու յանկարծ, մտածման ի՞նչ խաղ էր որ խորիո-
բատ մը բացաւ իմ ու ծերունի հանիիս միջեւ:

Սեւ լաջակին ծայրերը գլխին վրայ ամփոփած,
մեղրամոմի մաքրութեամբ հիւծուած դէմքը՝ հան-
դարտ խղճմտանքի մը արտայայտութեան մէջ կաղա-
պարուած, ութսուն ձմեռներու ձիւնը գլխին, Վալատօն
նկարչին «Ճեր»երուն չափ համակրելի ու սիրուն, հա-
նիս դեռ կը շարունակէ մանել, միշտ մանել, յաւէտ
մանել, իր ճակատագրին, իր բախտին, իր ցաւերուն
յաւիտենական թելը, պարտասումի թելը, համակեր-
պութեան անգութ թելը: Անհուն յոգնութիւն մը կայ
ոսկրուտ մատներուն վրայ՝ որոնք տարապայման նի-
հարութեան մը մէջ կը հալին, ու սիրտհատուկ է այն
խանդաղատալից խնամքը՝ զոր կը դնէ հանիս՝ իր տա-
ռապանքին ու համակերպութեան թելը չփրցնելու մէջ,
— այնքան վախկոտ զգուշութեամբ կը մանէ:

Մինչդեռ իր թոռը, թելը խղելու փորձութեան մէջ
կը տառապի, ու ինքինքը կ'ուտէ անագորոյն սանձա-
հարումներու տակ: Ո՞վ քանդեր է իր մէջ աշխարհի
իմաստութեան սկզբունքը. ո՞վ սորվեցուցեր է իրեն
արդիլուած պտուղին կործանարար յետսապահանջու-
թիւնը: .

Պոտլէռեան դեւ մը կայ հոգիիս մէջ, որ կը փորձէ
դիս ամէն վայրկեան: Տատանում մը կայ գլխիս մէջ՝
որ զիս անդունդին վրայ ծնձղուկի փեթուած փետուր-
ներու նման կը խաղցնէ:

Ընկճուած կիսամեռ հանիէն՝ մինչեւ ամբարիշտ
ու սատանայ թոռը ճամբան երկայն է, ճամբան յաւի-
տենական է:

Ու հիմա կը մեղքնամ հանիիս՝ որ միօրեայ բոյսի
մը նման ապրած է ու կը խամբի: Իր մէկ գարը՝ իմ
քառորդ գարես տասանորդական գիտակցութիւնն ու
արժէքը չի կրնար հակակռել:

Ու հիմա, կը սիրեմ իմ գեւս, որ պիտի օր մը վերջ-
նականապէս հրապուրէ զիս, կը սիրեմ իմ ցաւերս,
ապրող ու սիրող մարդու ցաւերս, կը սիրեմ իմ խրոխտ
եսս, — ձնշուած՝ այլ հպարտ մարդու եսս:

Ու բռնահար միայնութեանս մէջ, խիզախ մտաւո-
րականի լկանքներուս մէջ, գեղացիի վայրագ բնազդ-
ներուս ու բուռն կիրքերուս սանձակոծումին տակ, եթէ
չըլլայ կեանքս տարածուն գործունէութեան մը բեղմ-
նաւոր ու առատ կեանքը, պիտի ընեմ զայն ներդործա-
կան խորհրդածու լոռութեան սեւ կեանքը:

Դուրսը հովը կը փչէ ուժգին, ձիւնը կը տեղայ
անդադար: Երկինքին բոլոր սպիտակ երազները, Խըլ-
եակները չքեղ կառուցումին, վար կը թափին, բանա-
տեղծին գլխին վրայ, բանաստեղծին ուղերուն տակ:

Ուժգին լարումներուն՝ ջղաթափութիւնը յաջորդեր
է: Մոլորագին թափառկոտութիւններէն՝ յոգնած է
մուսաներուն մատաղատի մանկլաւիկը:

Ու մարած սիկարը, — մարած արդեօք ցաւերն ալ,
— շրթունքներուն, իր ուխտին երազին մէջ, շըլուեր
պառկեր է ու կը քնանայ:

Իր զարթնումը՝ չքեղ արշալոյսի մը բոցավառու-
թիւններուն պիտի սպասէ: Մի՛ դպչէք իրեն, մեղք է,
թո՛ղ քնանայ կազդուրումի անուշ քունը, ու հանին,
հսկելով ձմեռնային չարագոյժ գիշերուան մէջ, իր ցա-
ւերուն ու իր համակերպութեան անվերջանալի թելը
թող մանէ . . . :

1 Յունիուր 1902 «Արեւելեան Մամուլ», էջ 77-81



Imp. Arax - 46, rue Richer, Paris.

Մուտք	Հ Ա Շ Ո Ւ Ե Կ Շ Ի Ր	Ելք
	1 Յունիսար 1935 -- 31 Հոկտեմբր 1936	
Սննուկը պատրաստ 1 Ցունվ. 1935ին 392.95	Եր. Օնեանի հասորին մնաց 2095	
Նուիրառութիւն 627	Ա. Յարութիւննամի տպգր. 2400	4495
Հին հաշինմերէ գամձաւած 1052.15	Սասմանի ծախս	955.15
Գիրմերու վանառումէն գոյացած 4204.55	Դրոշմ., երթևեկի, հեռածայն	307.80
Բաժանորդներէ 250	Ծամուցումի (գիրք տրուած)	420
	Գրենական պիտոյից	38.50
	Քիշէ, Վիճ. տուն եւ զամարան	95.90
	Սննուկը պատրաստ 31 Հոկ. 1936ին	214.30
		6526.65

Հաշումնելիչ՝ Վ. ԹԱԳԻՐՈՂԵՂԻՆ

ՆԱՀԱՏԱԿ ԳՐԱԳԼՏՆԵՐԻ ԲԱԽԱՄՄԵՐ

ԵԱՀՈՓ. -- Մեր Հաշումնելիչներն են եղել 1929-1930ին ողբաց. Մ. Տէրպէսկէրեան,
30-1934ին Պ. Բ. Բերբերան (այժմ բացակայութիւն) , 1934-1936ին Պ.Վ. Թագալրիան



NL0336647

« ՆԱՀԱՏԱԿ ԳՐԱԳԵՑՆԵՐՈՒ ԲԱՐԵԿԱՄՆԵՐ »

Մատենաշարէն լոյս տեսած են

Թիւ		Յքանիք
1.	Ռուբէն Զարդարեան	(1930) 20
2.	Մելքոն Կիւրիեան	(1931) 20
3.	Գեղամ Տէր Կարապետեան	(1911) 30
4.	Գեղամ Բարսեղեան	(1931) 20
5.	Արփիար Արփիարեան	(1931) 20
6.	Գրիգոր Զօհրապ	(1932) 20
7.	Տիգրան Զէօկիւրեան	(1933) 20
8.	Օհան Կարօ	(1933) 20
9.	Երուանդ Օտեան	(1935) 20
10.	Արտաշէս Յարուբիւնեան	(1937) 20

Մէր կեղրոնական հասցէն է ...

M. BARSAMIAN,
121, Rue Marcadet, Paris (18^e)